

PA2095

.J8

# ANTOLOGÍA ESCOLAR LATINA

Guillermo Junemann



CONVENCIONES

CONVENCIONES DE ASESORES Y COMISARIOS DE LOS DEPARTAMENTOS  
DE EDUCACIÓN

**The Library**  
of the  
**University of North Carolina**



PA2095  
.J8

ion,  
Jose,

L7-74 ab

**THE LIBRARY OF THE  
UNIVERSITY OF  
NORTH CAROLINA**



**ENDOWED BY THE  
DIALECTIC AND PHILANTHROPIC  
SOCIETIES**

---

PA2095  
.J8



00041433449

478

Jünemann

J93a

Ante-1 -

DATE

This BOOK may be kept out TWO WEEKS ONLY, and is subject to a fine of FIVE CENTS a day thereafter. It was taken out on the day indicated below:





# ANTOLOGÍA ESCOLAR LATINA

(CON INCLUSION DE LO QUE SE EXIGE EN EL

EXAMEN DE LATIN PARA EL

BACHILLERATO EN CHILE)

POR

Guillermo Jünemann



CONCEPCIÓN

ESCUELA DE ARTES Y OFICIOS DE S. JOSE

1912



# ANTHROPOLOGICAL MUSEUM

THE UNIVERSITY OF CHICAGO

CHICAGO, ILL.

1893



LIBRARY

23

LIBRARY

# DE BELLO GÁLICO

## Apreostos bélicos de los Helvecios

---

### LIBRO PRIMERO

( I·XII )

---

I. Gallia est omnis divisa in partes tres, quarum unam incolunt Belgae, aliam Aquitani; tertiam, qui ipsorum lingua Celtae, nostra Galli appellantur. Hi omnes lingua, légibus inter se differunt. Gallos ab Aquitanis Garumna flumen, a Belgis Matrona et Sequana dívidit. Horum omnium fortíssimi sunt Belgae, proptérea quod a cultu atque humanitate provinciae longíssime absunt, minimeque ad eos mercatores saepe cómmeant atque ea, quae ad effeminandos ánimos pértinent, important proximique sunt Germanis, qui trans Rhenum incolunt, quibuscum continenter bellum gerunt. Qua de causa, Helvetii quoque réliquos Gallos virtute praecedunt, quod fere cotidianis proeliis cum Germanis contendunt, cum aut suis finibus eos próhibent, aut ipsi in eorum finibus bellum gerunt. Eorum una pars, quam Gallos obtinere dictum est, initium capit a flúmine Rhódano, continetur Garumna flúmine, Océano, finibus Belgarum, attingit

etiam ab Sequanis et Helvetiis flúmen Rhenum, vergit ad septentriones. Belgae ab extremis Galliae finibus Rheni, spectant in septentrionem et orientem solem. Aquitania a Garumna flúmine ad Pyrenaeos montes et eam partem Océani, quae est ad Hispaniam, pertinet; spectat inter ocasum solis et septentriones.

II Apud Helvetios longe nobilíssimus fuit et ditíssimus Orgétorix. Is, M. Messala et M. Pupio Pisone consúlibus, regni cupiditate inductus conjurationem nobilitatis fecit et civitati persuasit, ut de fínibus suis cum ómnibus copiis exirent: perfácile esse, cum virtute ómnibus praestarent, totíus Galliae imperio potiri. Id hoc facilius eis persuasit, quod úndique loci natura Helvetii continentur: una ex parte flúmine Rheno latíssimo atque altíssimo, qui agrum Helvetium a Germanis dívidit, altera ex parte monte Jura altíssimo, qui est inter Sequanos et Helvetios, tertia lacu Lemanno et flúmine Rhódano, qui provinciam nostram ab Helvetiis dívidit. His rebus fiebat, ut et minus late vagarentur et minus fácile finítimis bellum inferre possent; qua ex parte hómines bellandi cúpidi magno dolore afficiebantur. Pro multitúdine autem hóminum et pro gloria belli atque fortitúdinis angustos se fines habere arbitrabantur, qui in longitúdinem milia passuum ccx , in latitúdinem cxxx patebant.

III. His rebus adducti, et auctoritate Orgetorigis permoti, constituerunt ea, quae ad proficiscendum pertinerent, comparare; jumentorum et carrorum quam

máximum númerum coémere; sementes quam máximas fácere, ut in itínere copia frumenti suppéteret; cum próximis civitatibus pacem et amicitiam confirmare. Ad eas res conficiendas biénnum sibi satis esse duxerunt, in tertium annum profectionem lege confirmant. Ad eas res conficiendas Orgétorix delígitur. Is, ubi legationem ad civitates suscepit, in eo itínere persuadet Cástico, Catamantaloedis filio, Sequano, cujus pater regnum in Sequanis multos annos obtinúerat, et a senatu populi Romani, amicus appellatus erat, ut regnum in civitate sua occuparet, quod pater ante habúerat: itemque Dumnorigi Æduo, fratri Divitiáci, qui eo témpore principatum in civitate obtinebat ac máxime plebi acceptus erat, ut idem conaretur, persuadet, eique filiam suam in matrimonium dat. Perfácile factu esse illis probat conata perficere, propterea quod ipse suae civitatis imperium obtenturus esset: non esse dubium, quin totius Galliae plúrimum Helvetii possent: se suis copiis suoque exércitu illis regna conciliaturum confirmat. Hac oratione adducti, inter se fidem et jusjurandum dant, et, regno occupato, per tres potentíssimos ac firmíssimos pópulos totíus Galliae sese potiri posse sperant.

IV Ea res est Helvetiis per indicium enunciata. Móribus suis Orgetorigem ex vinclis causam dícere coëgerunt; damnatum poenam sequi oportebat, ut igni cremaretur. Die constituta causae dictionis, Orgétorix ad iudicium omnem suam familiam, ad hóminum millia decem, úndique coëgit et omnes clientes obaeratosque



suos, quorum magnum númerum habebat, eodem conduxit; per eos, ne causam diceret, se eripuit. Cum civitas ob eam rem incitata armis jus suum exsequi conaretur, multitudinemque hóminum ex agris magistratus cógerent, Orgétorix mortuus est; neque abest suspicio, ut Helvetii arbitrantur, quin ipse sibi mortem conscíverit.

V. Post eius mortem nihilóminus Helvetii id, quod constitúerant, fácere cónantur, ut e fínibus suis exeant. Ubi jam se ad eam rem paratos esse arbitrati sunt, óppida sua omnia, número ad duódecim, vicos ad quadringentos, réliqua privata aedificia incendunt, frumentum omne, praeter quod secum portaturi erant, comburunt, ut domum reditionis spè sublata paratiores ad omnia perícula subeunda essent; trium mensium mólita cibaria sibi quemque domo efferre jubent. Persuadent Ráuricis et Tulingis et Latovicis finítimis suis, uti, eodem usi consilio óppidis suis vicisque exustis, una cum iis proficiscantur, Bojosque, qui trans Rhenum incolúerant et in agrum Nóricum transíerant Norëjamque oppugnarunt, receptos ad se socios sibi adsciiscunt.

VI. Erant omnino itinera duo, quibus itinéribus domo exire possent: unum per Séquanos, angustum et difícilè, inter montem Juram et flumen Rhódanum, vix qua singuli carri ducerentur; mons autem altíssimus impendebat, ut fáciie perpauci prohibere possent; álterum per provinciam nostram, multo facilius atque expeditius, proptereá quod Helvetiorum inter fines et

Allóbrogum, qui nuper pacati erant, Rhódanus fluit, isque nonnullis locis vado transitur. Extremum óppidum Allóbrogum est, proximumque Helvetiorum fínibus, Génava. Ex eo óppido pons ad Helvetios pértinet. Allobrógibus sese vel persuasuros, quod nondum bono ánimo in pópulum romanum viderentur, existimabant; vel vi coacturos, ut per suos fines eos ire paterentur. Omnibus rebus ad profectionem comparatis, diem dicunt, qua die ad ripam Rhódani omnes conveniant: is dies erat a. d. v. Kal. Apr. L. Pisone, Aulo Gabinio coss.

VI. Cáesari cum id nuntiatum esset, eos per provinciam nostram iter fácere conari, maturat ab urbe proficisci et, quam máximis potest itinéribus, in Galliam ulteriorem contendit et ad Génavam pέρvenit, provinciae toti quam máximum potest mílitem númerum ímperat (erat omnino in Gallia ulteriore legio una), pontem, qui erat ad Génavam, jubet rescindi. Ubi de eius adventu Helvetii certiores facti sunt, legatos ad eum mittunt nobilíssimos civitatis, cujus legationis Nammejus et Verucloetius príncipem locum obtinebant, qui dicerent, sibi esse in ánimo sine ullo maleficio iter per provinciam fácere, propterea quod aliud iter haberent nulum: rogare, ut eius voluntate id sibi fácere líceat.

Caesar, quod memoria tenebat, L. Cassium cónsulem occisum exercitumque ejus ab Helvetiis pulsum et sub jugum missum, concedendum non putabat; neque hómines inimico ánimo data facultate per provinciam itineris faciendi temperaturos ab injuria et maleficio exi-

timabat. Tamen, ut spatium intercédere posset, dum mīlites, quos imperáverat, convenirent, legatis respondit diem se ad deliberandum sumpturum; si quid vellent, ad Id. April. reverterentur.

VIII. Interea ea legione, quam secum habebat, militibusque, qui ex provincia convénierant, a lacu Lemanno, qui in flumen Rhódanum influit, ad montem Juram, qui fines Sequanorum ab Helvetiis dívidit, millia passuum decem murum, in altitúdinem pedum sédecim, fossamque perducit. Eo ópere perfecto, prae-sidia disponit, castella communit, quo facilius, si se invito transire conarentur, prohibere possit. Ubi ea dies, quam constitúerat cum legatis, venit, et legati ad eum reverterunt, negat, « se more et exemplo pópuli romani posse iter ulli per provinciam dare; et, si vim fácere conentur, prohibitorium ostendit.» Helvetii, ea spe dejecti, návibus junctis ratibusque complúribus factis, alii vadis Rhódani, qua mínima altitudo flúminis erat, nonnunquam interdiu, saepius noctu, si perrúmpere possent, conati, óperis munitione et mīlitum concursu et telis repulsi, hoc conatu destiterunt.

IX Relinquebatur una per Sequanos via, qua Sequanis invitis propter angustias ire non póterant. His cum sua sponte persuadere non possent, legatos ad Dumnorigem Aeduum mittunt, ut eo deprecatore a Sequanis impetrarent. Dúmnorix gratia et largitione apud Sequanos plúrimum póterat et Helvetiis erat amicus, quod ex ea civitate Orgetorigis filiam in matrimonium



dúxerat, et cupiditate regni adductus novis rebus studebat et quam plúrimas civitates suo beneficio habere obstrictas volebat. Itaque rem súscipit et a Sequanis ímpetrat ut per fines suos Helvetios ire patiantur, obsidesque uti inter sese dent, pérficit: Sequani, ne itínere Helvetios prohibeant, Helvetii, ut sine maleficio et injuria transeant.

X. Cáesari renuntiatur, Helvetiis esse in ánimo per agrum Sequanorum et Æduorum iter in Sántonum fines fácere, qui non longe a Tolosatium fínibus absunt, quae cívitas est in provincia. Id si fieret, intelligebat, magno cum provinciae pérículo futurum, ut hómines bellicosos, pópuli romani inimicos, locis paténtibus maximeque frumentariis finítimos haberet. Ob eas causas ei munitioni, quam fécerat, T. Labienum legatum praefecit : ipse in Italiam magnis itinéribus contendit, duasque ibi legiones conscribit, et tres, quae circum Aquilejam hiemabant, ex hibernis educit, et, qua próximam iter in ulteriorem Galliam per Alpes erat, cum his quinque legiónibus ire contendit. Ibi Ceútrones et Grajóceli et Caturiges, locis superioribus occupatis, itínere exércitum prohibere conantur. Complúribus his praeliis pulsus, ab Ocelo, quod est citerioris provinciae extremum, in fines Vocontiorum ulterioris provinciae die séptimo pérvenit: inde in Allóbrogum fines, ab Allobrógibus in Segusianos exércitum ducit. Hi sunt extra provinciam trans Rhódanum primi.

XI Helvetii jam per angustias et fines Sequanorum suas copias tradúxerant, et in Aeduorum fines pervénierant eorumque agros populabantur. Aedui, cum se súaque ab

iis defendere non possent, legatos ad Cæsarem mittunt rogatum auxilium: «Ita se omni tempore de populo romano meritos esse, ut pene in conspectu exercitus nostri, agri vastari, liberi eorum in servitutem abduci, oppida expugnari non debuerint.» Eodem tempore quo Aedui, Ambarri quoque, necessarii et consanguinei Aeduarum, Cæsarem certiores faciunt sese, depopulatis agris non facile ab oppidis vim hostium prohibere: item Allobroges, qui trans Rhodanum vicos possessionesque habebant, fuga se ad Cæsarem recipiunt, et demonstrant, sibi praeter agri solum nihil esse reliqui. Quibus rebus, adductus Caesar, non expectandum sibi statuit, dum, omnibus fortunis sociorum consumptis, in Santonos Helvetii pervenirent.

## DERROTA DE ARIOVISTO

### LIBRO PRIMERO ( L-FIN )

L. Próximo die instituto suo Caesar e castris utrisque copias suas eduxit paulumque a maioribus castris progressus aciem instruxit, hostibus pugnandi potestatem fecit. Ubi ne tum quidem eos prodire intellexit, circiter meridiem exercitum in castra reduxit. Tum demum Ariovistus partem suarum copiarum, quae castra minora oppugnaret, misit. Acriter utrimque usque ad vespere pugnatum est. Solis occasu suas copias Ariovistus multis et illatis et acceptis vulneribus in castra reduxit. Cum ex captivis quaereret Caesar, quam ob rem Ariovistus proelio non decertaret, hanc reperiēbat cau-

sam, quod apud Germanos ea consuetudo esset, ut matres familiae eorum sórtibus et vaticinatióibus declararent, utrum proelium committi ex usu esset necne; eas ita dícere: non esse fas Germanos superare, si ante novam lunam proelio contendissent.

LI. Postridie ejus diei Caesar praesidio utrisque castris, quod satis esse visum est, reliquit; omnes alarios in conspectu hostium pro castris minóribus constituit, quod minus multitudíne mílitum legionariorum pro hostium número valebat, ut ad speciem alariis uteretur. Ipse, tríplici instructa acie, usque ad castra hostium accessit.

Tum demum necessario Germani suas copias castris eduxerunt, generatimque constituerunt, paribusque intervallis Harudes, Marcomanos, Tríboces, Vangiones, Nemetes, Sedusios, Suebos; omnemque aciem suam rhedis et carris circumdederunt, ne qua spes in fuga relinqueretur. Eo mulieres imposuerunt, quae in proelium proficiscentes mílites passis mánibus flentes implorabant, ne se in servitutem Romanis tráderent.

LII. Caesar síngulis legiónibus síngulos legatos et quaestorem praefecit, uti eos testes suae quisque virtutis haberet; ipse a dextro cornu, quod eam partem mínime firmam hostium esse animadvérterat, proelium commisit. Ita nostri ácriter in hostes signo dato ímpetum fecerunt, itaque hostes repente celeriterque procurrerunt, ut spatium pila in hostes conjiciendi non daretur. Rejectis pilis cómminus gladiis pugnatum est. At Germani celériter ex consuetúdine

sua phalange facta ímpetus gladiatorum exceperunt. Reperti sunt complures nostri mílites, qui in phalangas insilirent et scuta mánibus revéllerent et désuper vulnerarent. Cum hostium acies a sinistro cornu pulsa atque in fugam conversa esset, a dextro cornu vehementer multitúdine suorum nostram aciem premebant. Id cum animadvertisset Publius Crassus adolescens, qui equitatui práeerat, quod expeditior erat quam ii, qui inter aciem versabantur, tertiam aciem laborántibus nostris subsidio misit.

LIII. Ita praelium restitutum est, atque omnes hostes terga verterunt, neque prius fúgere destiterunt, quam ad flumen Rhenum millia passuum ex eo loco círciter quinquaginta pervénerint. Ibi perpauci, aut víribus confisi, transnatare contenderunt, aut líntribus inventis sibi salutem reppererunt. In his fuit Ariovistus, qui navículam deligatam ad ripam nactus, ea profugit: réliquos omnes consecuti équites nostri interfecerunt. Duae fuerunt Ariovisti uxores, una Sueba natione, quam ab domo secum edúxerat; altera Nórica, regis Voccionis soror, quam in Gallia dúxerat, a fratre missam: utraeque in ea fuga perierunt. Duae filiae harum, altera occisa, altera capta est. C. Valerius Procillus, quum a custódibus in fuga trinis catenis vinctus traheretur, in ipsum Cáesarem, hostes equitatu persequentem, incidit. Quae quidem res Cáesari non minorem, quam ipsa victoria, voluptatem áttulit; quod hómi-



nem honestíssimum provinciae Galliae, suum familiarem et hóspitem, ereptum e mánibus hostium, sibi restitutum videbat; neque ejus calamitatem de tanta voluptate et gratulatione quidquam fortuna deminúerat. Is se praesente de se ter sórtibus consultum dicebat, utrum igni statim necaretur an in aliud tempus reservaretur: sortium beneficio se esse incólumen. Item Marcus Metius repertus et ad eum reductus est.

LIV. Hoc proelio trans Rhenum nuntiato Suebi, qui ad ripas Rheni vénerant, domum reverti coeperunt; quos Ubii, qui próximos Rhenum incolunt, pertérritos insecuti magnum ex his número occiderunt. Caesar, una aestate duobus máximis bellis confectis, maturius paulo, quam tempus anni postulabat, in hiberna in Sequanos exércitum deduxit; hibernis Labienum praeposuit; ipse in citeriorem Galliam ad conventus agendos profectus est.

## COSTUMBRES DE LOS GALOS Y GERMANOS

### LIBER SEXTUS (XIII-XXIX)

---

XIII. In omni Gallia eorum hóminum, qui áliquo sunt número atque honore, génera sunt duo. Nam plebes paene servorum habetur loco, quae nihil audet per se, nullo adhibetur consilio. Plerique, cum aut aere alieno aut magnitúdine tributorum aut injuria potentiorum premuntur, sese in servitutem dicant nobílibus, quibus in hos éadem omnia sunt jura, quae

dóminis in servos. Sed de his duobus généribus álterum est drúidum, alterum équitum. Illis rebus divinis intersunt, sacrificia pública ac privata procurant, religiones interpretantur: ad eos magnus adolescentium númerus disciplinae causa concurrit, magnoque hi sunt apud eos honore. Nam fere de ómnibus controversiis públicos privatisque constituunt, et si quod est admissum fácinus, si caedes facta, si de hereditate, si de fínibus controversia est, iidem decernunt, praemia poenasque constituunt; si quis aut privatus aut pópulus eorum decreto non stetit, sacrificiis interdicunt. Haec poena apud eos est gravíssima. Quibus ita est interdictum, hi número impiorum ac sceleratorum habentur, his omnes decedunt, áditum sermonemque defugiunt, ne quid ex contagione incómmodi accipiant, neque his peténtibus jus rédditur neque honos ullus communicatur. His autem ómnibus drúidibus praeest unus qui summam inter eos habet auctoritatem. Hoc mortuo aut, si quis ex reliquis excellit dignitate, succedit, aut, si sunt plures pares, suffragio drúidum, non numquam etiam armis de principatu contendunt. Hi certo anni tempore in fínibus Carnutum, quae regio totíus Galliae media habetur, considunt in locò consecrato. Huc omnes úndique, qui controversias habent, conveniunt eorumque decretis iudiciisque parent. Disciplina in Britannia reperta atque inde in Galliam translata esse existimatur, et nunc, qui diligentius eam rem cognoscere volunt, plerumque illuc discendi causa proficiscuntur.

XIV. Drúides á bello abesse consuerunt, neque tributa una cum réliquis pendunt, militiae vacationem omniumque rerum habent immunitatem, Tantis excitati praemiis et sua sponte multi in disciplinam conveniunt et a paréntibus propinquisque mittuntur. Magnum ibi númerum versuum ediscere dicuntur. Ítaque annos non nulli xx in disciplina pérmanent. Neque fas esse existimant ea litteris mandare, cum in réliquis fere rebus, públicis privatisque ratió nibus, Graecis utantur litteris. Id mihi duabus de causis instituisse videntur, quod neque in vulgum disciplinam efferri velint neque eos, qui discunt, litteris confisos minus memoriae studere; quod fere plerisque áccidit, ut praesidio litterarum diligentiam in perdiscendo ac memoriam remittant. In primis hoc volunt persuadere, non interire ánimas, sed ab aliis post mortem transire ad alios, atque hoc máxime ad virtutem excitari putant, metu mortis neglecto. Multa praeterea de sidéribus atque eorum motu, de mundi ac terrarum magnitúdine, de rerum natura, de deorum immortalium vi ac potestate dísputant et juventuti tradunt.

XV. Álterum genus est équitum. Hi, cum est usus, atque áliquod bellum incidit quod ante Caesaris adventum fere quotannis accídere solebat, uti aut ipsi injurias inferrent, aut illatas propulsarent), omnes in bello versantur: atque eorum ut quisque est génere copiisque

amplissimus, ita plúrimos circum se ambactos clientesque habent. Hanc unam gratiam potentiamque noverunt.

XVI. Natio est omnium Gallorum ádmodum dédita religiónibus; atque ob eam causam, qui sunt affecti gravióribus morbis, quique in praeliis periculisque versantur, aut pro víctimis hómines ímmolant, aut se immolatuos vovent administrisque ad ea sacrificia druídibus utuntur, quod, pro vita hóminis nisi hóminis vita reddatur, non posse deorum immortalium numen placari arbitrantur, publiceque ejusdem géneris habent instituta sacrificia. Alii immani magnítudine simulacra habent, quorum contexta vimínibus membra vivis homínibus complent; quibus succensis circumventi flamma exanimantur hómines. Supplicia eorum, qui in furto aut aliqua noxa sint comprehensi, gratiora diis immortalibus esse arbitrantur; sed cum ejus géneris copia defecit, etiam ad innocentium supplicia descendunt.

XVII. Deum máxime Mercurium colunt; hujus sunt plúrima simulacra, hunc omnium inventorem artium ferunt, hunc viarum atque itínerum ducem, hunc ad quaestus pecuniae mercaturasque habere vim máximam arbitrantur; post hunc Apóllinem et Martem et Jovem et Minervam. De his eandem fere, quam reliquae gentes, habent opinionem: Apóllinem morbos depéllere, Minervam óperum atque artificiorum initia trádere, Jovem imperium caelestium tenere, Martem



bella régere. Huic, cum proelio dimicare constituerunt, ea, quae bello céperint, plerumque dévovent; cum superaverunt, animalia capta immolant reliquasque res in unum locum cónferunt. Multis iu civitatibus harum rerum exstructos túmulos locis consecratis conspicari licet; neque saepe áccidit, ut neglecta quispiam religione aut capta apud se occultare aut pósita tollere auderet gravissimumque ei rei supplicium cum cruciatio constitutum est.

XVII. Galli se omnes ab Dite patre prognatos praedicant; idque ab druídibus próditum dicunt. Ob eam causam spatia omnis témporis non número dierum, sed noctium, finiunt: dies natales, et mensium et annorum initia sic observant, ut noctem dies subsequatur. In réliquis vitae institutis hoc fere ab réliquis differunt, quod suos líberos, nisi quum adoléverint, ut munus militiae sustinere possint, palam ad se adire non patiuntur; filiumque puerili aetate in público, in conspectu patris, assistere, turpe ducunt.

XIX. Viri, quantas pecunias ab uxóribus dotis nomine acceperunt, tantas ex suis bonis aestimatione facta, cum dótibus comunicant. Hujus omnis pecuniae conjunctim ratio habetur, fructusque servantur: uter eorum vita superavit, ad eum pars utriusque cum frúctibus superiorum témporum pervenit. Viri in uxores, sicut in líberos vitae necisque habent potestatem: et quum pater familiae, illustriori loco natus, decessit, ejus propinqui conveniunt, et, de morte si res in suspicionem venit, de

uxóribus in servilem modum quaestionem habent; et, si compertum est, igni atque ómnibus tormentis excruciatas interficiunt. Fúnera sunt pro cultu Gallorum magnifica et sumptuosa; omníaque, quae vivis cordi fuisse arbitrantur, in ignem íferunt, etiam animalia: ac paulo supra hanc memoriam servi et clientes, quos ab iis dilectos esse constabat, justis funéribus confectis, una cremabantur.

XX. Quae civitates commodius suam rem públicam administrare existimantur, habent légibus sanctum si quis quid de re pública a finítimis rumore aut fama accéperit, uti ad magistratum déferat neve cum quo alio commúnicet, quod saepe hómines temerarios atque imperitos falsis rumóribus terreri et de summis rebus consilium cápere cógnitum est. Magistratus, quae visa sunt, occultant, quaeque esse ex usu judicaverunt, multitudíni produnt. De re pública nisi per concílium loqui non concéditur.

XXI. Germani multum ab hac consuetúdine differunt. Nam neque drúides habent, qui rebus divinis praesint, neque sacrificiis student. Deorum número eos solos ducunt, quos cernunt et quorum aperte ópi- bus juvantur, Solem et Vulcanum et Lunam, réliquos ne fama quidem acceperunt. Vita omnis in venatió- nibus atque in studiis rei militaris consistit; ab pár- vulis labori ac duritiae student. Qui diutíssime im- púberes permanserunt, máximam inter suos ferunt lau- dem: hoc ali staturam, ali hoc vires, nervosque confirma-

ri putant. Intra annum vero vicésimum féminae notitiam habuisse, in turpíssimis habent rebus: cujus rei nulla est occultatio, quod et promiscue in flumínibus perluuntur, et péllibus aut parvis rhenonum tegimentis utuntur, magna córporis parte nuda.

XXII. Agriculturae non student; majorque pars victus eorum in lacte, caseo, carne consistit: neque quisquam agri modum certum aut fines habet proprios, sed magistratus ac príncipes in annos singulos géntibus cognationibusque hóminum, qui una coierunt, quantum, et quo loco visum est, agri attribuunt: atque anno post alio transire cogunt. Ejus rei multas áfferunt causas, ne, assidua consuetúdiue capti, studium belli gerundi agricultura commutent, ne latos fines parare studeant; potentioresque humiliores possessionibus expellant; ne accuratius, ad frígora atque aestus vitandos, aedificent: ne qua oriatur pecuniae cupíditas, qua ex re factiones dissensionesque nascuntur; ut ánimi aequitate plebem contineant, quum suas quisque opes cum potentíssimis aequari videat.

XXIII. Civitatibus máxima laus est, quam latissimas circum se vastatis finibus solitúdiues habere. Hoc proprium virtutis existimant, expulsos agris finítimos cédere, neque quemquam própe audere consistere: simul hoc se fore tutiores arbitrantur, repentinae incursionis timore sublato. Quum bellum civitas aut illatum defendit, aut infert, magistratus, qui ei bello praesint, ut vitae necisque habeant potestatem, deliguntur. In pace nullus

communis est magistratus; sed principes regionum atque pagorum inter suos jus dicunt, controversiasque minuunt. Latrocinia nullam habent infamiam, quae extra fines cujusque civitatis fiunt; atque ea juventutis exercendae ac desidiaie minuendae causa fieri praedicant. Atque ubi quis ex principibus in concilio dixit, se ducem fore; qui sequi velint, profiteantur: consurgunt ii, qui et causam et hominem probant, suumque auxilium pollicentur, atque ab multitudinem collaudantur: qui ex iis secuti non sunt, in desertorum ac proditorum numero ducuntur, omniumque iis rerum postea fides derogatur. Hóspites violare, fas non putant: qui, quaque de eausa, ad eos vénerint, ab injuria próhibent, sanctosque habent; iis omnium domus patent victusque communicatur.

XXIV. Ac fuit antea tempus, quum Germanos Galli virtute superarent, ultro bella inferrent, propter hominum multitudinem agrique inopiam trans Rhenum colonias mitterent. Itaque ea, quae fertilissima sunt. Germaniae loca circum Hercyniam silvam, (quam Eratóstheni et quibusdam Graecis fama notam esse video, quam illi Orcyniam appellant.) Volcae Tectosages occupaverunt, atque ibi consederunt. Quae gens ad hoc tempus iis sedibus sese contémnet, summamque habent justitiae et bellicae laudis opinionem: nunc quoque in eadem inopia, egestate, patientia, qua ante Germani pérmanent; eodem victu et cultu córporis utuntur; Gallis autem provinciae propínquitas, et transmarinarum rerum notitia, multa ad copiam atque usus largitur. Paulatim assuefacti su-



perari, multisque victi praeliis, ne se quidem ipsi cum illis virtute cōparant.

XXV. Hujus Hercyniae silvae, quae supra demonstrata est, latitudo novem dierum iter expedito patet: non enim aliter finiri potest, neque mensuras itinerum noverunt. Óritur ab Helvetiorum, et Nemetum, et Rauracorum finibus, réctaque flúminis Danubii regione pèrtinet ad fines Dacorum et Anartium: hinc se flectit sinistrorsus, diversis ab flúmine regiónibus, multarumque gentium fines propter magnitudinem attingit: neque quisquam est hujus Germaniae, qui se aut adisse ad initium ejus silvae dicat, quum dierum iter LX processerit, aut quo ex loco oriatur accéperit. Multa in ea genera ferarum nasci constat, quae réliquis in locis visa non sint: ex quibus, quae máxime differant ab céteris, et memoriae prodenda videantur, haec sunt.

XXVI. Est bos cervi figura, cujus a media fronte inter aures unum cornu existit, excelsius magisque directum his, quae nobis nota sunt, cónibus. Ab ejus summo, sicut palmae, rami quam late diffunduntur. Éadem est féminae marisque natura, éadem forma magnitudoque cornuum.

XXVII. Sunt item quae appellantur alces. Harum est consímilis capris figura, et varíetas pellicum; sed magnitudine paulo antecedunt, mutilaeque sunt cónibus, et crura sine nodis articulisque habent; neque quietis causa procumbunt: neque, si quo afflictæ casu conciderint, erigere sese aut

sublevare possunt. His sunt árbores pro cubilibus: ad eas sese applicant, atque ita, paulum modo reclinatae, quietem capiunt: quarum ex vestigiis quum est animadversum a venatóribus. quo se recípere consuerint, omnes eo loco aut a radícibus subruunt, aut accidunt árbores tantum, ut summa species earum stantium relinquatur. Hunc quum se ccusuetúdine reclináverint, infirmas árbores póndere affligunt, atque una ipsae cóncidunt.

XXVIII. Tertium est genus eorum, qui uri appellantur. Hi sunt magnitúdine paulo infra elephantos; specie et colore et figura tauri. Magna vis est eorum, et magna velócity: neque hómíni, neque ferae, quam conspéxerint, parcut. Hos studiose, foveis captos interficiunt. Hoc se labore durant homines adolescentes, atque hoc génere venationis exercent; et qui plúrimos ex his interfecerunt, relatis in públicum córnibus, quae sint testimonio, magnam ferunt laudem. Sed assuércere ad hómínes et mansuefferi, ne párvuli quidem excepti, possunt. Amplitudo cornuum et figura et species, multum a nostrorum boum córnibus differt. Haec studiose conquisita ab labris argento circumcludunt, atque in amplíssimis épulis pro póculis utuntur.

## DE BELLO CIVILI

---

### BATALLA DE FARSALIA

LIBER III ( LXXII-C )

LXXII. His rebus tantum fiducia ac spírítus Pompejanis accessit, ut non de ratione belli cogitarent, sed vicisse jam sibi viderentur. Non illi paucitatem nostrorum mílitum, non iniquitatem loci atque angustia, praeoccupatis castris, et ancípitem terrorem intra extraque munitiones, non abscissum in duas partes exércitum, quum áltera álteri auxilium ferre non posset, causae fuisse cogitabant. Non ad haec addebant, non ex concursu acri facto, non praelio dimicatum, sibique ipsos multitudíne atque angustiis majus attulisse detrimentum, quam ab hoste accepissent. Non dénique communes belli casus recordabantur, quam párvulae saepe causae vel falsae suspicionis, vel terroris repentini, vel objectae religionis, magna detrimenta intulissent; quoties vel culpa ducis, vel tribuni vitio, in exércitu esset offensum: sed proinde ac si virtute vicissent, neque ulla commutatio rerum posset accídere, per orbem terrarum fama ac lítteris victoriam ejus diei concelebant.

LXXIII. Caesar, ab superióríbus consiliis depulsus, omnem sibi commutandam belli rationem existimavit. Ítaque uno témpore praesidiis ómnibus deductis, et oppugnatione dimissa, coactoque in unum locum exér-

citu, concionem apud milites habuit, hortatusque est, ne ea, quae accidissent, graviter ferrent, neve his rebus terrerentur, multisque secundis praeliis unum adversum, et id mediocre, opponerent: habendam fortunae gratiam, quod Italiam sine aliquo vulnere coepissent: quod duas Hispanias, bellicosissimorum hominum peritissimis atque exercitatissimis ducibus, pacavissent; quod finitimas frumentariasque provincias in potestatem redegissent; denique recordari debere, qua felicitate inter medias hostium classes, oppletis non solum portibus, sed etiam littoribus, omnes incolumes essent transportati: si non omnia caderent secunda, fortunam esse industria sublevandam: quod esset acceptum detrimenti, ejus juri potius, quam suae culpa, debere tribui: locum se aequum ad dimicandum dedisse, potitum esse hostium castris, expulisse ac superasse pugnantes: sed sive ipsorum perturbatio, sive error aliquis, sive etiam fortuna partem jam praesentemque victoriam interpellavisset, dandam omnibus operam, ut acceptum incommodum virtute sarciretur: quod si esset factum, futurum, ut detrimentum in bonum verteret, uti ad Gergoviam accidisset, atque ii, qui ante dimicare timuissent, ultro se praelio offerrent.

LXXIV. Hac habita concione, nonnullus signiferos ignominia notavit, ac loco movit. Exercitui quidem omni tantus incessit ex incommodo dolor, tantumque studium infamiae sarcindae, ut nemo, aut tribuni, aut centurionis imperium desideraret, et sibi quisque



etiam poenae loco graviores impóneret labores, simulque omnes arderent cupiditate pugnandi, quum superioris etiam órdinis nonnulli, oratione permoti, manendum eo loco, et rem praelio committendam existimarent. Contra ea Caesar neque satis militibus pertérritis confidebat, spatiumque interponendum ad recreandos ánimos putabat, et relictis munitiónibus, magnópere rei frumentariae timebat: itaque, nulla interpósita mora, sauciorum modo et aegrorum hábita ratione, impedimenta omnia silentio prima nocte ex castris Apolloniam praemisit, ac conquiescere ante iter confectum vetuit. His una legio missa praesidio est.

LXXV. His explicitis rebus, duas in castris legiones reliquit, réliquas de quarta vigilia, complúribus portis eductas, eodem itínere praemisit; parvoque spatio intermisso, ut et militare institutum servaretur, et quam seríssime ejus profectio cognosceretur, conclamari jussit; statimque egressus, et novíssimum agmen consecutus, celériter ex conspectu castrorum discessit. Neque vero Pompeius, cógnito consilio ejus, moram ullam ad insequendum intulit: sed éadem spectans, si itínere impedito pertérritos deprehéndere posset, exercitum e castris eduxit, equitatumque praemisit ad novíssimum agmen demorandum; neque cónsequi potuit, quod multum expedito itínere antecésserat Cáesar. Sed quum ventum esset ad flumen Genusum, quod ripis erat impeditis, consecutus equitatus novíssimos praelio detinebat. Huic suos Caesar équites opposuit, expedi-

tosque antesignanos admiscuit CD; qui tantum proferunt, ut, equestri praelio commisso, péllerent omnes, compluresque interficerent, ipsi incólumes se ad agmen recíperent.

LXXVI. Confecto justo itínere ejus diéi, quod proposuerat Caesar, transductoque exércitu flumen Genusum, vetéribus suis in castris contra Asparagium consedit, militesque omnes intra vallum castrorum continuit, equitatumque, per causam pabulandi emissum, confestim decumana porta in castra se recípere jussit. Símiliratione Pompejus, confecto ejusdem diéi itinere, in suis vetéribus castris ad Asparagium consedit: ejusque milites, quod ab ópere, íntegris munitiónibus, vacabant, alii lignandi pabulandique causa longius progrediebantur; alii, quod súbito consilium profectionis céperant, magna parte impedimentorum et sarcinarum relicta, ad haec repetenda invitati propinquitate superiorum castrorum, depóstitis in contubernio armis, vallum relinquiebant. Quibus ad sequendum impeditis, Caesar, quod fore províderat, meridiano fere témpore, signo profectionis dato, exércitum educit, duplicatoque ejus diéi itínere, octo millia pasuum ex eo loco discedit: quod fácere Pompejus discessu militum non potuit.

LXXVII. Póstero die Caesar, simíliter praemissis prima nocte impedimentis, de quarta vigilia ipse egréditur, ut, si qua impósita esset dimicandi necéssitas, súbitum casum expedito exércitu subiret. Hoc idem réliquis fecit diebus. Quibus rebus perfectum est, ut

altíssimis flumínibus atque impeditíssimis itinéribus nullum accíperet incómodum. Pompejus enim, primi diéi mora illata, et reliquorum dierum frustra labore suscepto, quum se magnis itinéribus exténderet, et prae-gressos cónsequi cúperet, quarto die finem sequendi fecit, atque aliud sibi consilium capiendum existimavit.

LXXVIII. Caesari, ad saucios deponendos, stipendium exercitui dandum, socios confirmandos, praesidium úrbibus relinquendum, necesse erat adire Apolloniam. Sed his rebus tantum témporis tribuit, quantum erat properanti necesse: timensque Domitio, ne adventu Pompeji praeóccuparetur, ad eum omni celeritate et studio incitatus ferebatur. Totíus autem rei consilium his ratió nibus explicabat, ut, si Pompejus eodem conténderet, abductum illum a mari atque ab iis copiis, quas Dyrrachii comparáverat, frumento ac commeatu abstractum, pari conditione belli secum decertare cógeret; si in Italiam transiret, conjuncto exércitu cum Domitio per Illyricum Italiae subsidio proficisceretur; si Apolloniam Oricumque oppugnare, et se omni marítima ora exclúdere conaretur, obsessio Scipione, necessario illum suis auxilium ferre cógeret. Ítaque, praemissis nuntiis ad Cn. Domitium, Caesar scripsit, et, quid fíeri vellet, ostendit: praesidioque Apolloniae cohortibus IV, Lissi I, III Órici relictis, quique erant ex vulnéribus ægri, depósitis per Epirum atque Acarnaniam iter fácere coepit. Pompejus quoque, de Cáesaris consilio conjectura júdicans, ad Scipionem properan-

dum sibi existimabat, si Caesar iter illo haberet, ut subsidium Scipioni ferret; si ab ora maritima Oriciaque discédere nollet, quod legiones equitatumque ex Italia expectaret, ipse ut ómnibus copiis Domitium aggrederetur.

LXXIX. Iis de causis uterque eorum celeritati studebat et suis ut esset auxilio, et, ad opprimendos adversarios, ne occasione témporis deesset. Sed Cáesarem Apollonia a directo itínere avérterat: Pompejus per Candaviam iter in Macedoniam expeditum habebat. Accessit etiam ex improvise aliud incómodum, quod Domitius, qui dies complures castris Scipionis castra collata habuisset, rei frumentariae causa ab eo discésserat, et Heracléam, quae est subjecta Candaviae, iter fécerat, ut ipsa fortuna illum objícere Pompejo videretur. Haec ad id tempus Caesar ignorabat. Simul, a Pompejo lítteris per omnes provincias civitatesque dimissis, de praelio ad Dyrrachium facto, latius inflatusque multo, quam res erat gesta, fama percrebúerat, « pulsum fúgere Cáesarem, paene ómnibus copiis amissis. » Haec itínera infesta reddíderat, haec civitates nonnullas ab ejus amicitia avérterat. Quibus áccidit rebus, ut plúribus dimissi itinéribus, a Cáesare ad Domitium, et ab Domitio ad Cáesarem, nulla ratione iter conficere possent. Sed Allóbroges, Raucilli atque Egi familiares, quos perfugisse ad Pompejum demonstrávimus, conspicati in itínere exploratores Domitii, seu prístina sua consuetúdine, quod una in Gallia bella gésserant, seu gloria elati, cuncta. ut erant acta, exposuerunt, et Cáesaris profectionem et adventum



Pompeji docuerunt. A quibus Domitius certior factus, vix IV horarum spatio antecedens, hostium beneficio periculum vitavit, et ad Aeginium, quod est oppidum oppositum Thessaliae, Cáesari veniente occurrit.

LXXX. Conjuncto exercitu, Caesar Gomphos pervenit, quod est oppidum primum Thessaliae venientibus ab Epiro; quae gens paucis ante mensibus ultro ad Cáesarem legatos miserat, ut suis omnibus facultatibus uteretur, praesidiumque ab eo militum petierat. Sed eo fama jam praecurrerat, quam supra docuimus, de praelio Dyrrachino, quod multis auxerat partibus. Itaque Andróstheneſ, praetor Thessaliae, quum se victoriae Pompeji comitem esse mallet, quam socium Cáesaris in rebus adversis, omnem ex agris multitudinem servorum ac liberorum in oppidum cogit, portasque praeccludit, et ad Scipionem Pompejumque nuntios mittit, ut sibi subsidio veniant; se confidere munitiõnibus oppidi, si celèriter succurratur: longinquam oppugnationem sustinere non posse. Scipio, discessu exercituum a Dyrrachio cõgnito, Larissam legiones adduxerat: Pompejus nondum Thessaliae appropinquabat. Caesar, castris munitis, scalas musculosque ad repentinam oppugnationem fieri et crates parari jussit. Quibus rebus effectis, cohortatus milites docuit, «quantum usum haberet ad sublevandam omnium rerum inopiam potiri oppido pleno atque opulento; simul reliquis civitatibus hujus urbis exemplo inferre terrorem; et id fieri celèriter, prius quam auxilia concurrerent.» Itaque, usus singulari militum studio,

eodem, quo vénerat, die, post horam nonam, óppidum altíssimis móenibus oppugnare aggressus, ante solis occasum expugnavit, et, ad diripiendum militibus concessit; statimque ab óppido castra movit, et Metrópolis venit, sic, ut nuntios expugnati óppidi famamque antecéderet.

LXXXI. Metropolitae, primum eodem usi consilio, iisdem permoti rumóribus, portasque clausurunt, murosque armatis compleverunt: sed post ea, casu civitatis comprehensis cógnito ex captivis, quos Caesar ad murum producendos curáverat, portas aperuerunt. Quibus diligentíssime conservatis, collata fortuna Metropolitum cum casu Gomphensium, nulla Thessaliae fuit cívitas, praeter Larissaeos, qui magnis exercítibus Scipionis tenebantur, quin Cáesari parerent, atque imperata fácerent. Ille ségetis idoneum locum in agris nactus, quae prope jam matura erat, ibi adventum expectare Pompeji, eoque omnem rationem belli conferre constituit.

LXXXII. Pompejus paucis post diebus in Thessaliam pérvenit; concionatusque apud cunctum exércitum, suis agit gratias; Scipionis mílites cohortatur, «ut, parta jam victoria, praedae ac praemiorum velint esse partícipes:» receptisque ómnibus in una castra legiónibus, suum cum Scipione honorem partitur, classicumque apud eum cani, et álterum illi jubet praetorium tendi. Auctis copiis Pompeji, duobusque magnis exercítibus conjunctis, prístina omnium confirmatur opinio, et spes victoriae augetur adeo, ut, quidquid intercéderet témporis, id morari réditum in Itatiam videretur;

et, si quando quid Pompejus tardius aut consideratius fáceret, « uníus esse negotium diéi, sed illum delectari imperio, et consulares praetoriosque servorum habere número, » dícerent. Jamque inter se palam de praemiis ac sacerdotiis, contendebant, in annosque consulatum definiebant; alii domos bónaque eorum, qui in castris erant Cáesaris, petebant: máгнаque inter eos in consilio fuit controversia, oporteretne L. Hirri, quod is a Pompejo ad Parthos missus esset, próximis comitiis praetoriis absentis rationem haberi: quum ejus necessarií fidem implorarent Pompeji, praestaret, quod proficiscenti recepisset, ne per ejus auctoritatem deceptus videretur; réliqui, in labore pari ac perículo, ne unus omnes antecéderet, recusarent.

LXXXIII. Jam de sacerdotio Cáesaris Domitius, Scipio, Lentulusque Spinther, quotidianis contentionibus ad gravíssimas verborum contumelias palam descenderunt; quum Léntulus aetatis honorem ostentaret, Domitius urbanam gratiam dignitatemque jactaret, Scipio affinitate Pompeji confideret. Postulavit etiam L. Afranium prodicionis exércitus Attius Rufus apud Pompejum, quod gestum in Hispania díceret. Et L. Domitius in consilio dixit, placere sibi, bello confecto, ternas tabellas dare ad judicandum iis, qui órdis essent senatorii, belloque una cum ipsis interfuissent; sententiasque de sículis ferrent, qui Romae remansissent, quique intra praesidia Pompeji fuissent neque óperam in re militari praestitissent: unam fore,



tabellam, qui liberandos omni periculo censerent; alteram, qui capitis damnarent; tertiam, qui pecunia multarent. Postremo omnes aut de honoribus suis, aut de praemiis pecuniae, aut de persequendis inimicis agebant; nec quibus rationibus superare possent, sed, quemadmodum uti victoria deberent, cogitabant.

LXXXIV. Re frumentaria praeparata confirmatisque militibus, et satis longo spatio temporis a Dyrrachinis praeliis intermisso, quo satis perspectum habere militum animum videretur, tentandum Caesar existimavit, quidnam Pompejus propósi aut voluntatis ad dimicandum haberet. Itaque ex castris exercitum eduxit, aciemque instruxit, primum suis locis, paulloque a castris Pompeji longius, continéntibus vero diebus, ut progrederetur a castris suis, collibusque Pompejanis aciem subjiceret. Quae res in dies confirmatiorem ejus exercitum efficiebat. Superius tamen institutum in equitibus, quod demonstrávimus, servabat, ut, quoniam número multis partibus esset inferior, adolescentes atque expeditos ex antesignanis electos milites ad perniciem, armis inter equites praeliari juberet, qui quotidiana consuetudine usum quoque ejus generis praeliorum perciperent. His erat rebus effectum, ut equitum mille apertioribus etiam locis VII millium Pompejanorum ímpetum, quum adesset usus, sustinere auderent, neque magnópere eorum multitudinem terrerentur. Namque etiam per eos dies praelium secundum equestre fecit, atque Ægum Allóbrogem ex



duobus, quos perfugisse ad Pompejum supra docuimus, cum quibusdam interfecit.

LXXXV. Pompejus, quia castra in colle habebat, ad infimas radices montis aciem instruebat; semper, ut videbatur, spectans, si iniquis locis Caesar se subjiceret. Caesar, nulla ratione ad pugnam elici posse Pompejum existimans; hanc sibi commodissimam belli rationem judicavit, uti castra ex eo loco moveret, semperque esset in itineribus: haec sperans, ut, movendis castris pluribusque adeundis locis, commodiore frumentaria re uteretur; simulque, in itinere ut aliquam occasionem dimicandi nancisceretur, et insolitum ad laborem Pompeji exercitum quotidianis itineribus defatigaret. His constitutis rebus, signo jam profectionis dato, tabernaculisque detensis, animadversum est, paullo ante, extra quotidianam consuetudinem, longius a vallo esse aciem Pompeji progressam, ut non iniquo loco posse dimicari videretur. Tunc Caesar apud suos, quum jam esset agmen in portis, « Differendum est, inquit, iter in praesentia nobis, et de praelio cogitandum, si, ut semper depoposcimus, animo simus ad dimicandum parati; non facile occasionem postea reperiemus: » confestimque expeditas copias educit.

LXXXVI. Pompejus quoque, ut postea cognitum est, suorum omnium hortatu statuerat praelio decertare. Namque etiam in consilio superioribus diebus dixerat, « priusquam concurrerent acies, fore, uti exercitus Caesaris pelleretur. Id quum essent plerique admirati,

« Scio me, inquit, pene incredibilem rem polliceri : sed rationem consilii mei accípite, quo firmiore ánimo in praelium prodeatis. Persuasi equítibus nostris (idque mihi se facturos coufirmaverunt) ut, quum propius sit accessum, dextrum Cáesaris cornu ab látere aperto aggrederentur, ut, circumventa ab tergo acie, prius perturbatum exércitum péllerent, quam a nobis telum in hostem jaceretur. Ita sine perículo legionum, et pene sine vúlnerē, bellum conficiemus. Id autem difficile non est, quum tantum equitatu valeamus. » Simul denuntiavit, « ut essent ánimo parati in pósterum; et, quoniam fieret dimicandi potestas, ut saepe cogitavissent, ne usu manuque reliquorum opinionem fallerent. »

LXXXVII. Hunc Labienus excepit; et, quum Cáesaris copias despíceret, Pompeji consilium summis láudibus efferret, « Noli, inquit, existimare, Pompei, hunc esse exércitum, qui Galliam Germaniamque devícerit. Ómnibus interfui praeliis, neque témere incógnitam rem pronuntio. Perexigua pars illius exércitus súperest; magna pars deperiit, quod accídere tot praeliis fuit necesse, multos autumnī pestilentia in Italia consumpsit, multi domum discesserunt, multi sunt relictī in continenti. An non exaudistis, ex iis, qui per causam valetúdinis remanserunt, cohortes esse Brundisii factas? Hae copiae, quas videtis, ex deléctibus horum annorum in citeriore Gallia sunt refectae, et plerique sunt ex coloniis Transpadanis: áttamen, quod

fuit róboris, duobus praeliis Dyrrachinis interiit.» Haec quum dixisset, juravit, «se, nisi victorem, in castra non reversurum; » reliquosque ut idém fácerent, hortatus est. Hoc laudans Pompejus idem juravit. Nec vero ex réliquis fuit quisquam, qui jurare dubitaret. Haec quum facta essent in consilio, magna spe et laetitia omnium discessum est: ac jam ánimo victoriam praecipiebant, quod de re tanta, et a tam perito imperatore, nihil frustra confirmari videbatur.

LXXXVIII. Caesar, quum Pompeji castris appropinquasset, ad hunc modum aciem ejus instructam animadvertit. Erant in sinistro cornu legiones duae, tráditae a Cáesare initio dissensionis ex senatu consulto, quarum una prima, áltera tertia appellabatur. In eo loco ipse erat Pompejus. Mediam aciem Scipio cum legiónibus Syríacis tenebat. Ciliciensis legio, conjuncta cum cohórtibus Hispanis, quas transductas ab Afranio docúimus, in dextro cornu erant collocatae. Has firmíssimas se habere Pompejus existimabat. Réliquas inter aciem mediam cornúaque interjécerat, numeroque cohortes CX expléverat. Haec erant millia XLV: evocatorum círciter duo, quae ex beneficiariis superiorum exercituum ad eum convénérant; quae tota acie dispéserat. Réliquas cohortes septem castris propinquisque castellis praesidio disposúerat. Dextrum cornu ejus rivus quidam impeditis ripis muniebat: quam ob causam cunctum equitatum, sagittarios funditoresque omnes in sinistro cornu objécerát.

LXXXIX. Caesar, superius institutum servans, decimam legionem in dextro cornu, nonam in sinistro collocáverat, tametsi erat Dyrrachinis praeliis vehementer attenuata; et huic sic adjunxit octavam, ut paene unam ex duabus efficeret; atque alteram alteri praesidio esse jússerat. Cohortes in acie LXXX constitutas habebat, quae summa erat millium XXII. Cohortes duas castris praesidio reliquerat. Sinistro cornu Antonium, dextro P. Sullam, media acie C. Domitium proposúerat: ipse contra Pompejum cónstitit. Simul, his rebus animadversis, quas demonstrávimus, timens, ne a multitudine équitum dextrum cornu circumveniretur, celériter ex tertia acie singulas cohortes detraxit, atque ex his quartam instituit, equitatuque opposuit, et quid fieri vellet, ostendit; monuitque, ejus diei victoriam in earum cohortium virtute constare. Simul tertiae aciéi totique exercitui imperavit, ne injussu suo concurreret: se, quum id fieri vellet, vexillo signum daturum.

XC. Exércitum quum militari more ad pugnam cohortaretur, súaque in eum perpetui temporis officia praedicaret, in primis commemoravit, « téstibus se militibus uti posse, quanto studio pacem petiisset; quae per Vatinius in colloquiis, quae per A. Clodium cum Scipione egisset; quibus modis ad Óricum cum Libone de mittendis legatis contendisset: neque se unquam abuti militum ságuine, neque rempúblicam altérutro exércitu privare voluisse.» Hac hábita oratione, expo-



scéntibus milítibus, et studio pugnae ardéntibus, tuba signum dedit.

XCI. Erat Crástinus evocatus in exércitu Cáesaris, qui superiore anno apud eum primum pilum in legione décima dúxerat, vir singulari virtute. Hic, signo dato, «Sequímini me, inquit, manipulares mei qui fuistis, et vestro imperatori, quam constituistis, operam date. Unum hoc praelium súperest; quo confecto, et ille suam dignitatem, et nos nostram libertatem recuperábimus.» Simul respiciens Cáesarem, «Faciam, inquit, hodie, imperator, ut aut vivo mihi, aut mortuo gratias agas.» Haec quum dixisset, primus ex dextro cornu procurrit, atque eum electi milites círciter CXX voluntarii ejusdem centuriae sunt prosecuti.

XCII. Inter duas acies tantum erat relictum spatii, ut satis esset ad concursum utriusque exércitus: sed Pompejus suis praedíxerat, ut Cáesaris ímpetum exciperent, neve se loco moverent, aciemque ejus dístrahi paterentur: idque admónitu C. Triarii fecisse dicebatur, ut primus excursus visque militum infringeretur, aciesque distenderetur, atque in suis ordínibus dispósti dispersos adorirentur: leviusque casura pila sperabat, in loco retentis milítibus, quam si ipsi immissis telis occurrissent: simul fore, ut, duplicato cursu, Cáesaris milites exanimarentur, et lassitúdine conficerentur. Quod nobis quidem nulla ratione factum a Pompejo videtur, propterea quod est quaedam ánimi incitatio atque alácritas naturáliter innata ómnibus, quae studio pugnae

incénditur. Hanc non reprímere, sed augere imperatores debent; neque frustra antiquitus institutum est, ut signa úndique concínerent, clamoremque universi tóllerent: quibus rebus et hostes terreri, et suos incitari existimaverunt.

XCIH. Sed nostri mílites, dato signo, quum infestis pilis procucurrissent, atque animadvertissent, non concurrí a Pompejanis; usu periti, ac superiórius pugnis exercitati, sua sponte cursum represserunt, et ad medium fere spatium constiterunt, ne consumptis víribus appropinquarent, parvoque intermisso témporis spatio, ac rursus renovato cursu, pila miserunt, celeriterque, ut erat praeceptum a Caésare, gladios strinxerunt. Neque vero Pompejani huic rei defuerunt: nam et tela missa exceperunt, et ímpetum legionum tulerunt, et órdenes conservaverunt, pilisque missis, ad gladios redierunt. Eodem témpore équites ab sinistro Pompeji cornu, ut erat imperatum, universi procucurrerunt, omnisque multitudo sagittariorum se profudit: quorum ímpetum noster equitatus non tulit, sed paullum loco mótus cessit: equitesque Pompejani hoc acrius instare et se turmatim explicare, aciemque nostram a látere aperto circuire coeperunt. Quod ubi Caesar animadvertit, quartae aciéi, quam institúerat sex cohortium número, signum dedit. Illi celériter procucurrerunt, infestisque signis tanta vi in Pompeji équites ímpetum fecerunt, ut eorum nemo consisteret, omnesque conversi, non solum loco excéderent, sed prótinus incitati fuga mon-

tes altíssimos péterent. Quibus submotis, omnes sagittarii funditoresque destituti, inermes, sine praesidio, interfecti sunt. Eodem ímpetu cohortes sinistrum cornu, pugnántibus etiam tum ac resisténtibus in acie Pompejanis, circumierunt, eosque a tergo sunt adorti.

XCIV. Eodem témpore tertiam aciem Caesar, quae quieta fúerat, et se ad id tempus loco tenúerat, procúrrere jussit. Ita, quum recentes atque íntegri defessis succesissent, alii autem a tergo adorirentur, sustinere Pompejani non potuerunt, atque universi terga verterunt. Neque vero Cáesarem fefellit, quin ab iis cohórtibus, quae contra equitatum in quarta acie collocatae essent initium victoriae oriretur, ut ipse in cohortandis milítibus pronuntiáverat. Ab his enim primum equitatus est pulsus: ab iisdem factae caedes sagittariorum atque funditorum: ab iisdem acies Pompejana a sinistra parte circúmita, atque initium fugae factum. Sed Pompejus, ut equitatum suum pulsum vidit, atque eam partem, cui máxime confidebat, perterritam animadvertit, aliis diffisus acie excessit, protinusque se in castra equo cóntulit, et iis centuriónibus, quos in statione ad praetoriam portam posúerat, clare, ut milites exaudirent, « Tuémini, inquit, castra, et deféndite diligenter, si quid durius accíderit: ego réliquas portas circumeo, et castrorum praesidia confirmo.» Haec quum dixisset, se in praetorium cóntulit, summae rei diffidens, et tamen eventum expectans.



XCV. Caesar, Pompejanis ex fuga intra vallum compulsis, nullum spatium pertérritis dare oportere aestimans, milites cohortatus est, ut beneficio fortunae uterentur, castraque oppugnarent: qui, etsi magno aestu fatigati, (nam ad meridiem res erat perducta), tamen, ad omnem laborem ánimo parati, imperio paruerunt. Castra a cohórtibus quae ibi praesidio erant relictæ, industrie defendebantur, multo etiam acrius a Thráci-bus barbarisque auxiliis. Nam qui acie refúgerant milites, et ánimo pertérriti, et lassitú-dine confecti, missis plerique armis signisque militáribus, magis de reliqua fuga, quam de castrorum defensione cogitabant. Neque vero diutius, qui in vallo constíterant, multitudinem telorum sustinere potuerunt: sed confecti vulnéribus locum reliquerunt, protinusque omnes, dúcibus usi centuriónibus tribunisque militum, in altíssimos montes, qui ad castra pertinebant, confugerunt.

XCVI. In castris Pompeji videre licuit tríchilas structas, magnum argenti pondus expósitum, recéntibus caespítibus tabernácula constrata, L. etiam Léntuli et nonnullorum tabernácula protecta hédera; múltaque praeterea, quae nimiam luxuriam, et victoriae fiduciam designarent: ut fá-cile aestimari posset, nihil eos de eventu ejus diéi timuisse, qui non necessarias conquírerent voluptates. At hi misér-rimo ac patientíssimo exercitui Cæsarís luxuriam objiciebant, cui semper omnia ad necessarium usum defuissent. Pompejus, jam quum intra vallum nostri versarentur, equum nactus, detra-



ctis insignibus imperatoriis, decumana porta se ex castris ejecit, protinusque, equo citato, Larissam contendit. Neque ibi cónstitit, sed eadem celeritate, paucos suos ex fuga nactus, nocturno itinere non intermisso, comitatu équitum triginta ad mare pervenit, navemque frumentariam conscendit; saepe, ut dicebatur, querens, tantum se opinionem fefellisse, ut, a quó genere hóminum victoriam sperasset, ab eo, initio fugae factó, paene próditus videretur.

XCVII. Caesar, castris potitus, a militibus contendit, ne, in praeda occupati, réliqui negotii gerendi facultatem dimitterent. Qua re impetrata, montem ópere circummunire instituit. Pompejani, quod is mons erat sine aqua, diffisi ei loco, relicto monte, universi jugis ejus Larissam versus se recípere cœperunt. Qua re animadversa, Caesar copias suas divisit, partemque legionum in castris Pompeji remanere jussit, partem in sua castra remisit; quatuor secum legiones duxit, commodióreque itinere Pompejanis occurrere coepit, et progressus millia passuum sex, aciem instruxit. Qua re animadversa, Pompejani in quodam monte constiterunt: hunc montem flumen sublebat. Caesar, milites cohortatus, etsi totíus diéi continenti labore erant confecti, noxque jam súberat, tamen munitione flumen a monte secluserat, ne noctu aquari Pompejani possent. Quo jam perfecto ópere, illi de deditione, missis legatis, ágere coeperunt. Pauci órdinis senatorii, qui se cum iis conjúnxerant, nocte fuga salutem petierunt.

XCVIII. Caesar, prima luce omnes eos, qui in monte consédérant, ex superióribus locis in planitiem descéndere, atque arma projícere jussit. Quod ubi sine recusatione fecerunt, passisque palmis, projecti ad terram, flentes ab eo salutem petierunt: consolatus consúrgere jussit, et pauca apud eos de lenitate sua locutus, quo minore essent timore, omnes conservavit; militibusque suis commendavit, ne qui eorum violarentur, neu quid sui desiderarent. Hac adhibita diligentia, ex castris sibi legiones alias occurrere, et eas, quas secum dúxerat, invicem requiércere, atque in castra reverti jussit; eodemque die Larissam pervenit.

XCIX. In eo praelio non amplius CC milites desideravit; sed centuriones, fortes viros, círciter XXX amisit. Interfectus est etiam fortíssime pugnans Crástinus, cujus mentionem supra fécimur, gladio in os adversum coniecto. Neque id fuit falsum, quod ille, in pugnam proficiscens, díxerat: sic enim Caesar existimabat, eo praelio excellentíssimam virtutem Crástini fuisse, optimeque eum de se méritum judicabat. Ex Pompejano exércitu círciter millia quíndecim cecidissee videbantur: sed in deditionem venerunt amplius millia XXIV: (namque etiam cohortes, quae praesidio in castellis fúerant, sese Sullae dediderunt): multi praeterea refugerunt: sígnaque militaria ex praelio ad Cáesarem sunt relata CLXXX, et áquilae novem. L. Domitius, ex castris in montem refugiens, quum vires eum lassitúde defecissent, ab equítibus est interfectus.

C. Crispi Sallustii

## BELLUM CATILINARIUM

( 1 - 13 )

Omnes homines, qui sese student praestare ceteris animalibus, summa ope niti decet, vitam silentio ne transeant, veluti pecora, quae natura prona atque ventri obedientia fluxit. Sed nostra omnis vis in animo et corpore sita est: animi imperio, corporis servitio magis utimur. Alterum nobis cum dis, alterum cum bellis commune est. Quo mihi rectius esse videtur ingenii quam virium opibus gloriam quaerere, et, quoniam vita ipsa qua fruimur brevis est, memoriam nostri quam maxime longam efficere. Nam divitiarum et formae gloria fluxa atque fragilis est; virtus clara aeternaque habetur. Sed diu magnum inter mortalis certamen fuit, vine corporis an virtute animi res militaris magis procederet: nam et, priusquam incipias, consulto, et, ubi consulueris, mature facto opus est; ita utrumque, per se indigens, alterum alterius auxilio veget.

II. Igitur initio reges (nam in terris nomen imperii id primum fuit) diversi, pars ingenium, alii corpus exercebant: etiam tum vita hominum sine cupiditate agitabatur; sua cuique satis placebant. Postea vero quam in Asia Cyrus, in Graecia Lacedaemonii et Athenienses, coepere urbes atque nationes subigere, lubricinam dominandi causam belli habere, maxumam



gloriam in máximo imperio putare; tum demum periculo atque negotiis compertum est in bello plurimum ingenium posse. Quod si regum atque imperatorum animi virtus in pace ita uti in bello valeret, aequabilis atque constantius sese res humanae haberent; neque aliud alio ferri, neque mutari ac misceri omnia cerneret: nam imperium facile iis artibus retinetur, quibus initio partum est. Verum ubi pro labore desidia, pro continentia et aequitate lubido atque superbia invasere, fortuna simul cum moribus immutatur. Ita imperium semper ad optimum quemque a minus bono transfertur. Quae homines arant, navigant, aedificant, virtuti omnia parent. Sed multi mortales, dediti ventri atque somno, indocti incultique, vitam sicuti peregrinantes transigere, quibus, profecto contra naturam, corpus voluptati, anima oneri fuit. Eorum ego vitam mortemque juxta aestumo, quoniam de utraque siletur. Verumenimvero is demum mihi vivere atque frui anima videtur, qui, aliquo negotio intentus, praeclari facinoris aut artis bonae famam quaerit: sed in magna copia rerum aliud alii natura iter ostendit.

III. Pulchrum est bene facere reipublicae; etiam bene dicere haud absurdum est: vel pace vel bello clarum fieri licet; et qui fecere, et qui facta aliorum scripsere, multi laudantur. Ac mihi quidem, tametsi haudquaquam par gloria sequatur scriptorem et auctorem rerum, tamen in primis arduum videtur res gestas scribere: primum, quod facta dictis sunt exae-



quanda, dehinc, quia plerique, quae delicta reprehenderis, malivolentia et invidia dicta putant. Ubi de magna virtute et gloria bonorum memores, quae sibi quisque facilia factu putat, aequo animo accipit; supra ea, velut ficta, pro falsis ducit. Sed ego adolescéntulus initio, sicuti plerique, studio ad rempúblicam latus sum, ibique mihi advorsa multa fuere; nam pro pudore, pro abstinentia, pro virtute, audacia, largitio, avaritia vgebant. Quae tametsi ánimus aspernabatur insolens malorum artium, tamen inter tanta vitia imbecilla aetas, ambitione corrupta, tenebatur; ac me, quum ab reliquorum malis móribus dissentirem, nihilóminus honoris cupidó éadem, quae céteros, fama atque invidia vexabat.

IV. Ígitur ubi ánimus ex multis miseriis atque periculis requievit, et mihi réliquam aetatem a república procul habendam decrevi. non fuit consilium secordia atque desidia bonum otium contérere, neque vero agrum colendo aut venando, servilibus officiis intentum, aetatem ágere; sed a quo incepto studio me ambitio mala detinúerat, eodem regressus, statui res gestas pópuli Romani carptim, ut quaeque memoria digna videbantur, perscríbere; eo magis quod mihi a spe, metu, partibus reipúblicae, ánimus liber erat. Ígitur de Catilinae conjuratione quam veríssume pótero, paucis absolvam: nam id fácinus in primis ego memorábile exístumo sceleris atque periculi novitate. De cujus hóminis móribus pauca prius explananda sunt. quam initium narrandi faciam.

V. Lucius Catiliná, nóbili génere natus, fuit magna vi et ánimi et córporis, sed ingenio malo pravoque. Huic ab adolescentia bella intestina, caedes, rapinae, discordia civilis, grata fuere; ibique juventutem suam exercuit. Corpus patiens inediae, vigiliae, algoris, supra quam cuiquam credibile est; ánimus audax, súbdolus, varius, cujúslibet rei simulator ac dissimulator, alieni áppetens, sui profusus, ardens in cupiditatibus; satis loquentiae, sapientiae parum. Vastus ánimus immoderata, incredibilia, nimis alta semper cupiebat. Hunc post dominationem Lucii Sullae lubido máxuma inváserat reipúblicae capiundae; neque id quibus modis assequeretur, dum sibi regnum pararet, quidquam pensi habebat. Agitabatur magis magisque in dies ánimus ferox inopia rei familiaris et conscientia scélerum; quae útraque his ártibus áuxerat, quas supra memoravi. Incitabant praeterea corrupti civitatis mores, quos péssuma ac diversa inter se mala. luxuria atque avaritia, vexabant. Res ipsa hortari videtur, quoniam de móribus civitatis tempus admonuit, supra repétere, ac paucis instituta majorum domi militiaeque, quómodo rempúblicam habúerint, quantamque relíquerint, utque, paulatim immutata, ex pulchérroma péssuma ac flagitiosíssima facta sit, dissérere.

VI. Urbem Romam, sícuti ego accepi, condidere atque habuere initio Trojani, qui, Ænea duce, prófugi, sédibus incertis vagabantur; cumque his Aborígines, genus hóminum agræste, sine légibus, sine imperio,

liberum atque solutum. Hi postquam in una moenia convenere, díspari génere, dissímili lingua, alius alio more viventes, increíble memoratu est quam fáci-  
le coalúerint. Sed postquam res eorum cívibus, móribus, agris aucta, satis próspera satisque pollens videbatur, sicuti pléraq-ue mortalium habentur, invidia ex opulencia orta est. Ígitur reges populique finítumi bello tentare; pauci ex amicis auxilio esse: nam céteri metu percussi a perículis áberant. At Romani, domi militiaeque intenti, festinare, parare, alius alium hortari, hóstibus obviam ire, libertatem, patriam parentesque armis tégere; post, ubi perícula virtute propúlerant, sociis atque amicis auxilia portabant, magisque dandis quam accipiendis beneficiis amicitias parabant. Imperium legítimum, nomen imperii regium habebant; delecti, quibus corpus annis infirmum, ingenium sapientia válidum erat, reipúblicae consultabant: hi vel aetate, vel curae similitúdine, patres appellabantur. Post, ubi regium imperium, quod initio conservandae libertatis atque augendae reipúblicae fúerat, in superbiam dominationemque convertit, immutato more, annua imperia binosque imperatores sibi fecere: eo modo mínime posse putabant per licentiam insoléscere ánimum humanum.

VII. Sed ea tempestate coepere se quisque extóllere, magisque ingenium in promptu habere. Nam régibus boni quam mali suspiciores sunt, semperque his aliena virtus formidolosa est: sed cívitas, increíble

memoratu est, adepta libertate, quantum brevi créverit: tanta cupido gloriae incésserat! Jam primum juvenus simul laboris ac belli patiens erat, in castris usu militiam discebat; magisque in decoris armis et militáribus equis, quam in scortis atque conviviis, lubídinem habebant. Ígitur tálibus viris non labos insólitus, non locus ullus asper aut arduus erat, non armatus hostis formidolosus: virtus omnia domúerat. Sed gloriae máximum certamen inter ipsos erat: sic quisque hostem ferire, murum ascéndere, cónspici, dum tale fácinus fáceret, properabat; eas divitias, eam bonam famam magnamque nobilitatem putabant; laudis ávidi, pecuniae liberales erant; gloriam ingentem, divitias honestas volebant. Memorare possem quibus in locis máximas hostium copias populus Romanus parva manu fúderit, quas urbes natura munitas pugnando céperit, ni ea res longius nos ab incepto tráheret.

VIII. Sed profecto fortuna in omni re dominatur; ea res cunctas, ex lubíidine magis quam ex vero, célebrat obscuratque. Atheniensium res gestae, sícuti ego áestumo, satis amplae magnificaeque fuere, verum aliquanto minores tamen quam fama feruntur. Ssd, quia provenere ibi scriptorum magna ingenia, per terrarum orbem Atheniensium facta pro máxumis celebrantur; ita eorum, qui ea fecere, virtus tanta habetur, quantum verbis ea potuere extóllere praeclara ingenia. At pópulo Romano nunquam ea copia fuit, quia prudentíssimus quisque



negotiosus máxume erat; ingenium nemo sine corpore exercebat; óptimus quisque fácere quam dicere, sua ab aliis benefacta laudari quam ipse aliorum narrare malebat.

IX. Ígitur domi militiaeque boni mores colebantur: concordia máxima, mínuma avaritia erat; jus bonumque apud eos non légibus magis quam natura valebat; jurgia, discordias, simultates, cum hóstibus exercebant; cives cum cívibus de virtute certabant; in suppliciis deorum magnífici, domi parci, in amicis fideles erant. Duabus his ártibus: audacia in bello, ubi pax evénerat, aequitate, seque remque públicam curabant. Quarum rerum ego máxima documenta haec habeo: quod in bello saepius vindictum est in eos qui contra imperium in hostem pugnáverant, quique tardius revocati praelio excésserant, quam qui signa relínquere aut pulsí loco cédere ausi erant; in pace vero, quod beneficiis magis quam metu imperium agitabant, et, accepta injuria, ignóscere quam pérsequi malebant.

X. Sed, ubi labore atque justitia respública crevit, reges magni bello dómiti, nationes ferae et pópuli ingentes vi subacti, Carthago, áemula imperii Romani, ab stirpe interiit, cuncta maria terraeque patebant; saevire fortuna ac miscere omnia coepit. Qui labores, pérícula, dubias atque ásperas res fáci-  
le toleráverant, iis otium, divitiae, optandae aliis, óneri miseriaeque fuere. Ígitur primo pecuniae, deinde

imperii cupido crevit : ea quasi materies omnium malorum fuere. Namque avaritia fidem, probitatem, ceterasque artes bonas subvertit ; pro his superbiam, crudelitatem, deos negligere, omnia venalia habere edocuit : ambitio multos mortales falsos fieri subegit ; aliud clausum in pectore, aliud in lingua promptum habere ; amicitias inimicitiasque non ex re, sed ex commodo aestumare ; magisque vultum quam ingenium bonum habere. Haec primo paulatim crescere, interdum vindicari ; post, ubi contagio quasi pestilentia invasit, civitas immutata, imperium ex justissimo ac optimo crudele intolerandumque factum.

XI. Sed primo magis ambitio quam avaritia animos hominum exercebat ; quod tamen vitium propius virtutem erat. Nam gloriam, honorem, imperium, bonus et ignavus aequae sibi exoptant ; sed ille vera via nititur ; huic quia bonae artes desunt, dolis atque fallaciis contendit : avaritia pecuniae studium habet quam nemo sapiens concupivit ; ea, quasi venenis malis imbuta, corpus animumque virilem effeminat ; semper infinita, insatiabilis est ; neque inopia minuitur. Sed postquam L. Sulla, armis recepta república, ex bonis initiis malos eventus habuit, rapere omnes, trahere ; domum alius, alius agros cupere ; neque modum neque modestiam victores habere ; foeda crudeliaque in civibus facinora facere. Huc accedebat quod L. Sulla exercitum quem in Asia ductaverat, quo sibi fidum faceret, contra morem majorum luxu-

riose nimisque liberáliter habúerat : loca amoena, voluptaria, fáctile in otio feroces mílitum ánimos mollíverant ; ibi primum insuevit exércitus pópuli Romani amare, potare ; signa, tábulas pictas, vasa caelata mirari ; ea privatim ac públice rápere ; delubra deorum spoliare ; sacra profánaque omnia pollúere. Ígitur hi mílites, postquam victoriam adepti sunt, nihil réliqui victis fecere : quippe secundae res sapientium ánimos fatigant ; ne illi, corruptis móribus, victoriae temperarent.

XII. Postquam divitiae honori esse coepere, et eas gloria, imperium, potentia sequebatur, hebéscere virtus, paupertas probro haberi, innocentia pro malivolentia duci coepit. Ígitur ex divitiis juventutem luxuria atque avaritia cum superbia invasere : rápere, consúmere ; sua parvi péndere, aliena cúpere-pudorem, pudicitiam, divina atque humana promiscua, nihil pensi atque moderati habere. Óperae pretium est, quum domos atque villas cognóveris, <sup>1</sup>in urbium modum exaedificatas, vísere templa deorum, quae nostri majores, religiosíssimi mortales, fecere. Verum illi delubra deorum pietate, domos sua gloria decorabant, neque victis quidquam praeter injuriae licentiam eripiebant ; at hi contra ignavíssimi hómínes per summum scelus omnia ea sociis adímere, quae fortíssimi viri victores hóstibus relíquerant : proinde quasi injuriam fácere, id demúm esset imperio uti.

XIII. Nam quid ea mémorem quae, nisi iis qui videre, némini credibilia sunt: a privatis complúribus subversos montes, maria constructa esse? Quibus mihi videntur ludibrio fuisse divitiae, quippe, quas honeste habere licebat, abuti per turpitúdinem properabant. Vescendi causa, terra marique omnia exquirere; dormire priusquam somni cupido esset; non famem aut sitim, neque frigus, neque lassitúdinem operiri, sed ea omnia luxu antecápere. Haec juventutem, ubi familiares opes defécerant, ad facínora incendebant; ánimus imbutus malis ártibus haud fácile lubidínibus carebat; eo profusius ómnibus modis quae-stui atque sumptui déditus erat.

————— « » —————

## M. Tullii Ciceronis

### DE OFFICIIS

LIBER I (1-6)

I. Quanquam te, Marce fili, annum jam audientem Cratippum, idque Athenis, abundare oportet praeceptis institutisque philosophiae, propter summam et doctoris auctoritatem et urbis, quorum alter te scientia augere potest, áltera exemplis; tamen, ut ipse ad meam utilitatem semper cum Graecis Latina conjunxi, neque id in philosophia solum, sed etiam in dicendi exercita-



tione feci, idem tibi censeo faciendum, ut par sis in utriusque orationis facultate. Quam quidem ad rem nos, ut videmur, magnum attúlimus adjumentum homínibus nostris, ut non modo Graecarum literarum rudes, sed etiam docti aliquantum se arbitrentur adeptos et ad dicendum et ad judicandum. Quam ob rem disces tu quidem a príncipe hujus aetatis philosophorum, et disces, quamdiu voles (tamdiu autem velle debebis, quoad te, quantum proficias, non poenitebit) : sed tamen nostra legens non multum a Peripatéticis dissidentia, quoniam utrique Socrátici et Platónici vólumus esse, de rebus ipsis útere tuo judicio (nihil enim impedio) ; orationem autem Latinam efficies profecto legendis nostris plenior. Nec vero arroganter hoc dictum existimari velim. Nam philosophandi scientiam concedens multis, quod est oratoris proprium; apte, distincte, ornate dícere, quoniam in eo studio aetatem consumpsi, si id mihi assumo, videor id meo jure quodam modo vindicare. Quam ob rem magnópere te hortor, mi Cícero, ut non solum orationes meas, sed hos etiam de philosophia libros, qui jam illis fere aequarunt, studiose legas. Vis enim major in illis dicendi: sed hoc quoque colendum est aequábile et temperatum orationis genus. Et id quidem némini video Graecorum adhuc contigisse, ut idem utroque in génere elaboraret, sequereturque et illud forense dicendi et hoc quietum disputandi genus: nisi forte Demetrius Phaléreus in hoc número haberi potest, disputator subtilis, orator parum véhemens,

dulcis tamen, ut Theophrasti discipulum possis agnoscere. Nos autem quantum in utroque profecerimus, aliorum sit iudicium: utrumque certe secuti sumus. Équidem et Platonem existimo, si genus forense dicendi tractare voluisset, gravissime et copiosissime potuisse dicere, et Demóstenem, si illa, quae a Platone didicerat, tenuisset et pronuntiare voluisset, ornatè splendideque facere potuisse. Eodemque modo de Aristótele et Isócráte iú dico: quorum uterque, suo studio delectatus, contempsit álterum.

II. Sed quum statuissém scribere ad te áliquid hoc témpore. multa posthac, ab eo ordiri volui máxime, quod et aetati tuae esset aptíssimum et auctoritati meae. Nam, quum multa sint in philosophia et utilia accurate copioseque a philósophis disputata, latíssime patere videntur ea, quae de officiis trádita ab illis et praecepta sunt. Nulla enim vitae pars neque, públicis neque privatis neque forénsibus neque domésticis in rebus, neque, si tecum agas, quid, neque, si cum áltero cóntrabas, vacare officio potest: in eoque et colendo sita vitae est honestas omnis et in negligendo turpitude, Atque haec quidem quaestio communis est omnium philosophorum. Quis est enim, qui nullis officii praeceptis tradendis philósophum se audeat dicere? Sed sunt nonnullae disciplinae, quae propósitis bonorum et malorum fínibus officium omne pervertant. Nam, qui summum bonum sic instituit, ut nihil habeat cum virtute conjunctum, idque suis

cómmodis, non honestate metitur, hic, si sibi ipse consentiat et non interdum naturae bonitate vincatur, neque amicitiam cólere possit nec justitiam nec liberalitatem; fortis vero, dolorem malum summum júdicans, aut témpérons voluptatem summum bonum statuens, esse certe nullo modo potest. Quae quamquam ita sunt in promptu, ut res disputatione non egeat, tamen sunt a nobis alio loco disputata. Hae disciplinae ígitur si sibi consentaneae velint esse, de officio nihil queant dícere: neque ulla officii praecepta firma, stabilia, conjuncta naturae tradi possunt, uisi aut ab iis, qui solam, aut ab iis, qui máxime honestatem propter se dicant expetendam. Ita propria est ea praeceptio Stoicorum, Academicorum, Peripateticorum, quoniam Aristonis, Pyrrhonis, Herilli jam pridem explosa sententia est; qui tamen haberent jus suum disputandi de officio, si rerum áliquem delectum reliquissent ut ad officii inventionem áditus esset. Sequemur ígitur hoc quidem témpore et hac in quaestione potíssimum Stóicos, non ut intérpretes, sed, ut solemús, e fóntibus eorum judicio arbitrioque nostro, quantum quoque modo vidébitur, hauriemus.

Placet ígitur, quoniam omnis disputatio de officio futura est, ante definire, quid sit officium; quod a Panaetio praetermissum esse miror. Omnis enim, quae ratione suscípitur, de áliqua re institutio, debet a definitione proficisci, ut intelligatur, quid sit id, de quo disputetur.

III. Omnis de officio duplex est quaestio. Unum genus est, quod pertinet ad finem bonorum: alterum, quod positum est in praeceptis, quibus in omnes partes usus vitae conformari possit. Superioris generis hujusmodi exempla sunt: omniaque officia perfecta sint? numquid officium aliud alio majus sit? et quae sunt generis ejusdem. Quorum autem officiorum praecepta traduntur, ea quanquam pertinent ad finem bonorum, tamen minus id apparet, quia magis ad institutionem vitae communis spectare videntur: de quibus est nobis his libris explicandum. Atque etiam alia divisio est officii. Nam et medium quoddam officium dicitur et perfectum. Perfectum officium rectum, opinor, vocemus, quod Graeci *catorthoma* ° : hoc autem commune *cathecon* °° vocant. Atque ea sic definiunt, ut, rectum quod sit, id officium perfectum esse definiant: medium autem officium id esse dicunt, quod cur factum sit, ratio probabilis reddi possit. Triplex igitur est, ut Panaetio videtur, consilii capiendi deliberatio. Nam, honestumne factu sit an turpe, dubitant id, quod in deliberationem cadit: in quo considerando saepe animi in contrarias sententias distrahuntur. Tum autem aut anquirunt aut consultant, ad vitae commoditatem jucunditatemque, ad facultates rerum atque copias, ad opes, ad potentiam, quibus et se possint juvare et suos, conducat id necne, de quo deliberant: quae deliberatio omnis in rationem utilitatis cadit.

° == *recte factum*

°° == *officium*



Tertium dubitandi genus est, quum pugnare videtur cum honesto id, quod videtur esse útile. Quum enim utilitas ad se rápere, honestas contra revocare ad se videtur, fit, ut distrahatur in deliberando ánimus, afferatque ancípitem curam cogitandi. Hac divisione, quum praeterire áliquíd máximum vitium in dividendo sit, duo praetermissa sunt. Nec enim solum, utrum honestum an turpe sit, deliberari solet; sed etiam, duobus propósis honestis, utrum honestius; itemque, duobus propósis utilibus, utrum utilius. Ita, quam ille tríplicem putavit esse rationem, in quinque partes distribui debere reperitur. Primum igitur est de honesto, sed dupliciter; tum pari ratione de útili; post de comparisonem eorum disserendum.

IV. Principio géneri animantium omni est a natura tributum, ut se, vitam corpusque tueatur, declinetque ea, quae nocitura videantur, omniaque, quae sunt ad vivendum necessaria, anquirat et paret, ut pastum, ut latibula, ut alia géneris ejusdem. Commune autem animantium omnium est conjunctionis appetitus procreandi causa et cura quaedam eorum, quae procreata sunt. Sed inter hóminem et belluam hoc máxime ínterest, quod haec tantum, quantum sensu movetur, ad id solum, quod adest quodque praesens est, se accómmodat, paulum ádmodum sentiens praetérítum aut futurum. Homo autem, (quod rationis est párticeps, per quam consequentia cernit, causas rerum videt earumque progressus et quas

antecepciones non ignorat, similitúdines cómparat rebusque praeséntibus adjungit atque annectit futuras) fáciie totíus vitae cursum videt, ad eamque degen-  
dam praeparat res necessarias. Eademque natura vi  
rationis hóminem conciliat hómini et ad orationis et  
ad vitae <sup>et</sup> societatem; ingeneratque in primis praeci-  
puum quemdam amorem in eos, qui procreati sunt;  
impellitque, ut hóminum coetus et celebrationes et  
esse et a se obiri velit ob easque causas studeat  
parare ea, quae suppéditent et ad cultum et ad vi-  
ctum, nec sibi soli, sed cónjugi, líberis ceterisque,  
quos caros habeat tuerique debeat. Quae cura exsús-  
citát etiam ánimos et majores ad rem gerendam  
facit. In primisque hóminis est propria veri inqui-  
sitio atque investigatio. Ítaque, quum sumus neces-  
sariis negotiis curisque vacui, tum avemus áliquid  
videre, audire, addíscere; cognitionemque rerum aut  
occultarum aut admirabilium ad beate vivendum neces-  
sariam dúcimus. Ex quo intellígitur, quod verum,  
simplex sincerumque sit, id esse naturae hóminis  
aptíssimum. Huic veri videndi cupiditati adjuncta est  
appetitio quaedam principatus, ut némini parere áni-  
mus bene informatus a natura velit, nisi praecipienti,  
aut docenti, aut utilitatis causa juste et legítime im-  
peranti: ex quo magnitudo ánimi existit humana-  
rumque rerum contemptio. Nec vero illa parva vis  
naturae est rationisque, quod unum hoc ánimál sentit  
quid sit ordo, quid sit quod deceat, in factis dictis'

que qui modus. Itaque eorum ipsorum, quae adspectu sentiuntur, nullum aliud animal pulchritudinem, venustatem, convenientiam partium sentit. Quam similitudinem natura ratioque ab oculis ad animum transferens, multo etiam magis pulchritudinem, constantiam, ordinem in consiliis factisque conservandum putat, cavetque, ne quid indecore effeminateve faciat; tum in omnibus et opinionibus et factis, ne quid libidinese aut faciat aut cogitet. Quibus ex rebus conflatur et efficitur id, quod quaerimus, honestum; quod, etiamsi nobilitatum non sit, tamen honestum est, quodque vere dicimus, etiamsi a nullo laudetur, natura esse laudabile.

V. Formam quidem ipsam, Marce fili, et tanquam faciem honesti vides, quae, si oculis cerneretur, mirabiles amores, ut ait Plato, excitaret sapientiae. Sed omne, quod est honestum, id quatuor partium oritur ex aliqua. Aut enim in perspicientia veri sollertiaque versatur; aut in hominum societate tuenda, tribuendoque suum cuique, et rerum contractarum fide; aut in animi excelsi atque invicti magnitudine ac robore; aut in omnium, quae fiunt quaeque dicuntur ordine et modo, in quo inest modestia et temperantia. Quae quatuor quanquam inter se colligata atque implicata sunt, tamen ex singulis certa officiorum genera nascuntur: velut ex ea parte, quae prima descripta est, in qua sapientiam et prudentiam ponimus, inest indagatio atque inventio veri, ejusque virtutis

hoc munus est proprium. Ut enim quisque máxime perspícit, quid in re quaque veríssimum sit, quique acutíssime et celérrime potest et videre et explicare rationem, is prudentíssimus et sapientíssimus rite haberi solet. Quocirca huic quasi materia, quam tractet et in qua versetur, subjecta est véritas. Réliquis autem tribus virtútibus necessitates propósitae sunt ad eas res parandas tuendasque, quibus actio vitae continetur : ut et societas hóminum conjunctioque servetur, et ánimi excellentia magnítudoque, quum in augendis ópibus utilitatibusque et sibi et suis comparandis, tum multo magis in his ipsis despiciendis eluceat. Ordo autem et constantia et moderatio et ea, quae sunt his similia, versantur in eo génere, ad quod adhibenda est actio quaedam, non solum mentis agitatio. Iis enim rebus, quae tractantur in vita, modum quemdam et órđinem adhibentes honestatem et decus conservábimus.

---

**M. Tullii Ciceronis**

## **De Senectute**

*O* Tite, si quid ego adjûero curamve levasso,  
Quae nunc te coquit et versat in pectore fixa,  
*Ecquid* erit praemi?

Licet enim mihi vérsibus eisdem adfari te, Áttice,



quibus adfatur Flamininum

*Ille vir haud magna cum re, sed plenu fidéi;*

*quamquam certo scio non, ut Flamininum,*

*Sollicitari te, Tite sic noctesque diesque;*

novi enim moderationem ánimi tui et aequitatem te-  
que non cognomen solum Athenis deportasse, sed

humanitatem et prudentiam intélligo. Et tamen te sú-  
spicor eisdem rebus quibus me ipsum interdum gravius

commoveri, quarum consolatio et major est et in aliud  
tempus differenda. Nunc autem visum est mihi de sene-

ctute áliquid ad te conscribere. Hoc enim ónere, quod  
mihi commune tecum est, aut jam urgentis aut certe

adventantis senectutis et te et me etiam ipsum levare  
volo; etsi te quidem id módice ac sapienter sicut omnia

et ferre et laturum esse certo scio. Sed mihi, cum de  
senectute vellem áliquid scribere, tu occurrebas dignus

eo mún ere, quo uterque nostrum commúner uteretur.  
Mihi quidem ita jucunda hujus libri confectio fuit,

ut non modo omnes abstérserit senectutis molestias,  
sed effécerit mollem etiam et jucundam senectutem.

Nunquam ígitur digne satis laudari philosophia póte-  
rit, cui qui pareat, omne tempus aetatis sine molestia

possit dégere. Sed de céteris et díximus multa et  
saepe dicemus; hunc librum ad te de senectute mísi-

mus. Omnem autem sermonem tribúimus non Ti-  
thono, ut Aristo Cius (parum enim esset auctori-

tatis in fábula), sed M. Catoni seni, quo majorem  
auctoritatem haberet oratio; apud quem Laelium et

et Scipionem fácimus admirantes, quod is tam fáci-  
le senectutem ferat, eisque eum respondentem. Qui si  
eruditius vidébitur disputare, quam consuevit ipse  
in suis libris, attribúito lítteris Graecis, quarum con-  
stat eum perstudiosum fuisse in senectute. Sed quid  
opus est plura? Jam enim ipsíus Catonis sermo expli-  
cabit nostram omnem de senectute sententiam.

*Scipio.* Saepenúmero admirari soleo cum hoc C.  
Laelio cum ceterarum rerum tuam excellentem, M.  
Cato, perfectamque sapientiam, tum vel máxime, quod  
nunquam tibi senectutem gravem esse sénserim, quae  
plerisque sénibus sic odiosa est, ut onus se Aetna  
gravius dicant sustinere.

*Cato.* Rem haud sane difícillem, Scipio et Laeli,  
admirari vidémini. Quibus enim nihil est in ipsis opis  
ad bene beateque vivendum, eis omnis aetas gravis  
est; qui autem omnia bona a se ipsi petunt, iis nihil  
malum potest videri, quod naturae necéssitas ádferat.  
Quo in génere est in primis senectus; quam ut adi-  
piscantur omnes optant, eamdem accusant adepti;  
tanta est stultitiae inconstantia atque perversitas.  
Obrépere ajunt eam citius, quam putassent. Primum  
quis coëgit eos falsum putare? quid enim? citius adó-  
lescentiae senectus quam pueritiae adolescentia obrepit?  
Deinde quid minus gravis esset iis senectus, si octin-  
géntésimum annum ágerent quam si octogésimum?  
praetéríta enim aetas, quamvis longa, cum effluxisset,  
nulla consolatio permulcere posset stultam senectutem.

Quocirca si sapientiam meam admirari soletis (quae útínám digna esset opinione vestra nostroque cognóminel), in hoc sumus sapientes, quod naturam óptimam ducem tanquam deum séquimur eique paremus; a qua non verisímile est, cum céterae partes aetatis bene descriptae sint, extremum actum tamquan ab inerti poëta esse neglectum. Sed tamen necesse fuit esse áliquíd extremum et tamquam in árborum bacis terraeque frúctibus maturitate tempestiva quasi vietum et caducum; quod ferendum est mólliter sapienti. Quid est enim aliud gigantum modo bellare cum diis nisi naturae repugnare?

*Laelius.* Atqui, Cato, gratíssimum nobis, ut etiam pro Scipione pollicear, féceris, si, quoniam speramus, vólumus quidem certe senes fíeri, multo ante a te didicérimus, quibus facíllime ratióibus ingravescentem aetatem ferre possimus.

*Cato.* Faciam vero, Laeli, praesertim si utrique vestrum, ut dicis, gratum futurum est.

*Laelius.* Vólumus sane, nisi molestum est, Cato, tamquam longam áliquam viam conféceris, quam nobis quoque ingrediendum sit, istuc, quo pervenisti, videre quale sit.

*Cato.* Faciam, ut pótero, Laeli. Saepe enim intérfui querelis aequalium meorum (pares autem, vétére proverbio, cum páribus facíllime congregantur), quae C. Salinator, quae Sp. Albinus, hómínes consulares, nostri fere aequales, deplorare solebant, tum quod vo-

luptátibus careret, sine quibus vitam nullam putarent, tum quod spernerentur ab iis, a quibus essent coli sóliti. Qui mihi non id videbantur accusare, quod esset accusandum. Nam si id culpa senectutis accíderet, éadem mihi usu venirent reliquisque ómnibus majóribus natu, quorum ego multorum cognovi senectutem sine querela, qui se et libídinum vínculis laxatos esse non moleste ferrent nec a suis despicerentur. Sed omnium istiúsmodi querelarum in móribus est culpa, non in aetate. Moderati enim et nec difíciles nec inhumani senes tolerábilem senectutem agunt, importúnitas autem et inhumánitas omni aetati molesta est.

*Laelius.* Est, ut dicis, Cato; sed fortasse díxerit quispiam, tibi propter opes et copias et dignitatem tuam tolerabiliorem senectutem videri, id autem non posse multis contíngere.

*Cato.* Est istud quidem, Laeli, áliquíd, sed nequaquam in isto sunt omnia. Ut Themístocles fertur Seriphio cuidam in jurgio respondisse, cum ille dixisset non eum sua, sed patriae gloria splendorem adsecutum: ‘Nec hércule’, inquit, ‘si ego Seriphius essem, nec tu si Atheniensis, clarus umquam fuisses.’ Quod eodem modo de senectute dici potest. Nec enim in summa inopia levis esse senectus potest ne sapienti quidem, nec insipienti etiam in summa copia non gravis. Áptíssima omnino sunt, Scipio et Laeli, arma senectutis artes exercitationesque virtu-



tum, quae in omni aetate cultae, cum diu multumque vixeris, miríficos éfferunt fructus, non solum quia nunquam déserunt ne extremo quidem témpore aetatis (quamquam id quidem máximum est), verum etiam quia conscientia bene actae vitae multorumque bene factorum recordatio jucundíssima est. Ego Q. Máximum, eum qui Tarentum recepit, senem adolescens ita dilexi, ut aequalem; erat enim in illo viro comitate condita grávitás, nec senectus mores mutáverat; quamquam eum cólere coepi non ádmodum grandem natu, sed tamen jam aetate provectum. Anno enim post consul primum fúerat, quam ego natus sum, cumque eo quartum cónsule adolescéntulus miles ad Capuam profectus sum quintoque anno post ad Tarentum. Quaestor deinde quadriennio post factus sum; quem magistratum gessi consúlibus Tuditano et Cethego, cum quidem ille ádmodum senex suasor legis Cinciae de donis et munéribus fuit. Hic et bella gerebat ut adolescens, cum plane grandis esset, et Hanníbalem juveníliter exsultantem patientia sua molliebat; de quo praeclare familiaris noster Ennius:

Unus homo nobis cunctando restituit rem.

Non enim rumores ponebat ante salutem.

Ergo postque magisque viri nunc gloria  
claret.

Tarentum vero qua vigilantia, quo consilio recepit! cum quidem me audiente Salinatori, qui amisso oppido fúgerat in arcem, glorianti atque ita dicenti:

‘Mea ópera, Q. Fabi, Tarentum recepisti’ : ‘Certe’, inquit ridens, ‘nam nisi tu amisisses, nunquam recepissem.’ Nec vero in armis praestantior quam in toga; qui consul íterum, Sp. Carvilio collega quiescente, C. Flaminio tribuno plebis, quoad potuit, réstitit agrum Picentem et Gállicum viritim contra senatus auctoritatem dividenti; augurque cum esset, dícere ausus est óptimis auspiciis ea geri, quae pro rei públicae salute gererentur; quae contra rem públicam ferrentur, contra auspicia ferri. Multa in eo viro praeclara cognovi; sed nihil admirabilius, quam quo modo ille mortem filii tulit, clari viri et consularis. Est in mánibus laudatio, quam cum légimus, quem philósophum non contémnimus? Nec vero ille in luce modo atque in óculis civium magnus, sed intus domique praestantior. Qui sermo! quae praecepta! quanta notitia antiquitatis, scientia juris augurii! Multae etiam, ut in hómine Romano, litterae; omnia memoria tenebat non doméstica solum, sed etiam externa bella. Cujus sermone ita tum cúpide fruebar, quasi jam divinarem, id quod evenit, illo extincto fore, unde díscerem, néminem. Quorsum ígitur haec tam multa de Máximo? Quia profecto videtis nefas esse dictu míseram fuisse talem senectutem. Nec tamen omnes possunt esse Scipiones aut Máximi, ut urbium expugnationes, ut pedestres navalesve pugnas, ut bella a se gesta, ut triumphos recordentur. Est etiam quiete et pure atque eleganter actae aetatis plácida ac lenis

senectus, qualem accépimus Platonis, qui uno et octogésimo anno scribens est mortuus; qualem Isócratis, qui eum librum, qui Panathenáicus inscribítur, quarto et nonagésimo anno scripsisse se dicit vixitque quinquennium postea; cujus magister Leontinus Gorgias centum et septem complevit annos neque umquam in suo studio atque ópere cessavit. Qui, cum ex eo quaeretur, cur tam diu vellet esse in vita: 'Nihil habeo', inquit, 'quod accusem senectutem.' Praeclarum responsum et docto hómine dignum. Sua enim vitia insipientes et suam culpam in senectutem cónferunt; quod non faciebat is, cujus modo mentionem feci, Ennius:

Sicut fortis equus, spatio qui saepe supremo  
Vicit Olympia, nunc senio confectu quiescit.  
Equi fortis et victoris senectuti cómparat suam. Quem quidem próbe meminisse potestis; anno enim undevicésimo post ejus mortem hi cónsules, T. Flamininus et M'. Acilius, facti sunt, ille autem Caepione et Philippo iterum consúlibus mortuus est, cum ego quinque et sexaginta annos natus legem Voconiam magna voce et bonis latéribus suasi. Sed annos septuaginta natus (tot enim vixit Ennius) ita ferebat duo, quae máxima putantur, ónera: paupertatem et senectutem; ut eis paene delectari videretur.

Étenim, cum complector ánimo, quatuor reperio causas, cur senectus mísera videatur: unam, quod ávocet a rebus gerendis; álteram, quod corpus faciat infir-

mius; tertiam, quod privet fere ómnibus voluptátibus quartam, quod haud procul absit a morte. Earum si placet, causarum quanta quamque sit justa una quaeque, videamus.

A rebus gerendis senectus ábstrahit.— Quibus? an iis, quae juventute geruntur et víribus? Nullaene ígitur res sunt seniles, quae vel infirmis corpóribus, ánimo tamen administrentur? nihil ergo agebat Q. Máximus; nihil L. Paulus, pater tuus, socer óptimi viri, filii mei? céteri senes: Fabricii, Curii, Coruncanii, cum rem públicam consilio et auctoritate defendebant, nihil agebant? Ad Appii Claudii senectutem accedebat etiam, ut caecus esset; tamen is, cum sententia senatus inclinaret ad pacem cum Pyrrho foedusque faciendum, non dubitavit dícere illa, quae vérsibus persecutus est Ennius:

Quo vobis mentes, rectae quae stare solebant  
Ántehac, dementes sese flexere viái?

cetéraque gravíssime; notum enim vobis carmen est; et tamen ipsíus Appii extat oratio. Atque haec ille egit séptimo décimo anno post álterum consulatum, cum inter duos consulatus anni decem interfuissent censorque ante superiorem consulatum fuisset; ex quo intelligitur Pyrrhi bello grandem sane fuisse; et tamen sic a pátribus accépimus. Nihil ígitur áfferunt, qui in re gerenda versari senectutem negant, similesque sunt, ut si qui gubernatorem in navigando nihil ágere dicant, cum alii malos scandant, alii per foros cursent,



alii sentinam exhauriant, ille autem clavum tenens quietus sedeat in puppi. Non facit ea, quae júvenes, at multo majora et meliora facit. Non víribus aut velocitate aut celeritate córporum res magnae geruntur, sed consilio, auctoritate, sententia; quibus non modo non orbari, sed etiam augeri senectus solet. Nisi forte ego vobis, qui et miles et tribunus et legatus et consul versatus sum in vario génere bellorum, cessare nunc videor, cum bella non gero; at senatui, quae sint gerenda, praescribo, et quo modo: Carthágini, male jam diu cogitanti bellum multo ante denuntio; de qua vereri non ante désinam, quam illam excisam esse cognóvero. Quam palmam útinam dii immortales, Scipio, tibi reservent, ut avi reliquias persequarel cujus a morte tertius hic et trigésimus annus est, sed memoriam illíus viri omnes excipient anni consequentes. Anno ante me censorem mortuus est; novem annis post meum consulatum, cum consul íterum me cónsule creatus esset. Num ígitur, si ad centésimum annum vixisset, senectutis eum suae poeniteret? nec enim excursionem nec saltu nec éminus hastis aut cóminus gladiis uteretur, sed consilio, ratione, sententia. Quae nisi essent in sénibus, non summum consilium majores nostri appellassent senatum. Apud Lacedaemonios quidem ii, qui amplíssimum magistratum gerunt, ut sunt, sic etiam nominantur senes. Quod si légere aut audire voletis externa, máximas res públicas ab adolescéntibus labefactatas, a sénibus sustentatas et restitutas reperietis.

Cedo, quî vestram rem pùblicam tantam amisistis tam cito?

Sic enim percentantur ut est in Naevii poëtae ludo; respondentur et alia et hoc in primis:

Proveniebant oratores novi, stulti adolescentuli.

Teméritas est videlicet florentis aetatis, prudentia senescentis.

—At memoria minúitur.—Credo, nisi eam exerceas, aut etiam si sis natura tardior. Themístocles omnium civium percéperat nómina; num igitur censetis eum, cum aetate processisset, qui Aristides esset, Lysímachum salutare sólitum? Équidem non modo eos novi, qui sunt, sed eorum patres etiam et avos, nec sepulcra legens vereor, quod ajunt, ne memoriam perdam; his enim ipsis legendis in memoriam redeo mortuorum. Nec vero quemquam senem audiivi oblitum, qui loco thesaurum obruisset; omnia, quae curant, meminerunt: vadimonia constituta, quis sibi, cui ipsi debeant. Quid jurisconsulti? quid pontífices? quid áugures? quid philósophi senes? quam multa meminerunt! Manent ingenia sénibus, modo permaneat studium et industria, neque ea solum in claris et honoratis viris, sed in vita etiam privata et quieta. Sóphocles ad summam senectutem tragoedias fecit; quod propter studium cum rem negligere familiarem videretur, a filiis in judicium vocatus est, ut, quemádmódum nostro more male rem geréntibus pátribus bonis interdic

solet, sic illum quasi desipientem a re familiari removerent júdices. Tum senex díctur eam fábulam, quam in mánibus habebat et próxime scrípserat, Óedipum Coloneúm, recitasse júdicibus quaesísseque, num illud carmen desipientis videretur. Quo recitato sententiis júdicum est liberatus. Num ígitur hunc, num Homerum, Hesíodum, Simónidem, Stesíchorum; num, quos ante dixi, Isócraten, Gorgian; num philosophorum príncipes, Pythágoram, Demócritum, num Platonem num Xenócraten, num pōstea Zenonem, Cleanthem aut eum, quem vos etiam vidístis Romae, Diógenem Stóicum, coëgit in suis studiis obmutéscere senectus? an in ómnibus his studiorum agitatio vitae aequalis fuit? Age, ut ista divina studia omittamus, possum nominare ex agro Sabino rústicos Romanos, vicinos et familiares meos, quibus abséntibus nunquam fere ulla in agro majora ópera fiunt: non serendis, non percipiendis, non condendis frúctibus. Quamquam in aliis minus hoc mirum est; nemo enim est tam senex, qui se annum non putet posse vívere; sed idem in eis elaborant, quae sciunt nihil ad se omnino pertinere; ‘Serit árbores, quae álteri sáeculo prosint’, ut ait Statius noster in Synephebis. Nec vero dúbitat agrícola, quamvis sit senex, quaerenti, cui serat, respondere: ‘Diis immortalibus, qui me non accípere modo haec a majóribus voluerunt, sed etiam pósteris pródere.’ Et melius Caecilius de sene álteri sáeculo prospiciente quam illud idem:

Édepol, senectus, si nil quidquam aliud viti  
Adportes tecum, cum ádvenis, unum id sat est,  
Quod diu vivendo multa, quae non volt, videt.  
Et multa fortasse, quae volt, atque in ea, quae non  
volt, saepe etiam adolescentia incurrit. Illud vero  
idem Caecilius vitiosius:

Tum équidem in senecta hoc députo misér-  
rimum,

Sentire ea aetate ipsum esse odiosum álteri.  
Jucundum potius quam adiosum. Ut enim adolescén-  
tibus bona índole práeditis sapientes senes delectantur  
leviorque fit senectus eorum, qui a juventute coluntur  
et diliguntur, sic adolescentes senum praeceptis gau-  
dent, quibus ad virtutum studia ducuntur; nec minus  
intélligo me vobis quam mihi vos esse jucundos. Sed  
videtis, ut senectus non modo lánguida atque iners  
non sit, verum etiam sit operosa et semper agens  
áliquid et moliens, tale scílicet, quale cujusque stu-  
dium in superiore vita fuit. Quid? qui etiam addi-  
scunt áliquid? ut et Solonem vérsibus gloriantem vide-  
mus, qui se cotidie áliquid addiscentem dicit senem  
féeri; et ego feci, qui lítteras Graecas senex dídici;  
quas quidem sic ávide arripui quasi diuturnam sitim  
explere cupiens, ut ea ipsa mihi nota essent, quibus  
me nunc exemplis uti videtis. Quod cum fecisse Sócra-  
tem in fidibus audirem, vellem équidem etiam illud  
(discebant enim fidibus antiqui), sed in lítteris certe  
elaboravi.



— Nec nunc quidem vires desídero adolescentis (is enim erat locus alter de vitiis senectutis), non plus, quam adolescens tauri aut elephanti desiderabam. Quod est, eo decet uti, et, quidquid agas, ágere pro víribus. Quae enim vox potest esse contemptior quam Milonis Crotoniatae? qui cum jam senex esset athletasque se exercentes in currículo videret, aspexisse lacertos suos dícitur illacrimansque dixisse: 'At hi quidem mortui iam sunt.' Non vero tam isti quam tu ipse, nugator! neque enim ex te unquam es nobilitatus, sed ex latéribus et lacertis tuis. Nihil Sex. Aelius tale, nihil multis annis ante Ti. Coruncanius, nihil modo P. Crassus, a quibus jura cívibus praescribebantur; quorum usque ad extremum spíritum est provecta prudentia. Orator metuo ne languescat senectute; est enim munus ejus non ingenii solum, sed láterum etiam et virium. Omnino canorum illud in voce splendescit etiam nescio quo pacto in senectute, quod équidem adhuc non amisi, et videtis annos; sed tamen est decorus senis sermo quietus et remissus, facitque per se ipsa sibi audientiam disertis senis compta et mitis oratio. Quam si ipse éxsequi nequeas, possis tamen Scipioni praecipere et Laelio. Quid enim est jucundius senectute stipata studiis juventutis? An ne illas quidem vires senectuti relinquemus, ut adolescentes doceat, instituat, ad omne officii munus instruat? quo quidem ópere quid potest esse praeclarius? Mihi vero et Cn. et P. Scipiones et avi tui duo, L. Aemilius et P. Afri-

canus, comitatu nobilium juvenum fortunati videbantur, nec ulli bonarum artium magistri non beati putandi, quamvis consenúerint vires atque defécerint. Etsi ipsa ista defectio virium adolescentiae vitiis efficitur saepius quam senectutis; libidinosa enim et intémperans adolescentia effetum corpus tradit senectuti. Cyrus quidem apud Xenophontem eo sermone, quem moriens habuit, cum ádmodum senex esset, negat se unquam sensisse senectutem suam imbecillio rem factam, quam adolescentia fuisset. Ego L. Metellum mémini puer, qui cum quadriennio post álterum consulatum póntifex máximus factus esset, viginti et duos annos ei sacerdotio praefuit, ita bonis esse víribus extremo témpore aetatis, ut adólescentiam non requíreret. Nihil necesse est mihi de me ipso dícere; quamquam est id quidem senile aetatique nostrae concéditur. Videtisne, ut apud Homerum saepissime Nestor de virtútibus suis praédicet? Tertiam jam enim aetatem hóminum videbat, nec erat ei verendum, ne vera praedicans de se nimis videretur aut insólens aut loquax. Étenim, ut ait Homerus, 'ex ejus lingua melle dulcior fluebat oratio', quam ad suavitatem nullis egebat córporis víribus. Et tamen dux ille Graeciae nusquam optat, ut Ajacis símiles habeat decem, sed ut Néstoris; quod si sibi accíderit, non dúbitat, quin brevi sit Troja peritura. Sed redeo ad me. Quartum ago annum et octogésimum; vellem équidem idem possem gloriari, quod Cyrus, sed tamen

hoc queo dicere, non me quidem iis esse viribus, quibus aut miles bello Púnico aut quaestor eodem bello aut consul in Hispania fúerim aut quadriennio post, cum tribunus militaris depugnavi apud Thermópilas M'. Glabrione cónsule, sed tamen, ut vos videtis, non plane me enervavit, non adflixit senectus, non curia vires meas desíderat, non rostra, non amici, non clientes, non hóspites Nec enim unquam sum adsensus véteri illi laudatoque proverbio, quod monet 'mature fieri senem, si diu velis senex esse.' Ego vero me minus diu senem esse mallet quam esse senem, ante quam essem. Ítaque nemo adhuc convenire me voluit, cui fúerim occupatus. At minus habeo virium quam vestrum utervis. Ne vos quidem T. Pontii centurionis vires habetis; num idcirco est ille praestantior? Moderatio modo virium adsit, et tantum, quantum potest quisque, nitatur; ne ille non magno desiderio tenébitur virium. Olympiae per stadium ingressus esse Milo díctur, cum húmeris sustineret bovem. Utrum igitur has córporis an Pythagorae tibi malis vires ingenii dari? Dénique isto bono utare, dum adsit, cum absit, ne requiras, nisi forte adolescentes pueritiam, páululum aetate progressi adolescentiam debent requirere. Cursus est certus aetatis et una via naturae, éaque simplex, súaque cuique parti aetatis tempestívitás est data, ut et infirmitas puerorum et ferócitás júvenum et grávitás jam constantis aetatis et sene-

ctutis matúritas naturale quiddam habeat, quod suo témpore péreipi debeat. Audire te árbitor, Scipio, hospes tuus avitus Masinissa quae faciat hodie nonaginta natus annos; cum ingressus iter pédibus sit, in equum ómnino non ascéndere, cum autem equo, ex equo non descéndere, nullo imbri, nullo frígore adduci, ut cápite operto sit, summam esse in eo siccitatem córporis, itaque omnia éxsequi regis officia et múnera. Potest ígitur exercitatio et temperantia etiam in senectute conservare áliquid prístini róboris.

Non sunt in senectute vires. Ne postulantur quidem vires a senectute. Ergo et légibus et institutis vacat aetas nostra munéribus iis, quae non possunt sine víribus sustineri. Ítaque non modo, quod non póssumus sed ne quantum póssumus quidem cógimur. At multí ita sunt imbecilli senes, ut nullum officii aut omnino vitae munus éxsequi possint. At id quidem non proprium senectutis vitium est, sed commune valetúdinis. Quam fuit inbecillus P. Africani filius, is qui te adoptavit, quam tenui aut nulla potius valetúdine! Quod ni ita fuisset, álterum illud exstitisset lumen civitatis; ad paternam enim magnitúdinem ánimi doctrina uberior accésserat. Quid mirum ígitur in sénibus, si infirmi sint aliquando, cum id ne adolescentes quidem effúgere possint? Resistendum, Laeli et Scipio, senectuti est, ejusque vitia diligentia compensanda sunt; pugnandum tamquam contra morborum vim sic contra senectutém, habenda ratio valetúdinis, utendum exerci



tationibus módicis, tantum cibi et potionis adhibendum, ut reficiantur vires, non opprimantur. Nec vero córpori solum subveniendum est, sed <sup>et</sup> menti atque ánimo multo magis, nam haec quoque, nisi tamquam lúmini oleum instilles, extinguuntur senectute. Et córpora quidem exercitationum defatigatione ingravescunt ánimo autem exercendo levantur. Nam quos ait Caecilius 'cómicos stultos senes', hos significat crédulos, obliviosos, dissolutos, quae vitia sunt non senectutis, sed inertis, ignavae, somniculosae senectutis. Ut petulantia, ut libido magis est adolescentium quam senum. nec tamen omnium adolescentium, sed non proborum, sic ista senilis stultitia, quae deliratio appellari solet, senum levium est, non omnium. Quatuor robustos filios, quinque filias, tantam domum, tantas clientelas Appius regebat et caecus et senex; intentum enim ánimum tamquam arcum habebat nec languescens succumbebat senectuti; tenebat non modo auctoritatem, sed etiam imperium in suos, metuebant servi, verebantur líberi, carum omnes habebant; vigebat in illa domo patrius mos et disciplina. Ita enim senectus honesta est, si se ipsa defendit, si jus suum rétinet, si némini mancípata est, si usque ad últimum spíritum dominatur in suos. Ut enim adolescentem, in quo est senile áliquíd, sic senem, in quo est áliquíd adolescentis, probo; quod qui séquitur, córpore senex esse póterit, ánimo nunquam erit. Séptimus mihi liber Oríginum est in mánibus, omnia antiquitatis

monumenta cólloigo, causarum illustrium, quascumque defendi, nunc cum máxime conficio orationes, jus augurium, pontificium, civile tracto, multum etiam Graecis litteris utor Pythagoreorumque more exercendae memoriae gratia, quid quoque die díxerim, audíerim, égerim, commémoro vésperi. Haec sunt exercitationes ingenii, haec currícula mentis; in his desudans atque elaborans córporis vires non magnópere desídero. Adsum amicis, venio in senatum frequens ultroque ádfero res multum et diu cogitatas easque tueor ánimi, non córporis víribus. Quas si éxsequi nequirem, tamen me léctulus meus oblectaret ea ipsa cogitantem, quae jam ágere non possem; sed ut possim, facit acta vita. Semper enim in his studiis laboribusque viventi non intellígitur quando obrepat senectus. Ita sensim sine sensu aetas senescit nec súbito frángitur, sed diuturnitate exstínguitur.

— Séquitur tertia vituperatio senectutis, quod eam carere dicunt voluptátibus. O praeclarum munus aetatis, síquidem id aufert a nobis, quod est in adolescentia vitiosíssimum! Accípite enim, óptimi adolescentes, véterem orationem Archytae Tarentini, magni in primis et praeclari viri, quae mihi trádicta est, cum essem adolescens Tarenti cum Q. Máximo. Nullam capitaliorem pestem quam voluptatem córporis homínibus dicebat a natura datam, cujus voluptatis ávidae libídines témere et effrenate ad potiendum incitarentur. Hinc patriae proditiones, hinc rerum publicarum

eversiones, hinc cum hóstibus clandestina colloquia nasci, nullum dénique scelus, nullum malum fácinus esse, ad quod suscipiendum non libido voluptatis impélleret; stupra vero et adulteria et omne tale flagitium nullis excitari aliis illécebris nisi voluptatis; cumque hómini sive natura sive quis deus nihil mente praestabilius dedisset, huic divino múnere ac dono nihil tam esse inimicum quam voluptatem; nec enim libidine dominante temperantiae locum esse, neque omnino in voluptatis regno virtutem posse consistere. Quod quo magis intélligi posset, fíngere ánimo jubebat tanta incitatum áliquem voluptate córporis, quanta párcipi posset máxima; némini censebat fore dubium, quin tam diu, dum ita gauderet, nihil agitare mente, nihil ratione, nihil cogitatione cónsequi posset. Quocirca nihil esse tam detestábile tamque pestíferum quam voluptatem, síquidem ea, cum major esset atque longinquior, omne ánimi lumen extíngueret. Haec cum C. Pontio Samnite, patre ejus, a quo Caudino proelio Sp. Postumius, T. Veturius cónsules superati sunt, locutum Archytam Nearchus Tarentinus, hospes noster, qui in amicitia pópuli Romani permánserat, se a majóribus natu accepisse dicebat, cum quidem ei sermoni interfuisset Plato Atheniensis, quem Tarentum venisse L. Camillo, Ap. Claudio consúlibus reperio. Quorsus hoc? Ut intelligeretis, si voluptatem aspernari ratione et sapientia non possemus, magnam habendam esse senectuti gratiam, quae effíceret ut id non liberet,

quod non oporteret. Impedit enim consilium voluptas; rationi inimica est; mentis, ut ita dicam, praestringit óculos, nec habet ullum cum virtute commercium. Invitus feci, ut fortíssimi viri T. Flaminini fratrem, L. Flamininum, e senatu ejícerem septem annis post quam consul fuisset; sed notandam putavi libídinem. Ille enim, cum esset consul in Gallia, exoratus in convivio a scorto est, ut securi feriret áliquem eorum, qui in vínculis essent damnati rei capitalis. Hic Tito fratre suo censore, qui próximus ante me fúerat, elapsus est; mihi verò et Flacco néutiquam probari potuit tam flagitiosa et tam pérđita libido, quae cum probro privato conjúngeret imperii dédecus. Saepe audiavi ex majóribus natu, qui se porro púeros a sénibus anudisse dicebant mirari sólítum C. Fabricium, quod, cum apud regem Pyrrhum legatus esset, audisset a Théssalo Cineia esse quendam Athenis, qui se sapientem profiteretur, eumque dícere omnia, quae faceremus, ad voluptatem esse referenda. Quod ex eo audientes M'. Curium et Ti. Coruncanium optare sólitos, ut id Samnítibus ipsique Pyrrho persuaderetur, quo facilius vinci possent, cum se voluptátibus dedissent. Víxerat M'. Curius cum P. Decio, qui quinquennio ante eum cónsulem se pro re pública quarto consulatu devóverat; norat eundem Fabricius, norat Coruncanius; qui cum ex sua vita, tum ex ejus, quem dico, Decii, facto judicabant esse profecto áliquíd natura pulchrum atque praeclarum, quod sua sponte



peteretur, quodque spreta et contempta voluptate optimus quisque sequeretur. Quorsus igitur tam multa de voluptate? Quia non modo vituperatio nulla, sed etiam summa laus senectutis est, quod ea voluptates nullas magnopere desiderat. Caret epulis exstructisque mensis et frequentibus poculis, caret ergo etiam vinolentia et cruditate et insomniis. Sed si aliquid dandum est voluptati, quoniam ejus blanditiis non facile obsistimus — (divine enim Plato 'escam malorum' appellat voluptatem, quod ea videlicet homines capiantur, ut hamo pisces', quamquam immoderatis epulis caret senectus, modicis tamen conviviiis delectari potest. C. Duilium, M. filium, qui Poenos classe primus devicerat, redeuntem a senatu senem saepe videbam puer; delectabatur crebro funali et tibicine, quae sibi nullo exemplo privatus sumpserat; tantum licentiae dabat gloria. Sed quid ego alios? ad me ipsum jam revertar. Primum habui semper sodales. Sodalitates autem me quaestore constitutae sunt sacris Idaeis Magnae Matris acceptis. Epulabar igitur cum sodalibus omnino modice, sed erat quidam fervor aetatis; qua progrediente omnia fiunt in dies mitiora. Neque enim ipsorum conviviorum delectationem voluptatibus corporis magis quam coetu amicorum et sermonibus metiebar. Bene enim majores accubitionem epularem amicorum, quia vitae conjunctionem haberet, convivium nominaverunt; melius quam Graeci, qui hoc idem tum computationem, tum concoenationem vocant, ut, quod in

eo genere mínimum est, id máxime probare videatur. Ego vero propter sermonis delectationem tempestivis quoque conviviiis delector, nec cum aequálibus solum, qui pauci ádmodum restant, sed cum vestra etiam aetate atque vobiscum, habeoque senectuti magnam gratiam, quae mihi sermonis aviditatem auxit, potioris et cibi sústulit. Quod si quem etiam ista delectant (ne omnino bellum indixisse videar voluptati, cujus est fortasse quidam naturalis modus), non intéllico ne in istis quidem ipsis voluptátibus carere sensu senectutem. Me vero et magisteria delectant a majóribus instituta et is sermo, qui more majorum a summo adhibetur in póculo, et pócula, sicut in Symposio Xenophontis est, minuta atque rorantia et refrigeratio aestate et vicissim aut sol aut ignis hibernus; quae quidem etiam in Sabinis pèrsequi soleo conviviumque vicinorum cotidie compleo, quod ad multam noctem, quam máxime pòssumus, vario sermone prodúcimur. At non est voluptatum tanta quasi titillatio in sénibus. Credo, sed ne desideratio quidem; nihil autem est molestum, quod non desíderes. Béne Sóphocles, cum ex eo quidam jam adfecto aetate quáereret, uterturne rebus veneriis: 'Dii meliora!' inquit; 'libenter vero istinc sicut ab dómíno agresti ac furioso profugi.' Cúpidis enim rerum talium odiosum fortasse et molestum est carere, satiatis vero et expletis jucundius est carere quam frui. Quamquam non caret is, qui non desíderat; ergo hoc non desiderare dico esse jucun-

dius. Quod si istis ipsis voluptátibus bona aetas frúitur libentius, primum párvulis frúitur rebus, ut díximus, deinde iis, quibus senectus, etiamsi non abunde potitur, non omnino caret. Ut Turpione Ambivio magis delectatur, qui in prima cavea spectat, delectatur tamen etiam, qui in última, sic adolescentia voluptates propter intuens magis fortasse laetatur, sed delectatur etiam senectus procul eas spectans tantum, quantum sat est. At illa quanti sunt, ánimum, tamquam eméritis stipendiis libídinis, ambitionis, contentionis, inimicitiarum, cupiditatum omnium, secum esse secumque, ut dícitur, vívere! Si vero habet áliquod tamquam pábulum studii atque doctrinae, nihil est otiosa senectute jucundius. Mori videbamus in studio dime- tiendi paene coeli atque terrae C. Galum, familiarem patris tui, Scipio. Quoties illum lux noctu áliquod describere ingressum, quoties nox oppressit, cum mane coepisset! quam delectabat eum defectiones solis et lunae multo ante nobis praedícere! Quid in levióri- bus studiis, sed tamen acutis? quam gaudebat bello suo Púnico Naevius! quam Truculento Plautus, quam Pséudolo! Vidi etiam senem Livium; qui cum sex annis ante quam ego natus sum, fábulam docuisset Centone Tuditanoque cónsulibus, usque ad adolescen- tiam meam processit aetate. Quid de P. Licinii Crassi et pontificii et civilis juris studio loquar aut de hujus P. Scipionis, qui his paucis diebus pón- tifex máximus factus est? Atque eos omnes, quos commemoravi,

his studiis flagrant senes vīdimus; M. vero Cethegum, quem recte 'Suadae medullam' dixit Ennius, quanto studio exerceri in dicēdo videbamus etiam senem! Quae sunt igitur epularum aut ludorum aut scortorum voluptates cum his voluptatibus comparandae? Atque haec quidem studia doctrinae; quae quidem prudentibus et bene institutis pariter cum aetate crescunt, ut honestum illud Solonis sit, quod ait versículo quodam, ut ante dixi, senescere se multa in dies addiscentem, qua voluptate animi nulla certe potest esse major.

Venio nunc ad voluptates agricolarum, quibus ego incredibiliter delector; quae nec ulla impediuntur senectute et mihi ad sapientis vitam proxime videntur accēdere. Habent enim rationem cum terra, quae numquam recusat imperium nec unquam sine usura reddit, quod accepit, sed alias minore, plerumque majore cum fōnore. Quamquam me quidem non fructus modo, sed etiam ipsius terrae vis ac natura delectat. Quae cum gremio mollito ac subacto sparsum semen excepit, primum id occaecatum cōhibet, ex quo occatio, quae hoc efficit, nominata est, deinde tepefactum vapore et compressu suo diffundit et elicit herbescentem ex eo viriditatem, quae nixa fibris stirpium sensim adolescit culmoque erecta geniculato vaginis jam quasi pubescens inclūditur; ex quibus cum emersit, fundit frugem spici ordine structam et contra avium minorum morsus munitur vallo aristarum. Quid ego vitium



ortus, satus, incrementa commémorem? Satiari delectatione non possum, ut meae senectutis requiem oblectamentumque noscatis. Omitto enim vim ipsam omnium, quae generantur e terra; quae ex fici tantulo grano aut ex ácini vinaceo aut ex ceterarum frugum aut stirpium minutíssimis semínibus tantos truncos ramosque procreet. Malléoli, plantae, sarmenta, viviradices, propágines nonne efficiunt, ut quemvis cum admiratione delectent? Vitis quidem, quae natura caduca est et, nisi fulta est, fertur ad terram, éadem, ut se érigat, clavículis suis quasi mánibus, quidquid est nacta, compléctitur; quam serpentem múltiplici lapsu et errático ferro ámputans coërcet ars agricolarum, ne silvescat sarmentis et in omnes partes nimia fundatur. Ítaque ineunte vere in iis, quae relictá sunt, existit tamquam ad artículos sarmentorum ea, quae gemma díctur, a qua oriens uva se ostendit, quae et succo terrae et calore solis augescens primo est peracerba gustatu, deinde maturata dulcescit vestítaque pámpinis nec módico tepore caret et nimios solis defendit ardores. Qua quid potest esse cum fructu laetius, tum aspectu pulchrius? Cujus quidem non utilitas me solum, ut ante dixi, sed etiam cultura et natura ipsa delectat: adminiculorum órdenes, cápítum jugatio, religatio et propagatio vitium, sarmentorum ea, quam dixi, aliorum amputatio, aliorum immissio. Quid ego irrigationes, quid fossiones agri repastinationesque próferam, quibus fit multo terra

fecundior? quid de utilitate loquar stercorandi? dixi in eo libro, quem de rebus rústicis scripsi; de qua doctus Hesíodus ne verbum quidem fecit, cum de cultura agri scriberet. At Homerus, qui multis, ut mihi videtur, ante saeculis fuit, Laërtam lenientem desiderium, quod capiebat e filio, colentem agrum et eum stercorantem facit. Nec vero segétibus solum et pratis et vineis et arbustis res rústicae laetae sunt, sed hortis etiam et pomariis, tum pécudum pastu, apium examinibus, florum omnium varietate. Nec consitiones modo delectant, sed etiam insitiones, quibus nihil invenit agri cultura sollertius. Possum pérsequi per multa oblectamenta rerum rusticarum, sed haec ipsa, quae dixi, sentio fuisse longiora. Ignoscetis autem; nam et studio rusticarum rerum proventus sum, et senectus est natura loquacior; ne ab ómnibus eam vitiis videar vindicare. Ergo in hac vita M'. Curius, cum de Samnítibus, de Sabinis, de Pyrrho triumphasset, consumpsit extremum tempus aetatis. Cujus quidem ego villam contemplans (abest enim non longe a me) admirari satis non possum vel hóminis ipsíus continentiam vel téporum disciplinam. Curio ad focum sedenti magnum auri pondus Samnites cum attulissent, repudiati sunt; non enim aurum habere praeclarum sibi videri dixit, sed eis, qui haberent aurum, imperare. Poteratne tantus ánimus effícere non jucundam senectutem? Sed venio ad agrícolas, ne a me ipso recedam. In agris erant tum senatores,

id est senes, síquidem aranti L. Quinctio Cincinnato nuntiatum est eum dictatorem esse factum; cujus dictatoris jussu magister équitum C. Servilins Ahala Sp. Maelium regnum adpetentem occupatum interemit. A villa in senatum arcessebatur et Curius et céteri senes, ex quo, qui eos arcessebant, viatores nominati sunt. Num ígitur horum senectus miserábilis fuit, qui se agri cultione oblectabant? Mea quidem sententia haud scio an nulla beatior possit esse, neque solum officio, quod hóminum géneri universo cultura agrorum est salutaris, sed et delectatione, de qua dixi, et saturitate copiaque rerum omnium, quae ad victum hóminum, ad cultum etiam deorum pértinent; ut, quoniam haec quidam desíderant, in gratiam jam cum voluptate redeamus. Semper enim boni assiduique dómini referta cella vinaria, olearia, etiam penaria est, víliaque tota lócuples est, abundat porco, haedo, agno, gallina, lacte, caseo, melle. Jam hortum ipsi agrícolae succidiam álteram appellant. Conditiora facit haec supervacaneis etiam óperis aucupium atque venatio. Quid de pratorum viriditate aut árborum ordínibus aut vinearum olivetorumve specie plura dicam? Brevi praecidam: agro bene culto nihil potest esse nec usu uberius nec specie ornatius; ad quem fruendum non modo non retardat, verum etiam invitat atque adlectat senectus. Ubi enim potest illa aetas aut caléscere, vel apricatione melius vel igni aut vicissim umbris aquisve refrigerari salubrius? Sibi habeant ígitur arma, sibi equos, sibi hastas, sibi clavam et pilam, sibi nata-

tiones atque cursus; nobis sénibus ex lusióibus multis talos relinquant et tésseras, id ipsum utrum lubebit, quoniam sine iis beata esse senectus potest. Multas ad res perútiles Xenophontis libri sunt; quos légite, quaeso, studiose, ut fácitis. Quam copiose ab eo agri cultura laudatur in eo libro, qui est de tuenda re familiari, qui Oeconómicus inscribitur! Atque ut intelligatis nihil ei tam regale videri quam studium agri colendi, Sócrates in eo libro lóquitur cum Critobulo: Cyrum minorem, Persarum regem, praestantem ingenio atque imperii gloria, cum Lysander Lacedaemonius, vir summae virtutis, venisset ad eum Sardis eique dona a sociis adtulisset, et céteris in rebus comem erga Lysandrum atque humanum fuisse et ei quendam conseptum agrum diligenter cónsitum ostendisse. Cum autem admiraretur Lysander et proceritates árborum et directos in quincuncem órdenes et humum subactam atque puram et suavitatem odorum, qui adflarentur ex flóribus, tum eum dixisse mirari se non modo diligentiam, sed etiam sollertiam ejus, a quo essent illa dimensa atque descripta; et Cyrum respondisse: 'Atqui ego ista sum omnia dimensus; mei sunt órdenes, mea descriptio; multae etiam istarum árborum mea manu sunt satae.' Tum Lysandrum, intuentem púrpuram ejus et nitorem córporis ornatumque Pérsicum multo auro multisque gemmis, dixisse: 'Rite vero te, Cyre, beatum ferunt, quoniam virtuti tuae fortuna conjuncta



est.' Hac igitur fortuna frui licet sénibus; nec aetas impedit, quóminus et ceterarum rerum et in primis agri colendi studia teneamus usque ad últimum tempus senectutis. M. quidem Valerium Corvinum accépi-mus ad centésimum annum perduxisse, cum esset acta jam aetate in agris eosque cóleret; cujus inter primum et sextum consulatum sex et quadraginta anni interfuerunt. Ita, quantum spatium aetatis majores ad senectutis initium esse vóluerunt, tantus illi cursus honorum fuit; atque hujus extrema aetas hoc beatior quam media, quod auctoritatis habebat plus, laboris minus; apex est autem senectutis auctóritas. Quanta fuit in L. Caecilio Metello, quanta in A. Atilio Calatino! in quem illud elogium: 'Hunc unum plúrimae consentiunt gentes pópuli primarium fuisse virum.' Notum est carmen incisum in sepulcro. Jure igitur gravis, cujus de láudibus omnium esset fama consentiens. Quem virum nuper P. Crassum, pontíficem máximum, quem postea M. Lépidum, eodem sacerdotio práeditum, vídimus! Quid dē Paulo aut Africano loquar aut, ut jam ante, de Máximo? quorum non in sententia solum, sed etiam in nutu residebat auctóritas. Habet senectus, honorata praesertim, tantam auctoritatem, ut ea pluris sit quam omnes adolescentiae voluptates. Sed in omni oratione mementote eam me senectutem laudare, quae fundamentis adolescentiae constituta sit. Ex quo efficitur, id quod ego magno quondam cum assensu omnium dixi, mīse-

ram esse senectutem, quae se oratione defénderet. Non cani nec rugae repente auctoritatem arrípere possunt, sed honeste acta superior aetas fructus capit auctoritatis extremos. Haec enim ipsa sunt honorabilia, quae videntur levia atque communia: salutari, ádpeti, decedi, adsurgí, deduci, reduci, cónsuli; quae et apud nos et in aliis civitatibus, ut quaeque óptime morata est, ita diligentissime observantur. Lysandrum Lacedaemonium, cujus modo feci mentionem, dicere ajunt sólitum Lacedáemonem esse honestíssimum domicilium senectutis; nusquam enim tantum tribúitur aetati, nusquam est senectus honoratior. Quin etiam memoriae próditum est, cum Athenis ludis quidam in theatrum grandis natu venisset, magno consessu locum nusquam ei datum a suis cívibus; cum autem ad Lacedaemonios accessisset, qui legati cum essent, certo in loco conséderant, consurrexisse omnes illi dicuntur et senem sessum recepisse. Quibus cum a cuncto consessu plausus esset múltiplex datus, dixisse ex iis quendam, Athenienses scire, quae recta essent, sed fácere nolle. Multa in vestro collegio praeclara, sed hoc, de quo ágimus, in primis, quod, ut quisque aetate antecedit, ita sententiae principatum tenet, neque solum honore antecedéntibus, sed iis etiam, qui cum imperio sunt, majores natu áugures anteponuntur. Quae sunt igitur voluptates córporis cum auctoritatis praemiis comparandae? quibus qui spléndide usi sunt, ii mihi videntur fábulam aetatis peregissee nec tamquam in-

exercitati histriones in extremo actu corruisse.

—At sunt morosi et anxii et iracundi et difficiles senes.—Si quáerimus, etiam avari; sed haec morum vitia sunt, non senectutis. Ac morósitas tamen et ea vitia, quae dixi, habent áliquid excusationis non illús quidem justae, sed quae probari posse videatur. Contemni se putant, déspici, illudi; praeterea in frágili córpore odiosa omnis offensio est. Quae tamen omnia dulciora fiunt et móribus bonis et ártibus, idque cum in vita, tum in scena intéllegi potest ex iis frátribus, qui in Adelphis sunt. Quanta in áltero díritas, in áltero cómitas! Sic se res habet; ut enim non omne vinum, sic non omnis natura vetustate coacescit. Severitatem in senectute probo, sed eam, sicut alia, módicam, acerbitem nullo modo. Avaritia vero senilis quid sibi velit, non intéllego; potest enim quidquam esse absurdius quam, quo viae minus restet, eo plus viátici quáerere?

—Quarta restat causa, quae máxime ángere atque sollicitam habere nostram aetatem videtur: appropinquatio mortis, quae certe a senectute non potest esse longe. O míserum senem, qui mortem contemnendam esse in tam longa aetate non víderit! quae aut plane negligenda est, si omnino extinguit ánimum, aut etiam optanda, si áliquo eum deducit, ubi sit futurus aeternus. Atqui tertium certe nihil inveniri potest. Quid igitur timeam, si aut non miser post mortem aut beatus etiam futurus sum? Quamquam quis est tam

stultus, quamvis sit adolescens, cui sit exploratum se ad vésperum esse victurum? Quin etiam aetas illa multo plures quam nostra casus mortis habet; facilius in morbos incidunt adolescentes, gravius aegrotant, tristius curantur. Ítaque pauci veniunt ad senectutem; quod ni ita accíderet, melius et prudentius viveretur. Mens enim et ratio et consilium in sénibus est; qui si nulli fuissent, nullae omnino civitates fuissent. Sed redeo ad mortem impendentem. Quod est istud crimen senectutis, cum id ei videatis cum adolescentia esse commune? Sensi ego in óptimo filio, tu in expectatis ad amplíssimam dignitatē frátribus, Scipio, mortem omni aetati esse communem.—At sperat adolescens diu se victurum, quod sperare idem senex non potest. Insipienter sperat. Quid enim stultius quam incerta pro certis habere, falsa pro veris?—At senex ne quod speret quidem habet. At est eo meliore conditione quam adolescens, quod id, quod ille sperat, hic consecutus est; ille vult diu vivere, hic diu vixit. Quamquam, o dii boni! quid est in hóminis natura diu? Da enim summum tempus, expectemus Tartes siorum regis aetatem (fuit enim, ut scriptum video, Arganthonius, quidam Gádibus, qui octoginta regnavit annos, centum viginti vixit) — sed mihi ne diuturnum quidem quidquam videtur, in quo est áliquid extremum. Cum enim id ádvenit, tum illud, quod praeteriit, effluxit; tantum rémanet, quod virtute et recte factis consecutus sis; horae quidem cedunt et



dies et menses et anni, nec praetëritum tempus unquam revërtitur, nec quid sequatur, sciri potest; quod cuique tëmporis ad vivendum datur, eo debet esse contentus. Neque enim histrioni, ut placeat, peragenda fábula est, modo, in quocumque fúerit actu, probetur, neque sapienti usque ad 'Pláudite' veniendum est. Breve enim tempus aetatis satis longum est ad bene honesteque vivendum; sin procësserit longius, non magis dolendum est, quam agrícolae dolent, praetërita verni tëmporis suavitatem, aestatem autumnumque venisse. Ver enim tanquam adolescentiam significat ostenditque fructus futuros, réliqua autem tëmpora demetendis frúctibus et percipiendis accommodata sunt. Fructus autem senectutis est, ut saepe dixi, ante partorum bonorum memoria et copia. Omnia autem, quae secundum naturam fiunt, sunt habenda in bonis. Quid est autem tam secundum naturam quam sénibus émori? quod idem contingit adolescëntibus adversante et repugnante natura. Ítaque adolescentes mihi mori sic videntur, ut cum aquae multitudíne flammae vis opprimitur, senes autem sic ut cum sua sponte nulla adhibita vi consumptus ignis extinguitur; et quasi poma ex arbóribus, cruda si sunt, vix evelluntur, si matura et cocta, decidunt, sic vitam adolescëntibus vis aufert, sénibus matúritas; quae quidem mihi tam jucunda est, ut quo propius ad mortem accēdam, quasi terram videre videar aliquandoque in portum ex longa navigatione esse ven-

turus. Senectutis autem nullus est certus términus; recteque in ea vívitur, quoad munus officii éxsequi et tueri possit; ex quo fit, ut animosior etiam senectus sit quam adolescentia et fortior. Hoc illud est, quod Pisístrato tyranno a Solone responsum est, cum illi quaerenti, qua tandem re fretus sibi tam audácitér obsísteret, respondisse dícitur: 'Senectute.' Sed vivendi est finis óptimus, cum íntegra mente certisque sénsibus opus ipsa suum éadem quae coagmentavit, natura dissolvit. Ut navem, ut aedificium idem destruit facíllime, qui construxit, sic hóminem éadem óptime, quae conglutinavit, natura dissolvit. Jam omnis conglutinatio recens aegre, inveterata fáciie divéllitur. Ita fit, ut illud breve vitae réliquum nec ávide adpetendum sénibus nec sine causa deserendum sit; vetatque Pythágoras injussu imperatoris, id est: dei, de praesidio et statione vitae decédere. Solonis quidem sapientis est elogium, quo se negat velle suam mortem dolore amicorum et lamentis vacare. Vult, credo, se esse carum suis; sed haud scio an melius Ennius:

Nemo me lácrumis décoret neque fúnera  
fletu

Faxit.

Non censet lugendam esse mortem, quam inmortalitas consequatur. Jam sensus moriendi áliquis esse potest, isque ad exiguum tempus, praesertim seni; post mortem quidem sensus aut optandus aut nullus est. Sed

hoc meditatam ab adolescentia debet esse, mortem ut negligamus, sine qua meditatione tranquillo ánimo esse nemo potest. Moriendum enim certe est, et incertum an hoc ipso die. Mortem igitur ómnibus horis impendentem timens, qui póterit ánimo consistere? De qua non ita longa disputatione opus esse videtur, cum recorder, non L. Brutum, qui in liberanda patria est interfectus; non duos Decios, qui ad voluntariam mortem cursum equorum incitaverunt; non M. Atilium, qui ad supplicium est profectus, ut fidem hosti datam conservaret; non duos Scipiones, qui iter Poenis vel corpóribus suis obstrúere voluerunt; non avum tuum L. Paulum, qui morte luit collegae in Cannensi ignominia temeritatem; non M. Marcellum, cujus intéritum ne crudelíssimus quidem hostis honore sepulturae carere passus est; sed legiones nostras, (quod scripsi in Origínibus,) in eum locum saepe profectas álacri ánimo et erecto, unde se redituras numquam arbitrantur. Quod igitur adolescentes, et ii quidem non solum indocti, sed etiam rústici, contemnunt, id docti senes extimescent? Omnino, ut mihi quidem videtur, studiorum omnium satíetas vitae facit satietatem. Sunt pueritiae studia certa; num igitur ea desíderant adolescentes? sunt ineuntis adolescentiae; num ea constans jam requirit aetas, quae media díctur? sunt etiam ejus aetatis; ne ea quidem quaeruntur in senectute; sunt extrema quaedam studia senectutis; ergo, ut superiorum aetatum studia óccidunt, sic óccidunt

etiam senectutis; quod cum évenit, satíetas vitae tempus maturum mortis adfert. Non enim video, cur, quid ipse sentiam de morte, non audeam vobis dícere, quod eo cérnere mihi melius videor, quo ab ea propius absum. Ego vestros patres, P. Scipio, tuque, C. Laeli, viros claríssimos mihiq̃ue amicíssimos, vívere árbitor, et eam quidem vitam, quae est sola vita nominanda. Nam, dum sumus inclusi in his compágibus córporis, múnere quodam necessitatis et gravi ópere perfúngimur; est enim ánimus caelestis ex altíssimo domicilio depressus et quasi demersus in terram, locum divinae naturae aeternitatieque contrarium. Sed credo deos immortales sparsisse ánimos in córpora humana, ut essent, qui terras tuerentur, quique caelestium órđinem contemplantes imitarentur eum vitae modo atque constantia. Nec me solum ratio ac disputatio ímpulit, ut ita créderem, sed nobílitas etiam summorum philosophorum et auctóritas. Audiebam Pythágoram Pythagoreosque, íncolas paene nostros, qui essent Itálici philósophi quondam nominati, numquam dubitasse, quin ex universa mente divina delibatos ánimos haberemus. Demonstrabantur mihi praeterea, quae Sócrates supremo vitae die de immortalitate animorum disseruisset, is qui esset omnium sapientíssimus oráculo Apóllinis iudicatus. Quid multa? sic persuasi mihi, sic sentio, cum tanta celéritas animorum sit, tanta in memoria praeteritorum futurorumque prudentia, tot artes, tantae scientiae, tot inventa, non



posse eam naturam, quae res eas contineat, esse mortalem; cumque semper agitetur ánimus nec principium motus habeat, quia se ipse moveat, ne finem quidem habiturum esse motus, quia numquam se ipse sit relicturus, et, cum simplex ánimi esset natura neque haberet in se quidquam admixtum dispar sui atque dissímile, non posse eum dívidi; quod si non posset, non posse interire; magnoque esse argumento hómínes scire pléraque ante quam nati sint, quod jam pueri, cum artes difficiles discant, ita celéríter res innumerábiles arripiant, ut eas non tum primum accípere videantur, sed reminisci et recordari. Haec Platonis fere. haec. Apud Xenophontem autem moriens Cyrus major dicit : 'Nolite arbitrari, o mihi caríssimi filii, me, cum a vobis discéssero, nusquam aut nullum fore. Nec enim, dum eram vobiscum, ánimum meum videbatis, sed eum esse in hoc corpore ex iis rebus, quas gerebam, intelligebatis. Eundem ígitur esse creditote, etiamsi nullum vidébitis. Nec vero clarorum virorum post mortem honores permanerent, si nihil eorum ipsorum ánimi effícèrent, quo diutius memoriam sui teneremus. Mihi quidem numquam persuaderi potuit, ánimos, dum in corpóribus essent mortálibus, vívere, cum excessissent ex eis, émori, nec vero tum ánimum esse insipientem, cum ex insipienti corpore evasisset, sed cum, omni admixtione corpóris liberatus, purus et ínteger esse coepisset, tum esse sapiéntem. Atque etiam cum

hóminis natura morte dissólvitur, ceterarum rerum perspicuum est quo quaeque discedat; abeunt enim illuc omnia, unde orta sunt, ánimus autem solus, nec cum discedit, apparet. Jam vero videtis nihíl esse morti tam símile quam somnum. Atqui dormientium ánimi máxime declarant divinitatem suam; multa enim, cum remissi et líberi sunt, futura prospiciunt. Ex quo intelligitur, quales futuri sint, cum se plane córporis vínculis relaxáverint. Quare, si haec ita sunt, sic me colitote', inquit, 'ut deum; sin una est interiturus ánimus cum córpore, vos tamen, deos verentes, qui hanc omnem pulchritúdinem tuentur et regunt, memoriam nostri pie inviolateque servábitis.' Cyrus quidem haec moriens; nos, si placet, nostra videamus. Nemo umquam mihi, Scipio, persuadebit, aut patrem tuum Paulum aut duos avos, Paulum et Africanum, aut Africani patrem aut patruum aut multos praestantes viros, quos enumerare non est necesse, tanta esse conatos, quae ad posteritatis memoriam pertinerent, nisi ánimo cérnerent posteritatem ad se ipsos pertinere. An censes (ut de me ipse áliquíd more senum glorier) me tantos labores diurnos nocturnósque domi militiaeque suscepturum fuisse, si iisdem fínibus gloriam meam, quibus vitam, essem terminaturus? Nonne melius multo fuisset otiosam aetatem et quietam sine ullo aut labore aut contentione tradúcere? Sed nescio quo modo ánimus érigens se posteritatem ita semper prospiciebat, quasi, cum excessisset e vita, tum déni- que victurus esset. Quod quidem ni ita se haberet,

ut ánimi immortales essent, haud óptimi cujusque ánimus máxime ad immortalitatem et gloriam niteretur. Quid? quod sapientíssimus quisque aequíssimo ánimo móritur, stultíssimus iniquíssimo, nonne vobis vidétur, is ánimus, qui plus cernat et longius, videre se ad meliora proficisci, ille autem, cujus obtusior sit acies, non videre? Équidem éfferor studio patres vestros, quos colui et dilexi, videndi, neque vero eos solos convenire aveo, quos ipse cognovi, sed illos etiam, de quibus audiivi et legi et ipse conscripsi. Quo quidem me proficiscentem haud sane quis fáciie retráxerit nec tamquam Peliam recóxerit. Et si quis deus mihi largiatur. ut ex hac aetate repuerascam et in cunis vagiam, valde recusem nec vero velim quasi decurso spatio ad cárceres a calce revocari. Quid habet enim vita cómmodi? quid non potius laboris? Sed habeat sane, habet certe tamen aut satietatem aut modum. Non lubet enim mihi deplorare vitam, quod multi, et ii docti, saepe fecerunt, neque me vixisse póenitet, quoniam ita vixi, ut non frustra me natum exístimem, et ex vita ita discedo tamquam ex hospitio, non tamquam e domo. Commorandi enim natura diversorium nobis, non habitandi dedit. O praeclarum diem, cum in illud divinum animorum concilium coetumque proficiscar cumque ex hac turba et colluvione discedam! Proficiscar enim non ad eos solum viros, de quibus ante dixi, verum etiam ad Catonem meum, quo nemo vir melior natus est, nemo pietate praestantior; cujus

a me corpus est crematum, (quod contra decuit, ab illo meum,) ánimus vero non me déserens, sed respectans in ea profecto loca discessit, quo mihi ipsi cernebat esse veniendum. Quem ego meum casum fórtiter ferre visus sum, non quo aequo ánimo ferrem, sed me ipse consolabar exístimans non longinquum inter nos digressum et discessum fore. His mihi rebus, Scipio, (id enim te cum Laelio admirari solere dixisti) levis est senectus, nec solum non molesta, sed etiam jucunda Quod si in hoc erro, qui ánimos hóminum immortales esse credam, libenter erro, nec mihi hunc errorem, quo delector, dum vivo, extorqueri volo; sin mortuus, ut quidam minuti philósophi censent, nihil sentiam, non vereor, ne hunc errorem meum philósophi mortui irrideant. Quod si non sumus immortales futuri, tamen extinguí hómini suo témpore optábile est. Nam habet natura, ut aliarum omnium rerum, sic vivendi modum. Senectus autem aetatis est peractio, tamquam fábulae, cujus defectionem fúgere debemus, praesertim adjuncta satietate.

Haec habui, de senectute quae dicerem; ad quam útinam perveniatis! ut ea, quae ex me audistis, re experti probare possitis.

---







# Q. Horatii F.

## ODÆ

### AD REMPÚBLICAM

O navis, <sup>(1)</sup> référent in mare te novi  
Fluctus. O quid agis? fórtiter óccupa  
Portum. Nonne vides ut  
Nudum remigio latus,

Et malus céleri saucius Áfrico, 5  
Antennæque gemant, ac sinè fúnibus  
Vix durare carinæ  
Possent imperiosius

Æquor? Non tibi sunt íntegra lintea,  
Non di, quos íterum pressa voces malo. 10  
Quàmvis Póntica pinus,  
Silvæ filia nóbilis,

Jactes et genus et nomen inútile,  
Nil pictis tímíduS návita púppibus  
Fidit. Tu, nisi ventis 15  
Debes ludibrium, cave.

Nuper sollicitum quæ mihi tædium,  
Nunc desiderium cúraque non levis,  
Interfusa nitentes  
Vites æquora Cycladas. 20

---

(1) Las letras cursivas marcan los dáctilos y la cesura.

AD PÚERUM

Pérsicos odi, puer, apparatus;  
Dísplicent nexæ phílyrâ coronæ:  
Mitte sectari rosa quo locorum  
Sera moretur.

Símplici myrto nihil allabores 5  
Sédulus curo: neque te ministrum  
Dédecet myrtus, neque me sub arctâ  
Vîte bibentem.

---

AD LICINIUM

Rectiùs vives, Licini, neque altum  
Semper urgendo, neque, dum procellas  
Cautus horrescis, nimiúm premendo  
Líttus iniquum,

Auream quisquís mediocritatem 5  
Díligit, tutus caret obsoleti  
Sórdibus tecti, caret invidendâ  
Sobrius aulâ.

Sæpiùs ventis agitur ingens  
Pinus, et celsæ graviore casu 10  
Décidunt turres, feriuntque summos  
Fúlgura montes.

Sperat infestis, metuit secundis  
Álteram sortem bene præparatum  
Pectus. Informes híemes reducit 15  
Júpiter, idem



Súbmovet. Non, *si* malè nunc, et olim  
Sic erit: quondam citharà tacentem  
Súscitat Musam, neque semper arcum  
Tendit Apollo.

20

Rebus angustis animosus atque  
Fortis appare; sapienter idem  
Cóntrahes vento nimiùm secundo  
Túrgida vela.

---

### AD PÓSTUMUM

Eheu! fugaces, Póstume, Póstume,  
Labuntur anni, nec píetas moram  
Rugis et instanti senectæ  
Áfferet, indomitæque morti;

Non, si trecenis, quotquot eunt dies,  
Amice, places illacrimábilem  
Plutona tauris, qui ter amplum  
Geryonen Tityonque tristi

5

Compescit undà, scilicet ómnibus,  
Quicumque terræ múnere véscimur,  
Enavigandâ, sive reges,  
Sive ínopes érimus coloni.

10

Frustrà cruento Marte carébitus,  
Fractisque rauci flúctibus Adriæ;  
Frustrà per autumnos nócentem  
Corpóribus metuemus Austrum:

15

Visendus ater flúmine lánguido  
Cocytos errans, et Danaï genus  
Infame, damnatusque longi  
Sísyphus Æólides laboris.

20

Linquenda tellus, et domus, et placens  
Uxor; neque harum quas colis árborum  
Te, præter invisas cupressos,  
Ulla brevem dóminum sequetur.

Absumet heres Cæcuba dignior  
Servata centum clávibus, et mero  
Tinget pavimentum superbo,  
Pontíficum potiore cœnis.

25

---

### AD GROSPHUM

Otium Divos rogat in patenti  
Pensus Ægæo, simul atra nubes  
Cóndidit lunam, neque certa fulgent  
Sídera nautis;

5

Otium bello furiosa Thrace,  
Otium Medi pháretrâ decori,  
Grosophe, non gemmis neque púrpurâ ve-  
nale nec auro.

Non enim gazæ neque consularis  
Súbmovet lictor míseros tumultus  
Mentis, et curas laqueata circum  
Tecta volantes.

10

Vivitur parvo bene, cui paternum  
Splendet in mensâ tenui salinum,  
Nec leves somnos timor aut cupido  
Sórdidus aufert. 15

Quid brevi fortes jaculamur ævo  
Multa? quid terras alio calentes  
Sole mutamus? Patriæ quis exsul  
Se quoquè fugit? 20

Scandit æratas vitiosa naves  
Cura, nec turmas équitum relinquit,  
Ocior cervis, et agente nimbos  
Ocior Euro.

Lætus in præsens ánimus quod ultrà est 25  
Óderit curare, et amara lento  
Témperet risu; nihil est ab omni  
Parte beatum.

Ábstulit clarum cita mors Achillem,  
Longa Tithonum minuit senectus: 30  
Et mihi forsan, tibi quod negârit,  
Pórriget hora.

Te greges centum Siculæque circum  
Mugiunt vaccæ; tibi tollit hinnitum  
Apta quadrigis equa; te bis Afro 35  
Múrice tinctæ

Vestiunt lanæ: mihi parva rura, et  
Spíritum Graiæ tenuem Camenæ  
Parca non mendax dedit, et malignum  
Spérnere vulgus. 40

AD JULIUM ANTONIUM

Píndarum quisquis studet æmulari,  
Jule, ceratis ope Dædaléâ  
Nítitur pennís, vitreo daturus  
Nómina ponto.

Monte decurrens velut annis, imbres  
Quem super notas aluere ripas,  
Fervet, immensusque ruit profundo  
Píndarus ore

Laureâ donandus Apollinari,  
Seu per audaces nova dithyrambos  
Verba devolvit, numerisque fertur  
Lege solutis;

Seu Deos regesve canit, Deorúm  
Sánguinem, per quos cecidere justâ  
Morte Centauri, cécidit tremendæ  
Flamma Chimæræ;

Sive, quos Eléa domum reducit  
Palma cœlestes, pugilemve equumve  
Dicit, et centum potiore signis  
Múnere donat;

Flébili sponsæ juvenemve raptum  
Plorat, et vires animumque moresque  
Aureos educit in astra, nigroque  
Ínvidet Orco.

5

10

15

20



Multa Dircaëum levat aura cyenum, 25  
Tendit, Antoni, quoties in altos  
Nubium tractus. Ego, apis Matinæ  
More modoque.

Grata carpentis thyma per laborem  
Plúrimum, circa nemus uvidique 30  
Tíburis ripas, operosa parvus  
Cármina fingo.

Cóncines majore poeta plectro  
Cæsarem, quandoque trahet feroces  
Per sacrum clivum, méritâ decorus 35  
Fronda, Sicambros;

Quo nihil majus meliusve terris  
Fata donavere bonique Divi  
Nec dabunt. quàmvis redeant in aurum  
Témpora priscum. 40

Cóncines lætosque dies et Urbis  
Públicum ludum super impetrato  
Fortis Augusti réditu, forumque  
Lítibus orbum.

Tum meæ (si quid loquar audiendum) 45  
Vocis accedet bona pars; et: « O sol  
Pulcher! o laudande! » canam, recepto  
Cæsare felix.

Teque, dum procedit, « Io triumphe »  
Non semel dicemus; « Io triumphe », 50  
Cívitas omnis; dabimusque Divis  
Tura benignis.

Te decem tauri totidemque vaccæ,  
Me tener solvet vítilus, relictâ  
Matre qui largis juvenescit herbis  
In mea vota,

55

Fronte curvatos imitatus ignes  
Tertium lunæ referentis ortum,  
Quâ notam duxit, niveus videri,  
Cétera fulvus.

60

---

ALFIUS

Beatus ille qui procul negotiis,  
Ut prisca gens mortalium,  
Paterna rura bobus exercet suis,  
Solutus omni fœnore,  
Nec excitatur clássico miles truci,  
Nec horret iratum mare,  
Forumque vitat et superba civium  
Potentiorum límína.

5

Ergo aut adultâ vitium propágine  
Altas maritat pópulos,  
Aut in reductâ valle mugientium  
Prospectat errantes greges,  
Inutilesque falce ramos ámputans,  
Feliciores ínserit,

10

Aut pressa puris mella condit ámphoris,  
Aut tondit infirmas oves;  
Vel, quum decorum mítibus pomis caput  
Autumnus agris éxtulit,

15

Ut gaudet insitiva decerpens pira,  
Certantem et uvam púrpuræ, 20  
Quâ muneretur te, Priape, et te, pater  
Silvane, tutor finium!  
Libet jacere modò sub antiquâ ílice,  
Modò in tenaci grámine;  
Labuntur altis ínterim ripis aquæ, 25  
Queruntur in silvis aves,  
Fontesque lymphis óbstrepunt manántibus  
Somnos quod invitet leves.  
At, quum tonantis annus hibernus Jovis  
Imbres nivesque cómparat, 30  
Aut trudit acres hinc et hinc multâ cane  
Apros in obstantes plagas,  
Aut ámite lævi rara tendit retia,  
Turdís edácibus dolos,  
Pavidumque léporem et ádvenam laqueo gruem 35  
Jucunda captat præmia.  
Quis non malarum, quas amor curas habet,  
Hæc inter oblivíscitur?  
Quòd si pudica mulier in partem juvet  
Domum atque dulces líberos, 40  
Sabina qualis aut perusta sólibus  
Pernicis uxor Ápuli,  
Sacrum vetustis exstruat lignis focum  
Lassi sub adventum viri,  
Claudensque textis crátibus lætum pecus, 45  
Distenta siccet úbera,  
Et horna dulci vina promens dolio  
Dapes inemptas ápparet;

- Non me Lucrina júverint conchyliá  
Magisve rhombus aut scari, 50  
Si quos Eóis intonata flúctibus  
Hiems ad hoc vertat mare;  
Non Afra avis descendat in ventrem meum,  
Non áttagen Iónicus  
Jucundior quàm lecta de pinguíssimis 55  
Oliva ramis árborum,  
Aut herba lápathi prata amantis, et gravi  
Malvæ salubres córpori,  
Vel agna festis cæsa Terminálibus,  
Vel hædus ereptus lupo. 60  
Has inter épulas ut juvat pastas oves  
Videre properantes domum,  
Videre fessos vómerem inversum boves  
Collo trahentes lánguido,  
Positosque vernas, ditis examen domùs, 65  
Circum renidentes Lares!  
  
Hæc ubi locutus fœnerator Alfius,  
Jam jam futurus rústicus,  
Omnem redegit Ídibus pecuniam....  
-Quærit Calendis pónere. 79
-



## P. Virgilii M.

### ÆNÉIS

#### I

Arma virumque cano, Trojæ qui primus ab oris  
Italiam, fato prófugus, Lavínaque venit  
Líttora. Multum ille et terris jactatus et alto  
Vi Súperum, sævæ mémorem Junonis ob iram;  
Multa quoque et bello passus, dum cónderet urbem  
Inferretque deos Latio, genus unde Latinum,  
Albanique patres, atque altæ mænia Romæ.

Musa, mihi causas mémora, quo númine læso,  
Quidve dolens regina deum tot vólvere casus  
Insignem pietate virum, tot adire labores 10  
Impúlerit. Tantæne ánimis cœléstibus iræ!

Urbs antiqua fuit, Tyrii tenuere coloni,  
Carthago, Italiam contra Tiberinaque longe  
Ostia, dives opum studiisque aspérrima belli;  
Quam Juno fertur terris magis ómnibus unam 15  
Posthábita coluisse Samo. Hic illius arma,  
Hic currus fuit; hoc regnum dea géntibus esse,  
Si qua fata sinant, jam tum tenditque sovetque.  
Progeniem sédenim Trojano a sángine duci  
Áudierat, Tyrias olim quæ vérteret arces; 20  
Hinc pópulum late regem belloque superbum  
Venturum excidio Libyæ: sic vólvere Parcas.

*Id metuens veterisque memor Saturnia belli,  
Prima quod ad Trojam pro caris gesserat Argis:  
Necdum etiam causæ irarum sævique dolores* 25  
*Exciderant ánimo; manet alta mente repostum  
Judicium Páridis spretæque injuria formæ,  
Et genus invisum, et rapti Gamynedis honores.  
His accensa super, jactatos æquore toto  
Troas, reliquias Danaum atque immitis Achilli,* 30  
*Arcebat longe Latio; multosque per annos  
Errabant, acti fatis maria omnia circum.*

*Tantæ molis erat Romanam cóndere gentem!*  
Vix e conspectu Sículæ telluris in altum  
*Vela dabant læti et spumas salis ære ruebant,* 35  
*Quum Juno, æternum servans sub pectore vulnus,  
Hæc secum: «Mene incepto desistere victam,  
Nec posse Italia Teucrorum avértere regem?  
Quippe vetor fatis! Pallasne exúrere classem  
Argivum atque ipsos potuit submérgerè ponto,* 40  
*Unius ob noxam et furias Ajacis Oilei?  
Ipsa, Jovis rápidum jaculata e núbilus ignem,  
Disjecitque rates evertitque æquora ventis;  
Illum, expirantem transfixo pectore flammæ,  
Túrbine corripuit scopuloque infixit acuto:* 45  
*Ast ego, quæ divum incedo regina, Jovisque  
Et soror et conjux, una cum gente tot annos  
Bella gero! Et quisquam numen Junonis adoret  
Præterea, aut supplex aris imponat honorem?»*

*Talia flammato secum dea corde volutans,* 50  
*Nimborum in patriam, loca feta furéntibus Austris,  
Æoliam venit. Hic vasto rex Æolus antro*

Luctantes ventos tempestatesque sonoras  
Imperio premit ac vinclis et cárcere frenat.  
Illi indignantes magno cum mûrmure montis      55  
Circum claustra fremunt; celsa sedet Æolus arce,  
Sceptra tenens, mollitque ánimos et témpérat iras.  
Ni faciat, maria ac terras cœlumque profundum  
Quippe ferant rápidi secum verrantque per auras.  
Sed pater omnípotens speluncis ábdidit atris,      60  
Hoc metuens, molemque et montes ínsuper altos  
Ímposuit, regémque dedit, qui fædere certo  
Et prémere et laxas sciret dare jussus habenas.

Ad quem tum Juno supplex his vóciбус usa est:  
«Æole (namque tibi divum pater atque hóminum rex  
Et mulcere dedit fluctus et tóllere vento),  
Gens inimica mihi Tyrrhenum návigat æquor,  
Ilium in Italiam portans victosque Penates:  
Incute vim ventis submersasque óbrue puppes,  
Aut age diversos et dísjice córpora ponto.      70  
Sunt mihi bis septem præstanti córpore Nymphæ.  
Quarum, quæ forma pulchérissima, Déiopeiam,  
Connubio jungam stábili propriamque dicabo,  
Omnes ut tecum méritis pro tálibus annos  
Éxigat, et pulchra faciat te prole parentem.»      75

Æolus hæc contra: «Tuus, o regina, quid optes  
Explorare labor; mihi jussa capéssere fas est.  
Tu mihi quodcumque hoc regni, tu sceptra Jovemque  
Concilias; tu das épulis accúmbere divum,  
Nimborumque facis tempestatumque potentem».      80

Hæc ubi dicta, cavum conversa cúspide montem  
Ímpulit in latus; ac ventí, velut ágmine facto,

Qua data porta, ruunt, et terras túrbine perflant.  
Incubuerè mari, totumque a sédibus imis  
Una Eurúsque Notasque ruunt, creberque procellis  
Áfricus, et vastos volvunt ad líttora fluctus.  
Inséquitur clamorque virum stridorque rudentum.  
Eripiunt súbito nubes cælumque diemque  
Teucrorum ex óculis: ponto nox incubat atra.  
Intonuere poli et crebris micat ígnibus æther; 90  
Præsentemque viris intentant omnia mortem,  
Extemplo Ænéæ solvuntur frígore membra;  
Íngemit, et dúplices tendens ad sídera palmas.  
Talía voce refert: « O terque quaterque beati  
Queis ante ora patrum, Trojæ sub mænibus altis,  
Cóntigit oppétere! o Danaum fortíssime gentis  
Tydide, mene Íliacis occúmbere campis  
Non potuísse, tuaque ánimam hanc effúndere dextra,  
Sævus ubi Æácidæ telo jacet Hector, ubi ingens  
Sarpedon, ubi tot Símois correpta sub undis. 100  
Scuta virum galeasque et fortia córpora volvit! »

Talia jactanti stridens Aquilone procella  
Velum adversa ferit, fluctusque ad sídera tollit.  
Franguntur remi; tum prora avertit, et undis  
Dat latus; inséquitur cúmulo præruptus aquæ mons  
Hi summo in fluctu pendent; his unda dehiscens  
Terram inter fluctus áperít; furit æstus arenis.  
Tres Notus abreptas in saxa latentia torquet  
(Saxa vocant Ítali mediis quæ in flúctibus Aras,  
Dorsum immane mari summo), tres Eurús ab alto  
In brevia et syrtes urget, miserábile visu!  
Illidítque vadis atque ággere cingit arenæ.



Unam, quæ Lycios fidumque vehebat Oronten,  
Ipsius ante oculos ingens a vértice pontus  
In puppim ferit: excútitur pronusque magister 115  
Vólvitur in caput; ast illam ter fluctus ibidem  
Torquet agens circum et rápidus vorat æquore vortex.  
Apparent rari nantes in gúrgite vasto,  
Arma virum tabulæque et Troia gaza per undas.  
Jam válidam Ilionei navem, jam fortis Achatæ  
Et qua vectus Abas, et qua grandævus Aletes,  
Vicit hiems; laxis láterum compágibus omnes  
Accipiunt inimicum imbrem, rimisque fatiscunt. 120

Interea magno misceri mûrmure pontum,  
Emissamque hiemem sensit Neptunus, et imis  
Stagna refusa vadis, gráviter commotus; et alto  
Prospiciens, summa plácidum caput éxtulit unda,  
Disjectam Ænéæ toto videt æquore classem,  
Flúctibus oppressos Troas cœlique ruína.  
Nec latuere doli fratrem Junónis et iræ; 130  
Eurum ad se Zephyrúmque vocat; dehinc talia fatur:

«Tántane vos géneris tenuit fiducia vestri?  
Jam cælum terramque, meo sine númine, venti,  
Miscere, et tantas audetis tóllere moles!  
Quos ego.... Sed motos præstat compónere fluctus  
Post mihi non símili pœna commissa luetis.  
Maturate fugam, regique hæc dícite vestro:  
Non illi imperium pélagi sævumque tridentem,  
Sed mihi sorte datum. Tenet ille immania saxa,  
Vestras, Eure, domos; illa se jactet in aula 140  
Æolus, el clauso ventorum cárcere regnet.»

Sic ait, et dicto citius túmida æquora placat,

Collectasque fugat nubes, solemque reducit.  
Cymóthoe simul et Triton annixus acuto  
Detrudunt naves scópulo; levat ipse tridenti,  
Et vastas áperit syrtes, et témpérat æquor,  
Atque rotis summas lévibus perlábitur undas  
Ac véluti magno in pópulo quum sæpe coorta est  
Seditio, sævitque ánimis ignóbile vulgus,  
Jamque faces et saxa volant, furor arma ministrat;  
Tum, pietate gravem ac méritis si forte virum quem  
Conspexere, silent, arrectisque áuribus adstant;  
Ille regit dictis ánimos, et péctora mulcet:  
Sic cunctus pélagi cécidit fragor, æquora postquam  
Prospiciens génitor, cœloque invectus aperto, 155  
Flectit equos curruque volans dat lora secundo.

Defessi Ænéadæ, quæ próxima líttora, cursu  
Contendunt pétère, et Libyæ vertuntur ad oras.  
Est in secessu longo locus: ínsula portum  
Éfficit objectu láterum, quibus omnis ab alto 160  
Frángitur inque sinus scindit sese unda reductos.  
Hinc atque hinc vastæ rupes geminique minantur  
In cœlum scópuli, quorum sub vértice late  
Æquora tuta silent; tum silvis scena coruseis  
Désuper horrentique atrum nemus ímminet umbra.  
Fronte sub adversa scópulis pendéntibus antrum;  
Intus aquæ dulces vivoque sedilia saxo,  
Nympharum domus. Hic fessas non víncula naves  
Ulla tenent, unco non ílligat áncora morsu.  
Huc septem Ænéas collectis návibus omni 170  
Ex número subit, ac magno telluris amore  
Egressi optata potiuntur Troes arena,

*Et sale tabentes artus in lītore ponunt.*

*Ac primum sílici scintillam excudit Achates,*  
*Suscepitque ignem foliis atque árida circum* 175

*Nutrimenta dedit, rapuitque in fómite flammam*  
*Tum Cérerem corruptam undis Cerealiaque arma*  
*Expediunt fessi rerum, frugesque receptas*  
*Et torrere parant flammis et frángere saxo.*

*Ænéas scópulum interea conscendit, et omnem* 180  
*Prospectum late pélago petit, Ánthea si quem*  
*Jactatum vento videat Phrygiasque biremes.*

*Aut Capyn, aut celsis in púppibus arma Caici.*  
*Navem in conspectu nullam; tres lītore cervos*  
*Próspicit errantes; hos tota armenta sequuntur* 185  
*A tergo, et longum per valles páscitur agmen.*

*Cónstitit hic arcúmque manu celeresque sagittas*  
*Corripuit, fidus quæ tela gerebat Achates,*  
*Ductoresque ipsos primum cápita alta ferentes*  
*Cór nibus arboreis, sternit; tum vulgus et omnem*  
*Miscet agens telis námora inter frondea turbam;*  
*Nec prius absistit quam septem ingentia victor*  
*Córpora fundat humi et númerum cum návibus æquet.*

*Hinc portum petit, et socios partitur in omnes.*  
*Vina bonus quæ deinde cadis onerarat Acestes*  
*Lītore Trinacrio, dederatque abeúntibus heros,*  
*Dívidit, et dictis mœrentia péctora mulcet:*

*O socii (neque enim ignari sumus ante malorum),*  
*O passi graviora, dabit deus his quoque finem.*

*Vos et Scyllæam rabiem penitusque sonantes* 200  
*Accestis scópulos; vos et Cyclopea saxa*  
*Experti: revocate ánimos, mœstumque timorem*

Mittite; forsan et hæc olim meminisse juvabit.  
Per varios casus, per tot discrimina rerum,  
Téndimus in Latiam, sedes ubi fata quietas  
Ostendunt; illic fas regna resúrgere Trojæ.  
Durate, et vosmet rebus servate secundis.»

---

## DESTINOS DE ROMA

(VI, 679 - 901)

At pater Anchises pénitus convalle virenti  
Inclusas ánimas, superumque ad lumen ituras.  
Lustrabat studio récolens, omnemque suorum  
Forte recensebat númerum, carosque nepotes,  
Fátaque, fortunasque virum, moresque manusque  
Isque ubi tendentem adversum per grámina vidit  
Enéan, álacris palmas utrasque tetendit,  
Effusæque genis lácrimæ, et vox éxcidit ore:  
« Venisti tandem, túaque exspectata parenti  
Vicit iter durum píetas! datur ora tueri,  
Nate, tua, et notas audire et réddere voces!  
Sic équidem ducebam ánimo rebarque futurum,  
Témpora dinúmerans; nec me mea cura fefellit.  
Quas ego te terras et quanta per áequora vectum  
Accipio! quantis jactatum, nate, periclis!  
Quam metui ne quid Libyæ tibi regna nocerent! »  
Ille autem: «Tua me, génitor, tua tristis imago,  
Sæpius occurrens, hæc límina téndere adégit.



Stant sale Tyrrheno classes. Da júngere dextram,  
Da, génitor, teque amplexu non súbtrahe nostro.»  
Sic mémorans, largo fletu simul ora rigabat.  
Ter conatus ibi collo dare brachia circum;  
Ter frustra comprehensa manus effugit imago,  
Par lévibus ventis volucrique simíllima somno.

Interea videt Ænéas in valle reducta  
Seclusum nemus et virgulta sonanta silvis,  
Lethæumque, domos plácidas qui práenatat, amnem  
Hunc circum innúmeræ gentes populique volabant;  
Ac véluti in pratis ubi apes æstate serena  
Flóribus insidunt variis et cándida circum  
Lilia funduntur; strepit omnis múrmure campus  
Horrescit visu súbito, causasque requirit  
Inscius Ænéas, quæ sint ea flúmina porro,  
Quive viri tanto complerint ágmine ripas.  
Tum pater Anchises: «Ánimæ, quibus áltera fato  
Córpora debentur. Lethæi ad flúminis undam  
Securos látices et longa oblivia potant.

Has équidem memorare tibi atque osténdere coram,  
Jampridem hanc prolem cupio enumerare tuorum,  
Quo magis Italia mecum lætere reperta  
—«O pater, anneáliquas ad cœlum hinc ire putandum  
Sublimes ánimas, iterumque ad tarda reverti [est  
Córpora? Quæ lucis míseris tam dira cupido? »  
—« Dicam équidem, nec te suspensum, nate, tenebo,»  
Súscipit Anchises; atque órdine síngula pandit.

« Principio cœlum ac terras, camposque liquentes,  
Lucentemque globum lunæ, Titaníaque astra,  
Spíritus intus alit, totamque infusa per artus

Mens ágitat molem, et magno se córpore miscet.  
Inde hóminum pecudumque genus, vitæque volantum,  
Et quæ marmoreo fert monstra sub áequore pontus.  
Igneus est ollis vigor et cœlestis origo  
Semínibus, quantum non noxia córpora tardant  
Terrenique hébetant artus moribúndaque membra :  
Hinc metuunt cupiuntque, dolent gaudentque, neque  
[auras

Dispiciunt, clausæ ténebris et cárcere cæco.  
Quin et supremo quum lúmine vita reliquit,  
Non tamen omne malum míseris nec fúnditus omnes  
Corporeæ excedunt pestes; penitusque necesse est  
Multa diu concreta modis inoléscere miris.  
Ergo exercentur pœnis, veterumque malorum  
Supplicia expendunt: aliæ panduntur inanes  
Suspensæ ad ventos; aliis sub gúrgite vasto  
Infectum elúitur scelus, aut exúritur igni :  
Quisque suos pátimur manes. Exinde per amplum  
Míttimur Elysium, et pauci læta arva tenemus;  
Donce longa dies, perfecto témporis orbe,  
Concretam exemit labem, purumque relinquit  
Ætherium sensum atque aurái simplicis ignem.  
Has omnes, ubi mille rotam volvere per annos,  
Lethæum ad fluvium deus évocat ágmíne magno,  
Scílicet immémores súpera ut convexa revisant,  
Rursus et incipiant in córpora velle reverti,»

Díxerat Anchises, natumque unaque Sibyllam  
Conventus trahit in medios turbamque sonantem,  
Et túmulum capit, unde omnes longo órdine posset  
Adversos légere, et venientum díscere vultus.

« Nunc age, Dardaniam prolemquæ deinde sequatur  
Gloria, qui maneant Ítala de gente nepotes,  
Illustres ánimas nostrumque in nomen ituras,  
Expeditam dictis, et te tua fata docebo.

« Ille, vides, pura júvenis qui nítitur hasta  
Próxima sorte tenet lucis loca, primus ad auras  
Ætherias, Ítalo commixtus sángine, surget,  
Silvius, Albanum nomen, tua póstuma proles,  
Quem tibi longævo serum Lavinia conjux  
Educat silvis regem regumque parentem,  
Unde genus Longa nostrum dominábitur Alba.

« Próximus ille Procas, Trojanæ gloria gentis;  
Et Capys, et Númitor, et, qui te nómine reddet,  
Silvius Ænéas, páriter pietate vel armis  
Egregius, si unquam regnandam accéperit Albam.  
Qui júvenes! quantas ostentant, ádspice, vires!  
Atque umbrata gerunt civili témpora quercu.  
Hi tibi Nomentum et Gabios urbemque Fidenam,  
Hi Collatinas imponent móntibus arces,  
Pometios, Castrumque Inui, Bolamque, Coramque  
Hæc tum nómina erunt, nunc sunt sine nómine terræ.

« Quin et avo cómitem sese Mavortius addet  
Rómulus, Assáraci quem ságuinis Ilia mater  
Educat. Viden' ut géminæ stant vértice cristæ,  
Et pater ipse suo súperum jam signat honore?  
En hujus, nate, auspiciis illa ínclýta Roma  
Imperium terris, ánimos æquabit Olympo,  
Septemque una sibi muro circúmdabit arces,  
Felix prole virum: qualis Berecýntia mater  
Invéhitur curru Phrygias turrita per urbes,

Læta deum partu, centum complexa nepotes,  
Omnes cœlicolas, omnes súpera alta tenentes.

«Huc géminas nunc flecte acies; hanc ádspice gentem,  
Romanosque tuos. Hic Cæsar et omnis Iuli  
Progenies, magnum cœli ventura sub axem.  
Hic vir, hic est, tibi quem promitti sæpius audis,  
Augustus Cæsar, divi genus, aurea condet  
Sécula qui rursus Latio regnata per arva  
Saturno quondam; super et Garamantas et Indos  
Próferet imperium; jacet extra sídera tellus,  
Extra anni solisque vias, ubi cóelifer Atlas  
Axem húmero torquet stellis ardéntibus aptum,  
Hujus in adventum jam nunc et Caspia regna  
Responsis horrent divum, et Mæotia tellus,  
Et septemgémini turbant trépida ostia Nili.  
Nec vero Alcides tantum telluris obivit,  
Fíxerit æripedem cervam licet, aut Erymanthi  
Pacarit némora, et Lernam tremefécit arcu;  
Nec, qui pampineis victor juga flectit habenis,  
Liber, agens celso Nysæ de vértice tigres.  
Et dubitamus adhuc virtutem exténdere factis?  
Aut metus Ausonia próhibet consistere terra?

« Quis procul ille autem ramis insignis olivæ,  
Sacra ferens? Nosco crines incánaque menta  
Regis Romani, primam qui légibus urbem  
Fundabit, Cúribus parvis et páupere terra  
Missus in imperium magnum. Cui deinde subibit,  
Otia qui rumpet patriæ, residesque movebit  
Tullus in arma viros, et jam desueta triúmphis  
Ágmina. Quem juxta séquitur jaclantior Ancus,



Nunc quoque jam nimium gaudens populáribus auris.  
Vis et Tarquinius reges, animamque superbam  
Ultoris Bruti, fascesque videre receptos?  
Cónsulis imperium hic primus sævasque secures  
Accipiet; natosque pater, nova bella moventes,  
Ad pœnam pulchra pro libertate vocabit.  
Infelix! Utcumque ferent ea facta minores,  
Vincet amor patriæ, laudumque immensa cupido.

« Quin Decios Drususque procul, sævumque securi  
Ádspice Torquatum et referentem signa Camillum.  
Illæ autem, páribus quas fúlger cernis in armis,  
Concordes ánimæ nunc et dum nocte premuntur,  
Heu! quantum inter se bellum, si lúmina vitæ  
Attígerint, quantas acies stragemque ciebunt!  
Aggéribus socer Alpinis atque arce Monœci  
Descendens, gener adversis instructus Eóis.  
Ne, púeri, ne tanta ánimis assuésce bella  
Neu patriæ válidas in víscera vértite vires!  
Tuque prior, tu parce, genus qui ducis olympo;  
Próijce tela manu, sanguis meus!  
Ille triumphata Capitolia ad alta Corinθο  
Victor aget currum, cæsis insignis Aëhivis.  
Eruet ille Argos Agamemnoniasque Mycenas,  
Ipsumque Æácidem, genus armipotentis Achilli,  
Ultus avos Trojæ templa et temerata Minervæ.  
Quis te, magne Cato, tácitum, aut te, Cosse, relinquat?  
Quis Gracchi genus? aut géminos, duo fúlmina belli,  
Scipiadas, cladem Libyæ, parvoque potentem  
Fabricium? vel te sulco, Serrane, sérentem?  
Quo fessum rápitís, Fabii? Tu Máximus ille es,  
Unus qui nobis cunctando restituis rem.

« Excudent alii spirantia mollius æra,  
Credo équidem; vivos ducent de mármore vultus;  
Orabunt causas melius, cælique meatus  
Describent radio et surgentia sídera dicent:  
Tu régere imperio pópulos, Romane, memento;  
Hæ tibi erunt artes, pacisque impónere morem,  
Párcere subjectis, et debellare superbos.»

Sic pater Anchises; atque hæc mirántibus addit:  
« Ádspice ut insignis spoliis Marcellus opimis  
Ingréditur, victorque viros superéminet omnes!  
Hic rem Romanam, magno turbante tumultu,  
Sistet, eques sternet Pænos Gallumque rebellem,  
Tertíaque arma patri suspendet capta Quirino».  
Atque hic Ænéas (una namque ire videbat  
Egregium forma júvenem et fulgéntibus armis;  
Sed frons læta parum, et dejecto lúmina vultu):  
« Quis, pater, ille, virum qui sic comitatur euntem?  
Filius, ane áliquis magna de stirpe nepotum?  
Qui strépitus circa cómitum! quantum instar in ipso!  
Sed nox atra caput tristi circúmvolat umbra.»  
Tum pater Anchises, lácrimis ingressuas obortis:  
« O nate, ingentem luctum ne quære tuorum;  
Ostendent terris hunc tantum fata, neque ultra  
Esse sinent. Nimium vobis Romana propago  
Visa potens, súperi, propria hæc si dona fuissent.  
Quantos ille virum magnam Mavortis ad urbem  
Campus aget gémitus! vel quæ, Tiberine, videbis  
Fúnera quum túmulum præterlabere recentem!  
Nec puer Iliaca quisquam de gente Latinos  
In tantum spe tollet avos; nec Rómula quondam

Ullo se tantum tellus jactabit alumno.  
Heu píetas! heu prisca fides invíctaque bello  
Délixtera! Non illi se quisquam impune tulisset  
Obvius armato, seu quum pedes iret in hostem,  
Seu spumantis equi fóderet calcáribus armos.  
Heu, miserande puer! si qua fata áspéra rumpas,  
Tu Marcellus eris. Mánibus date lilia plenis,  
Purpureos spargam flores, animamque nepotis,  
His saltem accúmulem donis. et fungar inani  
Múnere.» Sic tota passim regione vagantur  
Áeris in campis latis, atque omnia lustrant.  
Quæ postquam Anchises natum per síngula duxit,  
Incenditque ánimum famæ venientis amore,  
Exin bella viro mémorat quæ deinde gerenda,  
Laurentesque docet pópulos urbemque Latini,  
Et quo quemque modo fugiatque feratque laborem.

Sunt géminæ Somni portæ, quarum áltera fertur  
Cornea, qua veris fácilis datur éxitus umbris;  
Áltera candenti perfecta nitens elephanto,  
Sed falsa ad cœlum mittunt insomnia manes.  
His ibi tum natum Anchises unaque Sibyllam  
Prósequitur dictis, portaque emittit eburna.  
Ille viam secat ad naves sociosque revisit.  
Tum se ad Caietæ recto fert líttore portum.  
Áncora de prora jácitur; stant líttore puppes.

---

## P. Ovidii N.

### ELEGÍA I.

Parve (nec *invideo*) sine *me*, liber, *ibis* in urbem:

Hei mihi! quo *dómino* non licet *ire* tuo.

Vade, sed incultus, qualem decet *éxulis* esse.

Infelix *hábitum* *témporis* *hujus* habe.

Nec te *purpureo* velent *vaccinia* succo;

Non est *conveniens* *lác*tibus ille color:

Nec *títulus* *minio*, nec *cedro* *charta* notetur:

*Cándida* nec *nigra* *cornua* *fronte* *geras*.

Felices ornent *hæc* *instrumenta* *libellos*;

*Fortunæ* *mémorem* te decet *esse* *meæ*;

Nec *frágili* *gém*inæ *poliantur* *púmice* *frontes*:

*Hirsutus* *sparsis* ut *videare* *comis*.

Neve *litararum* *pudeat*: qui *víderit* *illas*,

*De* *lác*rymis *factas* *sentiet* *esse* *meis*.

Vade, liber, *verbisque* *meis* *loca* *grata* *saluta*.

*Contingam* *certe* quo licet *illa* *pede*.

*Si* quis, ut *in* *pópulo* *nostri* non *ímmemor* *illic*,

*Si* quis, qui *quid* *agam* *forte* *requirat*, *erit*;

*Vívere* *me* *dices*: *salvum* *tamen* *esse* *negabis*;

*Id* quoque *quod* *vivam*, *munus* *haberé* *dei*.

*Teque* *ita* *tu* *tácitus* *quærenti* *plura* *legendum*,

*Ne*, *quæ* *non* *opus* *est*, *forte* *loquare*, *dabis*.

*Prótinus* *admónitus* *répetet* *mea* *crímina* *lector*,

*Et* *péragar* *pópuli* *públicus* *ore* *reus*.



Neu, cave, defendas, quamvis mordébere dictis.

Causa patrocínio non bona pejor erit.

Invenies áliquem, qui me suspiret ademptum,

Cármina nec siccis pérlegat ista genis:

Et tácitus secum, ne quis malus audiat, optet,

Sit mea, lenito Cáesare, pœna minor.

Nos quoque, quisquis erit, ne sit miser ille, precamur.

Placatos mísero qui volet esse deos.

Quæque volet, rata sint: ablátaque princípis ira

Sédibus in patriis det mihi posse mori.

Ut péragas mandata, liber, culpábere forsan,

Ingeniique minor laude ferere mei.

Júdicis officium est, ut res, ita témpora rerum

Quáerere; quæsito témpore, tutus eris.

Cármina proveniunt ánimo deducta sereno:

Núbila sunt súbitis témpora nostra malis.

Cármina secessum scribentis et otia quærunt:

Me mare, me venti, me fera jactat hyems.

Carmínibus metus omnis abest: ego pérditus ensem

Hæsurum júgulo jam puto jamque meo.

Hæc quoque, quod facio, judex mirábitur æquus:

Scríptaque cum venia qualiacumque leget.

Da mihi Maeóniden, et tot circúmjice casus;

Ingenium tantis éxcidet omne malis.

Dénique securus famæ, liber, ire memento,

Nec tibi sit lecto displicuisse pudor.

Non ita se nobis præbet fortuna secundam,

Ut tibi sit ratio laudis habenda tuæ.

Donec eram sospes, títulos tangebar amore,

Quærendique mihi nóminis ardor erat.

Cármina nunc si non studiumque, quod obfuit, odi,  
Sit satis: ingenio sic fuga parta meo.

I tamen, i pro me tu, cui licet, ádspice Romam.

Di fácerent, posses non meus esse liber!

Nec te, quod venias magnam peregrinus in urbem,  
Ignotum pópulo posse venire puta.

Ut título careas, ipso noscere colore:

Dissimulare velis te licet esse meum.

Clam tamen intrato: ne te mea cármina lædant.

Non sunt, ut quondam plena favoris erant.

Si quis erit, qui te, quia sis meus, esse legendum

Non putet, e gremio rejiciatque suo,

«Ínspecte, dic, título: non sum præceptor amoris:

Quas meruit pœnas, jam dedit illud opus.»

Fórsitan exspectes an in alta palatia missum

Scándere te jubeam Cæsareamque domum.

Ignoscant augusta mihi loca, dique locorum:

Venit in hoc illa fulmen ab arce caput.

Esse quidem mémini mitíssima sédibus illis

Númina, sed timeo qui nocuere deos.

Terretur mínimo pennæ stridore columba,

Únguibus, accípiter, saucia facta tuis:

Nec procul a stábulis audet secédere, si qua

Excussa est ávidi déntibus agna lupi.

Vitaret cœlum Pháeton, si viveret; et quos

Optarat stulte, tángere nollet equos.

Me quoque quæ sensi fateor Jovis arma timere:

Me reor infesto, quum tonat, igne peti.

Quicumque Argólica de classe Capharea fugit,

Semper ab Eubóicis vela retorquet aquis.

Et mea cymba semel vasta percussa procella,  
Illum, quo læsa est, horret adire locum.  
Ergo, care liber, tímida circúmspice mente,  
Et satis a media sit tibi plebe legi.  
Dum petit infirmis nimium sublimia pennis  
Ícarus, Icariis nómina fecit aquis.  
Difficile est tamen hic remis utaris an aura,  
Dícere, consilium resque locusque dabunt.  
Si póteris vacuo tradi, si cuncta videbis  
Mitia, si vires frégerit ira suas;  
Si quis erit qui te dubitantem et adire timentem  
Tradat, et ante tamen pauca loquatur, adi.  
Luce bona dominoque tuo felicior ipse  
Pervenias illuc, et mala nostra leves.  
Namque ea, vel nemo, vel qui mihi vúlnera fecit,  
Solutus Achilléo tóllere more potest.  
Tantum ne noceas, dum vis prodesse, videto;  
Nam spes est ánimi nostra timore minor.  
Quæque quiescebat, ne mota resæviat ira,  
Et pœnæ tu sis áltera causa, cave.  
Quum tamen in nostrum fúeris penetrare receptus,  
Contigerisque tuam scrinia curva domum;  
Adspicies illic pósitos ex órdine fratres,  
Quos studium cunctos evigilavit idem.  
Cáetera turba palam títulos ostendet apertos,  
Et sua detecta nómina fronte geret.  
Tres procul obscura latilantes parte videbis,  
Hi quoque, quod nemo nescit, amare docent.  
Hos tu vel fugias; vel, si satis oris habebis,  
ÓEdipodas fácito Telegonosque voces.

Deque tribus moneo, si qua est tibi cura parentis,  
Ne quemquam, quamvis ipse docebit, ames.  
Sunt quoque mutatæ ter quinque volúmina formæ,  
Nuper ab exsequiis cármina rapta meis:  
His mando dicas, inter mutata referri  
Fortunæ vultum córpora posse meæ.  
Namque ea dissímilis súbito est effecta priori:  
Fléndaque nunc, áliquo témpore læta fuit.  
Plura quidem mandare tibi, si quæris, habebam;  
Sed vereor tardæ causa fuisse moræ.  
Quod si quæ subeunt tecum, liber, omnia ferres;  
Sárcina laturo magna futurus eras.  
Longa via est; própèra: nobis habitábitur orbis  
Últimus, a terra terra remota mea.

---

ELEGIA III.

Quum subit illius tristíssima noctis imago,  
Quæ mihi supremum tempus in urbe fuit;  
Quum répeto noctem, qua tot mihi cara reliqui;  
Lábitur ex óculis nunc quoque gutta meis.  
Jam prope lux áderat, qua me discédere Cæsar  
Fínibus extremæ jússerat Ausoniæ.  
Nec mens nec spatium fúerant satis apta parandi:  
Torpúerant longa péctora nostra mora.  
Non mihi servorum, cómitis non cura legendi:  
Non aptæ prófugo vestis opisve fuit



Non áliter stupui, quam qui Jovis ígnibus ictus,  
Vivit et est vitæ nescius ipse suæ.  
Ut tamen hanc ánimo nubem dolor ipse removit,  
Et tandem sensus convaluere mei;  
Ádloquor extremum mæstos abiturus amicos,  
Qui modo de multis unus et alter erant.  
Uxor amans flentem flens acrius ipsa tenebat,  
Imbre per indignas usque cadente genas.  
Nata procul Líbycis áberat diversa sub oris,  
Nec póterat fati certior esse mei.  
Quocumque adspíceres, luctus gemitusque sonabant:  
Fórmaque non tácti fúneris intus erat.  
Fémina, virque, meo pueri quoque fúnere mærent;  
Inque domo lácrymas ángulus omnis habet.  
Si licet exemplis in parvo grándibus uti,  
Hæc facies Trojæ, cum caperetur, erat.  
Jamque quiescebant voces hominumque canumque,  
Lúnaque nocturnos alta regebat equos:  
Hanc ego suspiciens, et ab hac Capitolia cernens,  
Quæ nostro frustra juncta fuere lari;  
«Númina vicinis habitantia sédibus, inquam,  
Jamque óculis nunquam templa videnda meis,  
Dique relinquendi, quos urbs habet alta Quirini;  
Este salutati tempus in omne mihi.  
Et quamquam sero clypeum post vúlnera sumo,  
Attamen hanc odiis exonerate fugam:  
Cœlestique viro, quis me decéperit error  
Dícite: pro culpa ne scelus esse putet.  
Ut, quod vos scitis, pœnæ quoque sentiat auctor:  
Placato possum non miser esse deo.»

Hac prece adoravi súperos ego, plúribus uxor,  
Singultu medios præpediente sonos.  
Illa etiam ante lares passis prostrata capillis  
Cóntigit extinctos ore tremente focos:  
Múltaque in aversos effudit verba penates,  
Pro deplorato non valitura viro.  
Jamque moræ spatium nox præcipitata negabat,  
Vérsaque ab axe suo Párrhasis Arctos erat.  
Quid fácerem? blando patriæ retinebar amore:  
Última sed jussæ nox erat illa fugæ.  
Ah! quoties áliquo dixi properante, «Quid urges?  
Vel quo festines ire, vel unde, vide.»  
Ah! quoties certam me sum mentitus habere  
Horam: propósitæ quæ foret apta viae.  
Ter limen tétigi; ter sum revocatus, et ipse  
Indulgens ánimo pes mihi tardus erat.  
Sæpe vale dicto, rursus sum multa locutus,  
Et quasi discedens óscula summa dedi.  
Sæpe éadem mandata dedi: meque ipse fefelli  
Respiciens óculis pínora cara meis.  
Dénique «Quid própero? Scythia est, quo míttimur,  
[inquam:  
Roma relinquenda est: útraque justa mora est.  
Uxor in æternum vivo mihi viva negatur:  
Et domus, et fidæ dulcia membra domus.  
Quosque ego dilexi fraterno more sodales,  
Ó mihi Theséa péctora juncta fide!  
Dum licet, amplectar: nunquam fortasse licebit  
Amplius; in lucro quæ datur hora mihi.»  
Nec mora; sermonis verba imperfecta relinquo,  
Amplectens ánimo próxima quæque meo.

Dum loquor, et flemus; cœlo nitidissimus alto  
Stella gravis nobis, lúcifer ortus erat.  
Dívidor haud áliter, quam si mea membra relinquam:  
Et pars abrumpi córpore visa suo est.  
Sic Melius doluit, tunc quum in contraria versos  
Ultiores habuit proditionis equos.  
Tum vero exóritur clamor gemitusque meorum,  
Et feriunt mœstæ péctora nuda manus.  
Tum vero conjux húmeris abeuntis inhærens  
Miscuit hæc lácrymis tristia dicta suis:  
«Non potes avelli; simul ah! simul íbimus inquit,  
Te sequar, et conjux éxsulis exsul ero.  
Et mihi facta via est: et me capit última tellus:  
Accedam prófugæ sárcina parva rati.  
Te jubet e patria discédere Cæsaris ira:  
Me píetas; píetas hæc mihi Cæsar erit.»  
Talia tentabat: sic et tentáverat ante:  
Vixque dedit victas utilitate manus.  
Egredior, sive illud erat sine fúnere ferri,  
Squállidus immissis hirta per ora comis.  
Illa dolore mei, ténebris narratur obortis  
Semiánimis media procubuisse domo.  
Utque resurrexit, fœdatis púlvere turpi  
Crínibus, et gélida membra levavit humo;  
Se modo, desertos modo complorasse penates,  
Nomen et erepti sæpe vocasse viri:  
Nec gemuisse minus, quam si natæve meumve  
Vidisset structos corpus habere rogos:  
Et voluisse mori; moriendo pónere sensus;  
Respectuque tamen non posuisse mei.  
Vivat, et absentem, quoniam sic fata tulerunt,  
Vivat, et auxilio súblevet usque suo!

## METAMORPHOSES

### CREACIÓN Y DILUVIO

In nova fert ánimus mutatas dícere formas  
Córpora. Di, cœptis (nam vos mutastis), et illac  
Adspirate meis, primaque ab orígine mundi  
Ad mea perpetuum dedúcite témpora carmen

I. Ante mare et teras et quod tegit omnia cœlum,  
Unus erat toto naturæ vultus in orbe,  
Quem dixere chaos, rudis indigéstaque moles;  
Nec quidquam, nisi pondus iners; congéstaque eodem  
Non bene junctarum discordia sémina rerum.  
Nullus adhuc mundo præbebat lúmina Titan;  
Nec nova crescendo reparabat cornua Phœbe;  
Nec circumfuso pendebat in áere tellus  
Pondéribus librata suis: nec brachia longo  
Márgine terrarum porréxerat Amphitrite;  
Quaque fuit tellus, illic et pontus et aer,  
Sic erat instábilis tellus, innábilis unda,  
Lucis egens aer; nulli sua forma manebat,  
Obstabatque aliis aliud: quia corpore in uno  
Frígida pugnabant cálidis, humentia siccis,  
Mollia cum duris, sine póndere habentia pondus.

Hanc deus et melior litem natura diremit:  
Nam cœlo terras et terris ábscidit undas, 22  
Et líquidum spisso secrevit ab áere cœlum.  
Quæ postquam evolvit, cæcoque exemit acervo,  
Dissociata locis concordí pace ligavit,  
Ignea convexi vis et sine póndere cœli



Emicuit, summaque locum sibi legit in arce:  
Próximus est aer illi levitate, locoque:  
Densior his tellus, eleméntaque grandia traxit;  
Et pressa est gravitate sui: circumfluus humor  
Última possedit, solidumque coercuit orbem.

Sic ubi dispósitam, quisquis fuit ille deorum  
Congeriem secuit, sectamque in membra redegit;  
Principio terram, ne non æqualis ab omni  
Parte foret, magni speciem glomeravit in orbis.  
Tum freta diffundi, rabidisque tuméscere ventis  
Jussit, et ámbitæ circúmdare lítora terræ.  
Áddidit et fontes, imménsaque stagna, lacusque;  
Flumínaque obliquis cinxit declivia ripis,  
Quæ diversa locis partim sorbentur ab ipsa,  
In mare perveniunt partim, campoque recepta  
Liberioris aquæ, pro ripis lítora pulsant.  
Jussit et extendi campos, subsídere valles,  
Fronde tegi silvas, lapidosos súrgere montes.  
Utque duæ dextra cœlum, totidemque sinistra  
Parte secant zonæ, quinta est ardentior illis;  
Sic onus inclusum número distinxit eodem  
Cura dei; totidemque plagæ tellure premuntur:  
Quarum quæ media est, non est habitábilis æstu;  
Nix tegit alta duas; tótidem inter utramque locavit,  
Temperiemque dedit, mixta cum frígore flamma.  
Ímminet his aer, qui, quanto est póndere terræ  
Pondus aquæ levius, tanto est onerosior igni.  
Illic et nébulas, illic consístere nubes  
Jussit, et humanas motura tonitrua mentes;  
Et cum fulmínibus facientes frígora ventos.

His quoque non passim mundi fabricator habendum  
Áera permisit: vix nunc obsistitur illis,  
Quum sua quisque regant diverso flámina tractu,  
Quin lanient mundum; tanta est discordia fratrum.  
Eurus ad auroram, Nabatáeaque regna recessit,  
Persídaque, et radiis juga súbdita matutinis:  
Vesper, et occiduo quæ lítora sole tepescunt,  
Próxima sunt zéphyro: Scythiam septemquetrionem  
Hórrifer invasit boreas: contraria tellus  
Núbibus adsiduis, pluvioque madescit ab austro.  
Hæc super imposuit liquidum, et gravitate carentem,  
Áethera, nec quidquam terrenæ fæcis habentem. 68  
Vix ea límítibus dissépserat omnia certis,  
Quum, quæ pressa diu massa latuere sub illa,  
Sídera cœperunt toto effervéscere cœlo.  
Neu regio foret ulla suis animántibus orba,  
Astra tenent cœleste solum, formæque deorum:  
Cesserunt nítidis habitandæ píceibus undæ:  
Terra feras cepit: vólucres agitábilis aer.  
Sanctius his ánimál, mentisque capacius altæ  
Déerat adhuc, et quod dominari in cétera posset.  
Natus homo est; sive hunc divino sémíne fecit  
Ille ópifex rerum, mundi melioris origo:  
Sive recens tellus, sedúctaque nuper ab alto  
Áethere, cognati retinebat sémína cœli.  
Quam satus Iápeto, mixtam fluviálibus undis,  
Finxit in effigiem moderantum cuncta deorum;  
Prónaque quum spectent animalia cétera terram,  
Os hómíni sublime dedit, cælumque tueri  
Jussit, et erectos ad sídera tóllere vultus.

Sic, modo quæ fúerat rudis et sine imágine tellus,  
Induit ignotas hóminum conversa figuras.

II. AUREA prima sata est ætas, quæ, víndice nullo,  
Sponte sua, sine lege, fidem rectumque colebat.

Pœna metusque áberant; nec verba minacia fixo

Ære legebantur; nec supplex turba timebat

Júdicis ora sui: sed erant sine júdice tuti.

Nondum cæsa suis, peregrinum ut víseret orbem,

Móntibus, in líquidas pinus descénderat undas;

Núllaque mortales, præter sua, lítora norant.

Nondum præcípites cingebant óppida fossæ;

Non tuba directi, non æris cornua flexi,

Non galeæ, non ensis, erant: sine militis usu

Mollia securæ peragebant otia gentes.

Ipsa quoque immunis, rastroke intacta, nec ullis

Saucia voméribus per se dabat omnia tellus;

Contentique cibis, nullo cogente, creatis,

Arbuteos fœtus, montánaque fraga legebant,

Córnaque, et in duris hærentia mora rubetis,

Et quæ decíderant pátula Jovis árbole glandes.

Ver erat æternum, placidique tepéntibus auris

Mulcebant zéphyri natos sine sémine flores.

Mox etiam fruges tellus inarata ferebat;

Nec renovatus ager grávidis canebat aristis.

Flúmina jam lactis, jam flúmina néctaris ibant;

Flávaque de víridi stillabant ílice mella.

112

Postquam, Saturno tenébroso in tártara misso,

Sub Jove mundus erat, subiit argentea proles,

Auro deterior, fulvo pretiosior ære.

Júpiter antiquí contraxit témpora veris;

Perque hiemes, æstusque, et inæquales autumnos,  
Et breve ver, spatiis exegit quatuor annum.

Tum primum siccis aer fervóribus ustus  
Canduit; et ventis glacies adstricta pependit.

Tum primum subiere domos: domus antra fuerunt,  
Et densi frútices, et vinctæ córtice virgæ.

Sémina tum primum longis cerealia sulcis  
Óbruta sunt, pressique jugo gemuere juvenci.

Tertia post illas successit ahenea proles,  
Sævior ingeniis, et ad hórrida promptior arma;  
Nec scelerata tamen: de duro est última ferro.

Prótinus irrupit venæ pejoris in ævum  
Omne nefas: fugere pudor, verumque, fidesque;  
In quorum subiere locum fraudesque, dolique,  
Insidiæque, et vis, et amor sceleratus habendi.  
Vela dabant ventis, nec adhuc bene nóverat illos  
Návita; quæque diu stéterant in móntibus altis,  
Flúctibus ignotis insultavere carinæ,  
Communemque prius, ceu lúmina solis et auras,  
Cautus humum longo signavit límite mensor.  
Nec tantum ségetes aliméntaque débita dives  
Poscebatur humus; sed itum est in víscera terræ;  
Quasque recondíderat, Stygiisque admóverat umbris,  
Effodiuntur opes, irritamenta malorum.

Jamque nocens ferrum, ferroque nocentius aurum  
Prodierant: prodit bellum, quod pugnat utroque,  
Sanguineaque manu crepitantia cóncutit arma.  
Vívitur ex raptó: non hospes ab hóspite tutus,  
Non socer a género: fratrum quoque gratia rara est:  
Ímminet exitio vir cónjugis, illa mariti;



Lúrida terribiles miscent aconita novercæ:  
Filius ante diem patrios inquit in annos:  
Victa jacet pietas; et virgo cæde madentes,  
Última cœlestum, terras Astræa reliquit.

III. Neve foret terris securior arduus æther,  
Adfectasse ferunt regnum cœleste gigantas;  
Áltaque congestos struxisse ad sídera montes.  
Tum pater omnípotens misso perfregit Olympum  
Fúlmine, et excussit subjecto Pelion Ossæ.  
Óbruta mole sua quum córpora dira jacerent  
Perfusam multo natorum ságuine terram  
Incaluisse ferunt, calidumque animasse cruorem; 158  
Et, ne nulla suæ stirpis monumenta manerent,  
In faciem vertisse hóminum: sed et illa propago.  
Contemptrix súperum, sævæque avidíssima cædis,  
Et violenta fuit: scires e ságuine natos.

IV. Quæ pater ut summa vidit Saturnius arce,  
Íngemît; et, facto nondum vulgata recenti,  
Fœda Lycaoniæ référens convivias mensæ,  
Íngentes ánimo et dignas Jove cóncipit iras;  
Conciliumque vocat: tenuit mora nulla vocatos,

Est via sublimis, cœlo manifesta sereno,  
Lactea nomen habet; candore notábilis ipso.  
Hac iter est súperis ad magni tecta Tonantis,  
Regalemque domum: dextra lævaque deorum  
Atria nobilium valvis celebrantur apertis.  
Plebs hábitat diversa locis; a fronte potentes  
Cœlícolæ, clarique suos posuere penates.  
Hic locus est, quem, si verbis audacia detur,  
Haud timeam magni dixisse Palatia cœli.

Ergo ubi marmoreo súperi sedere recessu,  
Celsior ipse loco, sceptroque innixus eburno,  
Terríficam cápitis concussit terque quaterque  
Cæsariem, cum qua terram, mare, sídera, movit.  
Tálibus inde modis ora indignantia solvit:  
«Non ego pro mundi regno magis anxius illa  
Tempestate fui, qua centum quisque parabant  
Injicere anguipedum captivo brachia cœlo.  
Nam, quamquam ferus hostis erat, tamen illud ab uno  
Córpoze, et ex una pendeat orígine bellum.  
Nunc mihi, qua totum Nereus circúmtonat orbem,  
Perdendum mortale genus: per flúmina juro  
Ínfera, sub terras Stygio labentia luo,  
Cuncta prius tentata: sed immedicábile vulnus  
Ense recidendum, ne pars sincera trahatur.  
Sunt mihi semidei; sunt rústica numina, nymphæ,  
Faunique, satyrique, et montícolæ silvani:  
Quos quoniam cœli nondum dignamur honore,  
Quas dédimus, certe terras habitare sinamus.  
An satis, o súperi, tutos fore créditis illos,  
Quum mihi, qui fulmen, qui vos habeoque regoque,  
Strúxerit insidias, notus feritate Lycaon?»  
Confremuere omnes, studiisque ardéntibus ausum  
Talia deprecant: sic, quum manus impia sævit  
Ságuine Cæsareo Romanum exstinguere nomen,  
Attónitum tantæ súbito terroze ruínæ  
Humanum genus est; totusque perhorruit orbis.  
Nec tibi grata minus píetas, Auguste, tuorum,  
Quam fuit illa Jovi. Qui postquam voce manumque  
Múrmura compressit, tenuere silentia cuncti.

Súbstilit ut clamor, pressus gravitate regentis,  
Júpiter hoc íterum sermone silentia rupit:  
«Ille quidem pœnas, curam hanc dimíttite, solvit;  
Quod tamen admissum, quæ sit vindicta, docebo.  
Contígerat nostras infamia témporis aures:  
Quam cupiens falsam, summo delabor Olympo,  
Et deus humana lustro sub imágine terras.  
Longa mora est; quantum noxæ sit ubique repertum,  
Enumerare: minor fuit ipsa infamia vero.  
Máenala transíeram, látebris horrenda ferarum,  
Et cum Cyllene gélidī pineta Lycæi.  
Árcados hinc sedes et inhóspita tecta tyranni  
Ingredior, tráherent quum sera crepúscula noctem.  
Signa dedi venisse deum; vulgusque precari  
Cóeperat: irridet primo pia vota Lycaon.  
Mox, ait, experiar, deus hic, discrímine aperto,  
An sit mortalis; nec erit dubitábile verum.  
Nocte gravem somno nec opina pérdere morte  
Me parat: hæc illi placet experientia veri.  
Nec contentus eo, missi de gente Molossa  
Óbsidis uníus júgulum mucroni resolvit:  
Atque ita semíneces partim fervéntibus artus  
Mollit aquis, partim subjecto torruit igni.  
Quos simul imposuit mensis: ego víndice flamma  
In dóminum dignósque everti tecta penates.  
Térritus ille fugit; nactusque silentia ruris  
Exúlulat, frustra loqui conatur: ab ipso  
Cólligit os rabiem, solitæque enpídine cædis  
Vértitur in pécudes: et nunc quoque sángine gaudet.

In villos abeunt vestes, in crura lacerti:  
Fit lupo, et veteris servat vestigia formæ  
Canities eadem est, eadem violentia vultu;  
Idem oculi lucent, eadem feritalis imago.  
Occidit una domus: sed non domus una perire  
Digna fuit; qua terra patet, fera regnat Erinys;  
In facinus jurasse putes: dent ocius omnes,  
Quas meruere pati (sic stat sententia) poenas.»

Dicta Jovis pars voce probant, stimulosque furenti  
Adjiciunt; alii partes adsensibus implent.  
Est tamen humani generis jactura dolori  
Omnibus: et, quæ sit terræ, mortalibus orbæ,  
Forma futura, rogant? quis sit laturus in aras 248  
Tura? ferisne paret populandas tradere terras?  
Talia quærentes (sibi enim fore cetera curæ)  
Rex superum trepidare vetat, sobolemque priori  
Dissimilem populo promittit origine mira.

V. Jamque erat in totas sparsurus fulmina terras;  
Sed timuit, ne forte sacer tot ab ignibus æther  
Conciperet flammæ, longusque ardesceret axis.  
Esse quoque in fati reminiscitur, adfore tempus,  
Quo mare, quo tellus, correptaque regia cæli  
Ardeat, et mundi moles operosa laboret.  
Tela reponuntur, manibus fabricata cyclopum:  
Pœna placet diversa, genus mortale sub undis  
Perdere, et ex omni nimbo demittere cælo.  
Protinus Æoliis aquilonem claudit in antris,  
Et quæcumque fugant inductas flamina nubes;  
Emittitque notum: madidis notus evolat alis,  
Terribilem picea tectus caligine vultum:



Barba gravis nimbis; canis fluit unda capillis;  
Fronte sedent nébulæ; rorant pennæque, sinusque:  
Utque manu lata pendentia núbila pressit,  
Fit fragor; hinc densi funduntur ab áethere nimbi.  
Nuntia Junonis varios induta colores,  
Cóncepit Iris aquas, aliméntaque núbibus adfert.  
Sternuntur ségetes, et deplorata coloni  
Vota jacent, longique labor perit írritus anni.  
Néc cælo contenta suo Jovis ira; sed illum  
Cæruleus frater juvat auxiliáribus undis.  
Cónvocat hic amnes; qui postquam tecta tyranni  
Intravere sui, «Non est hortámine longo  
Nunc, ait, utendum; vires effúndite vestras.  
Sic opus est; aperite domos, ac, mole remota,  
Fluminibus vestris totas immíttite habenas.»  
Jússerat: hi redeunt, ac fóntibus ora relaxant,  
Et defrenato volvuntur in áequora cursu.  
Ipse tridente suo terram percussit: at illa  
Intremuit, motuque sinus patefecit aquarum.  
Exspatiata ruunt per apertos flúmina campos;  
Cumque satis arbusta simul, pecudesque, virosque,  
Téctaque, cumque suis rapiunt penetralia sacris.  
Si qua domus mansit, potuitque resistere tanto  
Indejecta malo, culmen tamen altior hujus  
Unda tegit, pressæque labant sub gúrgite turres.  
Jamque mare et tellus nullum discrimen habebant.  
Omnia pontus erant; déerant quoque lítora ponto.  
Occupat hic collem: cymba sedet alter adunca,  
Et ducit remos illic, ubi nuper ararat. 294  
Ille supra ségetes, aut mersæ cúlmina villæ,  
Návigat; hic summa piscem deprendit in ulmo.

Fígitur in víridi, si fors tulit, áncora prato;  
Aut subjecta terunt curvæ vineta carinæ.  
Et, modo qua gráciles gramen carpsere capellæ,  
Nunc ibi deformes pónunt sua córpora phocæ.  
Mirantur, sub aqua lucos, urbesque, domosque  
Neréides; silvasque tenent delphines, et altis  
Incursant ramis, agitátaque róborā pulsant.  
Nat lupus inter oves: fulvos vehit unda leones;  
Unda vehit tigres: nec vires fúlminis apro,  
Crura nec ablato prosunt velocia cervo;  
Quæsitisque diu terris, ubi sídere detur,  
In mare lassatis vólucris vaga décidit alis.  
Obrúerat tímulos immensa licentia ponti,  
Pulsabantque novi montana cacúmina fluctus.  
Máxima pars unda rápitur: quibus unda pepercit,  
Illos longa domant ínopi jejunia victu.

Séparat Aonios Actæis Phocis ab arvis,  
Terra ferax, dum terra fuit; sed témpore in illo  
Pars maris, et latus subitarum campus aquarum.  
Mons ibi vertícibus petit arduus astra duobus;  
Nómine Parnásus, superatque cacúmine nubes.  
Hic ubi Deucalion, nam cétera téxerat æquor,  
Cum consorte tori parva rate vectus adhæsit;  
Corícidas nymphas, et númina montis adorant.  
Fatidicamque Themín, quæ nunc oracula tenebat.  
Non illo melior quisquam, nec amantior æqui  
Vir fuit, aut illa metuentior ulla deorum.  
Júpiter, ut líquidis stagnare palúdibus orbem,  
Et superesse videt de tot modo míllibus unum,  
Et superesse videt de tot modo míllibus unam,

Innocuos ambos, cultores núminis ambos;  
Núbila disjecit, nimisque aquilone remotis,  
Et cælo terras ostendit, et æthera terris.  
Nec maris ira manet; positoque tricúspide telo  
Mulcet aquas rector pélagi: supraque profundum  
Exstantem, atque húmeros innato múrice tectum,  
Cæruleum Tritona vocat, conchæque sonaci  
Inspirare jubet; fluctusque et flúmina signo  
Jam revocare dato: cava búccina súmitur illi  
Tórtilis, in latum quæ túrbine crescit ab imo:  
Búccina, quæ medio concepit ut áera ponto,  
Lítora voce replet, sub utroque jacentia phœbo. 553  
Tum quoque, ut ora dei máddida rorantia barba  
Cóntigit, et cécinít jussos inflata receptus,  
Omnibus audita est telluris et áequoris undis;  
Et quibus est undis audita, coercuit omnes.  
Jam mare litus habet; plenos capit alveus amnes;  
Flúmina subsidunt; colles exire videntur;  
Surgit humus; crescunt loca decrescéntibus undis:  
Postque diem longam nudata cacúmina silvæ  
Ostendunt, limumque tenent in fronde relictum.

Rédditus orbis erat: quem postquam vidit inanem,  
Et desolatas ágere alta silentia terras,  
Deucalion, lácrymis ita Pyhrram adfatur obortis:  
« O soror, o conjux, o fémina sola superstes,  
Quam commune mihi genus, et patruelis origo,  
Deinde torus junxit; nunc ipsa perícula jungunt:  
Terrarum, quascumque vident occasus et ortus,  
Nos duo turba sumus: possedit cétera pontus.  
Nunc quoque adhuc vitæ non est fiducia nostræ

Certa satis: terrent etiamnum núbila mentem.  
Quid tibi, si sine me fatis erepta fuisses,  
Nunc ánimi, miseranda, foret? quo sola timorem  
Ferre modo posses? quo consolante doleres?  
Namque ego, crede mihi, si te modo pontus haberet,  
Te séquerer, conjux: et me quoque pontus haberet.  
O útinam possim pópulos reparare paternis  
Ártibus, atque ánimas formatæ infúndere terræ!  
Nunc genus in nobis restat mortale duobus,  
Sic visum súperis, hominumque exempla manemus.»  
Dixerat, et flebant: placuit cæleste precari  
Numen, et auxilium per sacras quáerere sortes.  
Nulla mora est; adeunt páriter Cephísidas undas,  
Ut nondum líquidas, sic jam vada nota secantes.  
Inde, ubi libatos irroraverè liquores  
Véstibus et cápiti, flectunt vestigia sanctæ  
Ad delubra deæ: quorum fastigia turpi  
Squalebant musco; stabantque sine ignibus aræ.  
Ut templi tetigere gradus, procumbit uterque  
Pronus humi, gelidoque pavens dedit óscula saxo.  
Atque ita, «Si précibus, dixerunt, númina justis  
» Victa remollescunt, si fléctitur ira deorum,  
» Dic, Themí, qua géneris damnum reparábile nostri  
» Arte sit? et mersis fer opem, mitíssima, rebus.»  
Mota dea est; sortemque dedit: «Discédite templo;  
» Et velate caput, cinctasque resólvite vestes;  
» Ossaque post tergum magnæ jactate parentis.»  
Obstupuere diu, rumpitque silentia voce 581  
Pyrrha prior, jussisque deæ parere recusat:  
Detque sibi veniam, pávido rogat ore; pavetque



Láedere jactatis maternas óssibus umbras.  
Interea répetunt cæcis obscura latebris  
Verba datæ sortis secum, inter seque volutant.  
Inde Promethides plácidis Epiméthida dictis  
Mulcet; et, «Aut fallax, ait, est solertia nobis,  
Aut pia sunt, nullumque nefas orácula suadent.  
Magna parens terra est: lápidés in córpore terræ  
Ossa reor dici; jácere hos post terga jubemur.»  
Cónjugis augurio quanquam Titania mota est,  
Spes tamen in dubio est; adeo cæléstibus ambo  
Diffidunt mónitis! Sed quid tentare nocebit?  
Discedunt, velantque caput, tunicasque recingunt;  
Et jussos lápidés sua post vestigia mittunt.  
Saxa, (quis hoc credat, nisi sit pro teste vetustas?)  
Pónere duritiem cœpere suumque rigorem,  
Mollirique mora, mollítaque dúcere formam.  
Mox, ubi creverunt, natúraque mitior illis  
Cóntigit, ut quædam, sic non manifesta, videri  
Forma potest hóminis; sed uti de mármore cœpto  
Non exacta satis, rudibusque simíllima signis.  
Quæ tamen ex illis áliquo pars húmida succo,  
Et terrena fuit, versa est in córporis usum:  
Quod sólídum est, flectique nequit, mutatur in ossa:  
Quod modo vena fuit, sub eodem nómine mansit.  
Inque brevi spatio, superiorum númine, saxa  
Missa viri mánibus faciem traxere virilem:  
Et de femineo reparata est fémina jactu.  
Inde genus durum sumus, experiensque laborum;  
Et documenta damus, qua simus orígine nati.

VI. Cétera diversis tellus animalia formis

Sponte sua péperit; postquam vetus humor ab igne  
Percaluit solis, cœnumque udæque paludes  
Intumuere æstu; fecúndaque sémina rerum,  
Vivaci nutrita solo, ceu matris in alvo  
Creverunt, faciemque áliquam cepere morando.  
Sic ubi deseruit mádidos septemfluus agros  
Nilus, et antiquo sua flúmina réddidit alveo,  
Ætherioque recens exarsit sídere limus;  
Plúrima cultores versis animalia glebis  
Inveniunt; et in his quædam modo cœpta, sub ipsum  
Nascendi spatium; quædam imperfecta, suisque  
Trunca vident númeris: et eodem in córpore sæpe 428  
Áltera pars vivit, rudis est pars áltera tellus.  
Quippe, ubi temperiem sumpserè humorque calorque,  
Concipiunt; et ab his oriuntur cuncta duobus:  
Quumque sit ignis aquæ pugnax; vapor húmidus omnes  
Res creat, et discors concordia fœtibus apta est.  
Ergo ubi diluvio tellus lutulenta recenti  
Sólibus ætheriis, altoque recanduit æstu;  
Édedit innúmeras species; partimque figuras  
Réttulit antiquas; partim nova monstra creavit.  
Illa quidem nolle, sed te quoque, máxime Python,  
Tum genuit; populisque novis, incógnita serpens,  
Terror eras: tantum spatii de monte tenebas!  
Hanc deus arcénens, et nunquam tálibus armis  
Ante, nisi in damis capreisque fugácibus, usus,  
Mille gravem telis, exhausta pæne pharetra,  
Pérdidit, effuso per vúlnera nigra veneno.  
Neve óperis famam possit delere vetustas,  
Instituit sacros célebri certámine ludos,

Pythia de dómitæ serpentis nómine dietos.  
His júvenum quicumque manu, pedibusve, rotave  
Vícerat, æsculeæ capiebat frondis honorem.  
Nondum laurus erat; longoque decentia crine  
Témpora cingebat de quálibet árbore Phœbus.

---

FAETÓN

(2,1 - 325)

Regia solis erat sublímbus alta columnis,  
Clara micante auro, flammisque imitante pyropo;  
Cujus ebur nítidum fastigia summa tenebat;  
Argenti bífores radiabant lúmine valvæ.  
Materiem superabat opus: nam Múlciber illic  
Æquora cælarat, medias cingentia terras,  
Terrarumque orbem, cælumque, quod ímminet orbi.  
Cæruleos habet unda deos: Tritona canorum,  
Protéaque ambiguum, balænarumque prementem  
Ægæona suis immania terga lacertis,  
Dorídaque, et natas: quarum pars nare videtur,  
Pars in mole sedens virides siccare capillos;  
Pisce vehi quædam: facies non ómnibus una,  
Nec diversa tamen; qualem decet esse sororum.  
Terra viros, urbesque gerit, silvasque, ferasque,  
Flúminaque, et nymphas, et cætera númina ruris.  
Hæc super impósita est cæli fulgentis imago;  
Sínaque sex fóribus dextris, totidemque sinistris.  
Quo simul acclivo Clymeneia límite proles  
Venit, et intravit dubitati tecta parentis;

Prótinus ad patrios sua fert vestigia vultus;  
Consistitque procul: neque enim propiora ferebat  
Lúmina. Purpurea velatus veste sedebat  
In solio Phœbus, claris lucente smaragdis.  
A dextra lævaque, Dies, et Mensis, et Annus,  
Secúlaque, et pósitæ spatiis æquálibus Horæ:  
Verque novum stabat, cinctum florente corona:  
Stabat nuda Æstas, et spicea sarta gerebat:  
Stabat et Autumnus, calcatis sórdidus uvis;  
Et glacialis Hiems, canos hirsuta capillos.  
Inde loco medius, rerum novitate paventem  
Sol óculis júvenem, quibus ádspicit omnia, vidit.  
« Quæque viæ tibi causa? quid hac, ait, arce petisti,  
Progenies, Pháethon, haud infitianda parenti? » 34  
Ille refert: « O lux immensi pública mundi,  
Phœbe pater, si das hujus mihi nóminis usum,  
Nec falsa Clymene culpam sub imáagine celat;  
Pígnora da, génitor, per quæ tua vera propago  
Credar; et hunc ánimis errorem détrahe nostris.»  
Díxerat. At génitor circum caput omne micantes  
Deposuit radios, propiusque accédere jussit:  
Amplexuque dato, « Nec tu meus esse negari  
Dignus es; et Clymene veros, ait, édedit ortus.  
Quoque minus dúbites, quodvis pete munus, ut illud,  
Me tribuente, feras: promissis testis adesto  
Dis juránda palus, óculis incógnita nostris.»  
Vix bene desíerat: currus rogat ille paternos,  
Inque diem alípedum jus et moderamen equorum.  
Pœnituit jurasse patrem, qui terque quaterque  
Concutiens illustre caput, « Temeraria, dixit,



Vox mea facta tua est: útinam promissa liceret  
Non dare! confiteor, solum hoc tibi, nate, negarem.  
Dissuadere licet: non est tua tuta voluntas.  
Magna petis, Pháethon, et quæ nec víribus istis  
Múnera conveniant, nec tam puerílibus annis.  
Sors tua mortalis: non est mortale quod optas.  
Plus etiam, quam quod súperis contíngere fas sit,  
Nescius adfectas: placeat sibi quisque licebit,  
Non tamen ignífero quisquam consístere in axe  
Me valet excepto: vasti quoque rector olympi,  
Qui fera terríbili jaculatur fúlmina dextra,  
Non agat hos currus: et quid Jove majus habemus?  
Ardua prima via est; et qua vix mane recentes  
Enitantur equi, medio est altíssima cœlo;  
Unde mare et terras ipsi mihi sæpè videre  
Fit timor, et pávida trépídat formídine pectus:  
Última prona via est, et eget moderámine certo.  
Tunc etiam, quæ me subjectis éxcipit undis,  
Ne ferar in præceps, Tethys solet ipsa vereri.  
Adde, quod adsidua rápítur vertígine cælum,  
Sidéraque alta trahit, celerique volúmine torquet.  
Nitor in adversum: nec me, qui cétera, vincit  
Ímpetus: et rápido contrarius évehor orbi.  
Finge datos currus: quid agas? poterisne rotatis  
Obvius ire polis, ne te citus áuferat axis?  
Fórsitan et lucos illic, urbesque, domosque  
Concipias ánimo, delúbraque ditia donis  
Esse: per insidias iter est, formásque ferarum. 78  
Utque viam teneas, nulloque errore traharis,  
Per tamen adversi gradieris cornua Tauri,

Hæmonios arcus, violentique ora Leonis,  
Sævaque circúitu curvantem brachia longo  
Scorpion, atque áliter curvantem brachia Cancerum.  
Nec tibi quadrúpedes animosos ígnibus illis,  
Quos in pectore habent, quos ore et náribus efflant,  
In promptu régere est: vix me patiuntur, ut acres  
Incaluere ánimi; cervixque repugnat habenis.  
At tu, funesti ne sim tibi múnervis auctor  
Nate, cave; dum resque sinit, tua córrige vota.  
Scílicet, ut nostro génitum te sángine credas,  
Pígnora certa petis: do pígnora certa timendo;  
Et patrio pater esse metu probor: ádspice vultus  
Ecce meos; utinamque óculos in pectora posses  
Insérere, et patrias intus depréndere curas!  
Dénique, quidquid habet dives, circúmspice, mundus;  
Eque tot ac tantis cæli, terræque, marisque  
Posce bonis áliquíd; nullam patiére repulsam.  
Déprecor hoc unum; quod vero nómine pœna,  
Non honor est: pœnam, Pháethon, pro múnere, poscis.  
Quid mea colla tenes blandis, ignare, lacertis?  
Ne dúbita, dábitur, Stygias jurávimus undas,  
Quodcumque optaris: sed tu sapientius opta. »  
Finíerat mónitus: dictis tamen illi repugnat,  
Propositumque tenet; flagratque cupíidine currus.  
Ergo, qua licuit, génitor cunctatus, ad altos  
Deducit júvenem, Vulcania munera, currus.  
Aureus axis erat, temo aureus, aurea summæ  
Curvatura rotæ, radiorum argenteus ordo.  
Per juga chrysólithi, positæque ex órdine gemmæ,  
Clara repercusso reddebant lúmina phœbo.

Dumque ea magnánimus Pháethon miratur, opusque  
Pérspicit; ecce vigil rútilo patefecit ab ortu  
Purpureas Aurora fores, et plena rosarum  
Atria: diffugiunt stellæ; quarum ágmina cogit  
Lúcifer, et cæli statione novíssimus exit.  
At pater, ut terras, mundumque rubéscere vidit,  
Cornúaque extremæ velut evanéscere lunæ,  
Júngere equos titan velócibus imperat Horis.  
Jussa deæ céleres péragunt; ignemque vomentes,  
Ambrosiæ succo sátuos, præsépius altis  
Quadrúpedes ducunt; adduntque sonantia frena.  
Tum pater ora sui sacro medicámine nati  
Cóntigit; et rápidæ fecit patientia flammæ;  
Imposuitque comæ radios, præságaque luctus  
Péctore sollicito répetens suspiria, dixit;  
« Si potes hic saltem mónitis parere paternis:  
Parce, puer, stímulis, et fortius útere loris.  
Sponte sua próperant: labor est inhibere volantes:  
Nec tibi directos placeat via quinque per arcus.  
Sectus in obliquum est lato curvámine limes,  
Zonarumque trium contentus fine; polumque  
Effúgito australem, junctamque aquilónibus Arcton.  
Hac fit iter; manifesta rotæ vestigia cernes.  
Utque ferant æquos et cælum et terra calores,  
Nec preme, nec summum molire per áethera currum.  
Altius egressus, cœlestia tecta cremabis;  
Inferius, terras: medio tutíssimus ibis.  
Neu te dexterior tortum declinet in Anguem,  
Neve sinisterior pressam rota ducat ad Aram;  
Inter utrumque tene: fortunæ cétera mando;

Quæ juvet, et melius, quam tu tibi, cónsulat, opto.  
Dum loquor, Hesperio pósitæ in lítore metas.  
Húmida nox tétigit: non est mora líbera nobis.  
Póscimur: effulget ténebris Aurora fugatis.  
Córripe lora manu: vel, si mutábile pectus  
Et tibi, consiliis, non cúrribus, útere nostris,  
Dum potes, et sólidis etiamnum sédibus adstas;  
Dumque male optatos, nondum premis inscius axes,  
Quæ tutus spectes, sine me dare lúmina terris. »

Óccupat illi levem juvenili córpore currum;  
Statque super; manibusque datas contíngere habenas  
Gaudet; et invito grates agit inde parenti.

Interea vólucres Pyroeis, Eóus, et Æthon,  
Solis equi, quartusque Phlegon, hinnítibus auras  
Flammíferis implent, pedibusque repágula pulsant.  
Quæ postquam Tethys, fatorum ignara nepotis,  
Réppulit, et facta est immensi copia mundi,  
Corripuere viam, pedibusque per áera motis  
Obstantes findunt nébulas, pennisque levati  
Prætereunt ortos isdem de pártibus euros.  
Sed leve pondus erat; nec quod cognóscere possent  
Solis equi; solitaque jugum gravitate carebat.  
Utque labant curvæ justo sine póndere naves,  
Perque mare instábiles nimia levitate feruntur;  
Sic ónere insueto vacuos dat in áera saltus.  
Succutiturque alte, similisque est currus inani. 166  
Quod simul ac sensere, ruunt, tritumque relinquunt  
Quadríjugi spatium, nec, quo prius, órdine currunt.  
Ipse pavet; nec qua commissas flectat habenas,  
Nec scit qua sit iter; nec, si sciat, ímperet illis.



Tum primum radiis gélidi caluere Triones,  
Et vétito frustra tentarunt áequore tingui.  
Quæque polo pósito est glaciali próxima serpens,  
Frígore pigra prius, nec formidábilis ulli,  
Incáluit; sumsitque novas fervóribus iras.  
Te quoque turbatum mémorant fugisse, Boote,  
Quamvis tardus eras, et te tua plaustra tenebant.  
Ut vero summo despexit ab áethere terras  
Infelix Pháethon, pénitus penitusque jacentes;  
Palluit, et súbito genua intremuere timore;  
Suntque óculis ténebræ per tantum lumen obortæ.  
Et jam mallet equos nunquam tetigisse paternos;  
Jamque agnosse genus piget, et valuisse rogando:  
Jam Méropis dici cupiens, ita fertur, ut acta  
Præcípiti pinus borea, cui victa remisit  
Frena suus rector, quam dis, votisque reliquit.  
Quid faciat? multum cæli post terga relictum;  
Ante óculos plus est; ánimo metitur utrumque.  
Et modo, quos illi fato contíngere non est,  
Próspicit occasus: interdum réspicit ortus;  
Quidque agat ignarus, stupet; et nec frena remittit,  
Nec retinere valet; nec nómina novit equorum.  
Sparsa quoque in vario passim mirácula cælo,  
Vastarumque videt trépídus simulacra ferarum.  
Est locus, in géminos ubi brachia cóncavat arcus  
Scorpios; et cauda flexisque utrimque lacertis,  
Pórrigit in spatium signorum membra duorum.  
Hunc puer ut nigri mádidum sudore veneni  
Vúlnera curvata minitantiem cúspide vidit;  
Mentis inops, gélida formídine lora remisit.

Quæ postquam summum tetigere jacentia tergum,  
Exspatiantur equi; nulloque inhibente per auras  
Ignotæ regionis eunt; quaque impetus egit,  
Hac sine lege ruunt; altoque sub æthere fixis  
Incursant stellis, rapiuntque per avia currum:  
Et modo summa petunt, modo per decliva viasque  
Præcípites spatio terræ propiore feruntur:  
Inferiusque suis fraternos currere luna  
Admiratur equos; ambústaque núbila fumant.  
Corripitur flammis, ut quæque altíssima, tellus; 210  
Físsaque agit rimas, et succis aret ademtis.  
Pábula canescunt; cum fróndibus úritur arbos;  
Materiamque suo præbet seges árida damno.  
Parva queror; magnæ pereunt cum móenibus urbes;  
Cumque suis totas pópulis incendia gentes  
In cínerem vertunt: silvæ cum móntibus ardent.  
Ardet Athos, Taurusque Cilix, et Tmolus, et Cete  
Et nunc sicca, prius celebríssima fóntibus, Ide;  
Virgineusque Hélicon, et nondum Cægrius Hæmos.  
Ardet in immensum geminatis ígnibus Ætne,  
Parnassusque biceps, et Eryx, et Cinthus, et Otbrys,  
Et tandem Rhódope nívibus caritura, Mimasque,  
Dindymaque, et Mycale, natusque ad sacra Cithæron.  
Nec prosunt Scythiæ sua frígora: Cáucasus ardet,  
Óssaque cum Pindo, majorque ambobus Olympus;  
Aeriæque Alpes, et núbifer Apenninus.

Tunc vero Phaëthon cunctis e pártibus orbem  
Ádspicit accensum; nec tantos sústinet æstus:  
Ferventesque auras, velut e fornace profunda,  
Ore trahit, currusque suos candescere sentit.

Et neque jam cíneres, ejectatamque favillam  
Ferre potest; calidoque invólvitur úndique fumo;  
Quoque eat, aut ubi sit, picea calígine tectus,  
Nescit; et arbitrio vólucrum raptatur equorum.  
Sáanguine tum credunt in córpora summa vocato,  
Æthiopum pópulos nigrum traxisse colorem.  
Tum facta est Libye, raptis humóribus æstu,  
Árida; tumi nymphæ passis fontesque, lacusque  
Deflevere comis: quærit Bœotia Dircen,  
Argos Amymonen, Éphyre Pirénidas undas.  
Nec sortita loco distantes flúmina ripas  
Tuta manent: mediis Tanais fumavit in undis,  
Peneosque senex, Teuthranteusque Caicus,  
Et celer Ismenos, cum Phocaico Erymantho,  
Arsurusque íterum Xanthus, flavusque Lycormas,  
Quique recurvatis ludit Mæandros in undis;  
Mygdoniusque Melas, et Tænarius Eurotas.  
Arsit et Euphrates Babylonius; arsit Orontes,  
Thermodonque citus, Gangesque, et Phasis, et Ister;  
Æstuat Alpheos; ripæ Sþerchéides ardent; 250  
Quodque suo Tagus amne vehit, fluit ignibus, aurum:  
Et quæ Mæonias celebrant cårmine ripas,  
Flumineæ vólucres medio caluere Caystro.  
Nilus in extremum fugit pertérritus orbem,  
Occulitque caput, quod adhuc latet: ostia septem  
Pulverulenta vacant, septem sine flúmine valles.  
Fors eadem Ismarios Hebrum cum Strymone siccet,  
Hesperiosque amnes, Rhenum, Rhodanumque Padum-  
Cuique fuit rerum promissa potentia, Thybrin. [que,  
Dissilit omne solum; penetratque in tártara rimis



Lumen, et infernum terrèt cum cónjuge regem.  
Et mare contráhitur; siccæque est campus arenæ,  
Quod modo pontus erat; quosque altum téxerat æquor,  
Exsistunt montes, et sparsas Cycladas augent:  
Ima petunt pisces; nec se super áequora curvi  
Tóllere consuetas audent delphines in auras.  
Córpora phocarum summo resupina profundo  
Exanimata jacent: ipsum quoque Nerea fama est,  
Dóridaque, et natas, tépidis latuisse sub antris.  
Ter Neptunus aquis cum torvo brachia vultu  
Exsérere ausus erat; ter non tulit áeris æstus.  
Alma tamen Tellus, ut erat circúmdata ponto,  
Inter aquas pélagi, contractosque úndique fontes,  
Qui se condíderant in opacæ víscera matris,  
Sústulit omníferos collo tenus árida vultus;  
Opposuitque manum fronti; magnoque tremore  
Omnia concutiens paulum subsedit; et infra,  
Quam solet esse, fuit; siccaque ita voce locuta est:  
« Si placet hoc, meruique, quid, o, tua fúlmina cessant,  
Summe deum? liceat perituræ víribus ignis,  
Igne perire tuo; elademque auctore levare.  
Vix équidem fauces hæc ipsa in verba resolvo,  
(Présserat ora vapor) tostos en ádspice crines,  
Inque óculis tantum, tantum super ora favillæ.  
Hosne mihi fructus, hunc fertilitatis honorem  
Officiique refers, quod adunci vúlnera aratri,  
Rastrorumque fero, totoque exerceor anno?  
Quod pécori frondes, aliméntaque mitia, fruges,  
Humano géneri, vobis quod tura ministro?  
Sed tamen exitium fac me meruisse: quid undæ,



Quid meruit frater? cur illi trádita sorte  
Æquora decrescunt, et ab áethere longius absunt?  
Quod si nec fratris, nec te mea gratia tangit;  
At cæli miserere tui: circúmspice utrumque; 294  
Fumat uterque polus: quos si vitiáverit ignis,  
Atria vestra ruent: Atlas en ipse laborat;  
Vixque suis húmeris candentem sústinet axem.  
Si freta, si terræ pereunt, si regia cœli:  
In chaos antiquum confúndimur: éripe flammis,  
Si quid adhuc súperest; et rerum cónsule summæ. »  
Dixerat hæc Tellus; neque enim tolerare vaporem  
Ulterius potuit, nec dicere plura; suúmque  
Réttulit os in se, propióraque mánibus antra:  
At pater ómnipotens súperos testatus, et ipsum  
Qui déderat currus, nisi opem ferat, omnia fato  
Interitura gravi; summam petit arduus arcem,  
Unde solet latis nubes indúcere terris;  
Unde movet tonitrus, vibrátaque fúlmina jactat.  
Sed neque, quas posset terris indúcere nubes  
Tunc habuit; nec, quos cœlo dimitteret, imbres..  
Ítonat: et dextra libratum fulmen ab aure  
Misit in aurigam; pariterque animaque rotisque  
Éxpulit, et sævis compescuit ígnibus ignes.  
Consternantur equi; et saltu in contraria facto  
Colla jugo eripiunt, abrúptaque lora relinquunt.  
Illic frena jacent, illic temone revulsus  
Axis; in hac radii fractarum parte rotarum;  
Spársaque sunt late láceri vestigia currus.  
At Pháethon, rútilos flamma populante capillos,  
Vólvitur iu præceps, longoque per áera tractu

Fertur; ut interdum de cælo stella sereno,  
Etsi non cécidit, potuit cecidisse videri.  
Quem procul a patria diverso máximus orbe  
Éxcipit Erídanus, fumantíaque abluit ora.

## FILEMÓN Y BAUCÍS

(8, 624 — 724)

Ante omnesque Lelex, ánimo maturus et ævo,  
Sic ait: «Immensa est, finemque potentia cœli  
Non habet, et quicquid súperi voluere, peractum est;  
Quoque minus dúbites, tiliæ contérmina quercus  
Cóllybus est Phrygiis, módico circúmdata muro.  
Ipse locum vidi: nam me Pelopeia Pittheus  
Misit in arva, suo quondam regnata parenti.  
Haud procul hinc stagnum, tellus habitábilis olim;  
Nunc célebres mergis fulicisque palústribus undæ.  
Júpiter huc, specie mortali, cumque parente  
Venit Atlantiádes, pósito cadúcifer alis.  
Mille domos adiere, locum requiemque petentes;  
Mille domos clausere seræ: tamen una recepit.  
Parva quidem, stípulis et canna tecta palustri:  
Sed pia Baucis anus, parilique ætate Philemon  
Illa sunt annis juncti juvenílibus; illa  
Consenuere casa; paupertatemque fatendo  
Effecere levem, nec iniqua mente ferendam.  
Nec refert dóminos illic famulosne requiras;  
Tota domus duo sunt; idem parentque jubentque.  
Ergo ubi cœlicolæ parvos tetigere penates,

Submissoque húmiles intrarunt vértice postes,  
Membra senex pósito jussit relevare sedili;  
Quo superinjecit textum rude sédula Baucis.  
Inde foco tépidum cínere dimovit, et ignes  
Súscitat hesternos; foliisque et córtice sicco  
Nutrit, et ad flàmmas ánima producit anili;  
Multifidasque faces, ramaliaque árida tecto  
Détulit, et minuit, parvoque admovit aheno;  
Quodque suus conjux riguo collégerat horto,  
Truncat olus foliis: furca levat ille bicorni  
Sórdida terga suis, nigro pendentia tigno,  
Servatoque diu résecat de térgore partem  
Exiguam, sectamque domat fervéntibus undis.  
Interea medias fallunt sermónibus horas,  
Sentirique moram próhibent: erat alveus illic 592  
Fagineus, curva clavo suspensus ab ansa;  
Is tépidis impletur aquis; artusque fovendos  
Áccipit: in medio torus est de móllibus ulvis  
Impósitus lecto, sponda pedibusque salignis:  
Véstibus hunc velant, quas non nisi témpore festo  
Stérnere consúerant; sed et hæc vilisque vetusque  
Vestis erat, lecto non indignanda saligno.  
Adebuere Dei: mensam succincta tremensque  
Ponit anus; mensæ sed erat pes tertius impar;  
Testa parem fecit: quæ postquam súbdita clivum  
Sústulit, æquatam mentæ tersere virentes.  
Pónitur hic bícOLOR sinceræ bacea Minervæ,  
Condítaque in líquida corna autumnalia fæce,  
Intúbaque, et radix, et lactis massa coacti,  
Ovaque, non acri léviter versata favilla;

Omnia fictilibus: post hæc cælatus eadem  
Sistitur argilla crater, fabricátaque fago  
Pócula, qua cava sunt, flavéntibus íllita ceris.  
Parva mora est; epulasque foci misere calentes:  
Nec longæ rursus referuntur vina senectæ;  
Dantque locum mensis paulum seducta secundis.  
Hic nux, hix mixta est rugosis cárica palmis,  
Prúnaque, et in pátulis redolentia mala canistris,  
Et de purpureis collectæ vítibus uvæ;  
Cándidus in medio favus est; super omnia vultus  
Accessere boni, nec iners pauperque voluntas.  
Interea, quoties haustum cratera repleri  
Sponte sua, per seque vident succréscere vina,  
Attóniti novitate pavent, manibusque supinis  
Concipiunt Baucisque preces, timidusque Philemon,  
Et veniam dápiibus, nullisque parátibus orant.  
Únicus anser erat, mínimæ custodia villæ,  
Quem dis hospítibus dómini mactare parabant:  
Ille celer penna tardos ætate fatigat,  
Eluditque diu; tandemque est visus ad ipsos  
Confugisse deos. Súperi vetuere necari;  
«Díque sumus; meritasque luet vicinia pœnas  
Impia, dixerunt; vobis immúnibus hujus  
Esse mali dábitur; modo vestra relínquitè tecta,  
Ac nostros comitate gradus, et in ardua montis  
Ite simul.» Parent ambo, baculisque levati  
Nituntur longo vestigia pónere clivo.  
Tantum áberant summo quantum semel ire sagitta  
Missa potest; flexere óculos, et mersa palude  
Cáetera prospiciunt, tantum sua tecta manere.



Dumque ea mirantur, dum deflent fata suorum, 638  
Illa vetus, dóminiis etiam casa pársa duobus,  
Vértitur in templum; furcas subiere columnæ;  
Strámina flavescent, adopértaque mármore tellus,  
Cælatæque fores, aurátaque tecta videntur:  
Talia quum plácido Saturnius éditoré:  
« Dícite, juste senex, et fémina cónjuge justo  
Digna, quid optetis. » Cum Báucide pauca locutus,  
Judicium súperis áperit commune Philemon:  
« Esse sacerdotes, delúbraque vestra tueri  
Póscimus; et quoniam concordés égimus annos,  
Áuferat hora duos éadem. nec cónjugis unquam  
Busta meæ videam, neu sim tumulandus ab illa. »  
Vota fides séquitur: templi tutela fuere,  
Donec vita data est: annis ævoque soluti  
Ante gradus sacros quum starent forte, locique  
Navarent curas, frondere Philémona Baucis,  
Báucida conspexit senior frondere Philemon:  
Jamque super géminos crescente cacúmine vultus,  
Mutua, dum licuit, reddebant dicta; « Valeque,  
O conjux, » dixere simul, simul ábdita textit  
Ora frutex: ostendit adhuc Tyaneius illic  
Incola de gémino vicinos córpore truncos.  
Hæc mihi non vani, neque erat cur fállere vellent,  
Narravere senes: équidem pendentia vidi  
Serta super ramos; ponensque recentia, dixi:  
« Cura pii dis sunt; et qui coluere, coluntur. »

---

## CÉIX Y HALCIÓNE

(11, 410 — 748)

Interea fratrisque sui, fratremque secutis  
Anxia prodigiis turbatus pectora Ceyx,  
Cónsulat ut sacras, hóminum oblectámina, sortes,  
Ad Clarium parat ire deum: nam templa profanus  
Invia cum Phlegysis faciebat Délphica Phorbas.  
Consilii tamen ante sui, fidíssima, certam  
Te facit, Halcyone: cui prótinus íntima frigus  
Ossa receperunt, buxoque simíllimus ora  
Pallor obit, lacrymisque genæ maduere profusis.  
Ter conata loqui, ter flétibus ora rigavit;  
Singultuque pias interrumpente querelas,  
«Quæ mea culpa tuam, dixit, caríssime, mentem  
Vertit? ubi est, quæ cura mei prius esse solebat?  
Jam potes Halcyone securus abesse relicta;  
Jam via longa placet; jam sum tibi carior absens.  
At, puto, per terras iter est, tantumque dolebo;  
Non etiam metuam; curæque timore carebunt.  
Áequora me terrent, et ponti tristis imago:  
Et láceras nuper tábulas in líttore vidi;  
Et sæpe in túmulis sine córpore nómina legi.  
Neve tuum fallax ánimus fiducia tangat,  
Quod socer Hippótades tibi sit, qui cárcere fortes  
Contineat ventos, et, quum velit áequora placet.  
Quum semel emissi tenuerunt áequora venti,  
Nil illis vétitum est, incommendátaque tellus  
Omnis, et omne fretum: cœli quoque núbila vexant,

Excutiuntque feris rútilos concúrsibus ignes.  
Quo magis hos novi, nam novi, et sæpe paterna  
Parva domo vidi, magis hos reor esse timendos.  
Quod tua si flecti précibus sententia nullis,  
Care, potest, conjux, nimiumque es certus eundi,  
Me quoque tolle simul: certe jactábimur una;  
Nec, nisi quæ patiar, metuam; pariterque feremus  
Quidquid erit; páriter super áequora lata feremur».

Tálibus Æólidis dictis lacrimisque movetur  
Sidereus conjux; neque enim minor ignis in ipso est;  
Sed neque propósitos pélagi dimíttere cursus,  
Nec vult Halcyonen in partem adhibere pericli;  
Múltaque respondit, tímídum solantia pectus;  
Nec tamen ideirco causam probat: áddidit illis  
Hoc quoque lenimen, quo solo flexit amantem:  
«Longa quidem nobis omnis mora, sed tibi juro  
Per patrios ignes, si me modo fata remittent,  
Ante reversurum, quam luna bis impleat orbem».  
His ubi promissis spes est admota recursus,  
Prótinus eductam naválibus áequore tingi,  
Aptarique suis pinum jubet armamentis,  
Qua rursus visa, véluti præsaga futuri,  
Horruit Halcyone; lacrymasque emisit obortas;  
Amplexusque dedit; tristisque misérrima tandem  
Ore vale dixit; collápsaque corpore tota est.  
At júvenes, quærente moras Ceyce, reducant  
Ordínibus géminis ad fortia péctora remos;  
Æqualique ictu scindunt freta: sústúlit illa  
Humentes óculos, stantemque in puppe recurva,

Concussaue manu dantem sibi signa maritum  
Prima videt, redditque notas: ubi terra recessit  
Longius, atque oculi nequeunt cognoscere vultus,  
Dum lieet, inséquitur fugientem lumine pinum;  
Hæc quoque ut haud póterat spatio submota videri,  
Vela tamen spectat summo fluitantia malo.  
Ut nec vela videt, vacuum petit anxia lectum;  
Seque toro ponit: renovat lectusque locusque  
Hæcyronæ lácrymas; et quæ pars, ádimonet, absit.  
Pórtubus exíerant; et móverat aura rudentes.  
Obvertit láteri pendentes návita remos;  
Cornúaque in summa locat árbore, tótaque malo  
Cárbasa deducit, venientesque éxcipit auras.  
Aut minus, aut certe medium non amplius æquor  
Puppe secabatur, longeque erat útraque tellus,  
Quum mare sub noctem túmidis albéscere cœpit  
Flúctibus, et præceps spirare valentius eurus,  
«Ardua, jamdudum, demíttite cornua, rector  
Clamat, et antennis totum subnéctite velum».  
Hic jubet: impediunt adversæ jussa procellæ;  
Nec sinit audiri vocem fragor áequoris ullam.  
Sponte tamen próperant alii subducere remor;  
Pars munire latus; pars ventis vela negre:  
Égerit hic fluctus, æquorque refundit in æquor;  
Hic rapit antennas: quæ dum sine lege geruntur,  
Áspera crescit hiems, omnique e parte feroces  
Bella gerunt venti, frétaque indignantia miscent.  
Ipse pavet, nec se, qui sit status, ipse fatetur  
Scire ratis rector, nec quid jubeatve, vetetve.  
Tanta mali moles, totaque potentior arte est!



Quippe sonant clamore viri, stridore rudentes,  
Uदारum incursu gravis unda, tonítribus æther.  
Flúctibus erígitur, cœlumque æquare videtur  
Pontus, et inductas adspérgine tinguere nubes:  
Et modo, quum fulvas ex imo verrit arenas,  
Cóncolor est illis; Stygia modo nigrior unda;  
Stérnitur interdum, spumisque sonántibus albet.  
Ipsa quoque his ágitur vícibus Trachinia puppis:  
Et modo sublimis, véluti de vértice montis,  
Despícere in valles, imumque Acheronta videtur;  
Nunc, ubi demissam curvum circúmstetit æquor,  
Suspícere inferno summum de gúrgite cœlum:  
Sæpe dat ingentem fluctu latus icta fragorem;  
Nec levius pulsata sonat, quam ferreus olim  
Quum láceras aries ballistave cóncutit arces;  
Utque solent, sumtis in cursu víribus, ire  
Péctore in arma feri præténtaque tela leones.  
Sic ubi se ventis admíserat unda coortis,  
Ibat in arma ratis, multoque erat altior illis  
Jamque labant cunei, spoliátaque tégmine ceræ  
Rima patet, præbetque viam letálibus undis.  
Ecce cadunt largi resolutis núbibus imbres;  
Inque fretum credas totum descéndere cœlum;  
Inque plagas cœli tumefactum adscéndere pontum.  
Vela madent nimbis; et cum cœléstibus undis  
Æquoreæ miscentur aquæ: caret ígnibus æther;  
Cáecaque nox prémitur ténebris hiemisque suisque.  
Discutiunt tamen has, præbentque micantia lumen  
Fúlmina: fulmineis ardescunt ígnibus undæ.  
Dat quoque jam saltus intra cava texta carinæ

Fluctus: et, ut miles, número præstantior omni,  
Quam sæpe adsiluit defensæ móenibus urbis,  
Spe pótitur tandem; laudisque accensus amore  
Inter mille viros, murum tamen óccupat unus.  
Sic ubi pulsarunt acres látera ardua fluctus,  
Vastius insurgens décimæ ruit ímpetus undæ:  
Nec prius absistit fessam oppugnare carinam,  
Quam velut in captæ descendat mœnia navis.  
Par igitur tentabat adhuc invádere pinum,  
Pars maris intus erat: trépидant haud secius omnes.  
Quam solet urbs, aliis murum fodiéntibus extra,  
Atque aliis murum trepidare tenéntibus intus.  
Déficit ars: animique cadunt; totidemque videntur,  
Quot veniant fluctus, rúere atque irrúmpere mortes.  
Non tenet hic lácrymas; stupet hic; vocat ille beatos.  
Fúnera quos maneant; hic votis numen adorat,  
Brachíaque ad cœlum, quod non videt, írrita tollens  
Poseit opem; subeunt illi fratresque paresque;  
Huic cum pignóribus domus, et quodcunque relictum est.  
Halecyone Ceyca movet; Ceycis in ore  
Nulla nisi Halecyone est: et, quum desíderet unam,  
Gaudet abesse tamen: patriæ quoque vellet ad oras  
Réspicere, inque domum supremos vértere vultus:  
Verum ubi sit nescit: tanta vertígine pontus  
Fervet, et inducta piceis e núbibus umbra  
Omne latet cœlum, duplicátaque noctis imago est!  
Frángitur incursu nimborum túrbínis arbor;  
Frángitur et régimen; spoliisque animosa superstans  
Unda, velut victrix, sinuatas déspicit undas;  
Nec levius, quam si quis Athon, Pindumve, revulsos

Sede sua, totos in apertum evérterit æquor,  
Præcipitata ruit; pariterque et póndere et ictu  
Mergit in ima ratem: cum qua pars magna virorum  
Gúrgite pressa gravi, neque in áera réddita, fato  
Functa suo est: alii partes et membra carinæ  
Trunca tenent: tenet ipse manu, qua sceptrá solebat,  
Frágmina navigii Ceyx; socerumque patremque  
Ínvocat, heu! frustra, sed plúrima nantis in ore  
Haleyone conjux; illam meminitque refertque;  
Illius ante óculos ut agant sua córpora fluctus,  
Optat; et exánimis mánibus tumultetur amicis.  
Dum natat, absentem, quoties sinit híscere fluctus,  
Nóminat Haleyonen, ipsisque immúrmurat undis.  
Ecce super medios fluctus niger arcus aquarum  
Frángitur; et rupta mersum caput obruit unda.  
Lúcifer obscurus, nec quem cognóscere posses,  
Illa nocte fuit; quoniamque excédere olympto  
Non licuit, densis textit sua núbibus ora.  
Áeolis interea tantorum ignara malorum  
Dinúmerat noctes; et jam, quas induat ille,  
Festinat vestes; jam quas, ubi vénerit ille,  
Ipsa gerat; reditusque sibi promittit inanes.  
Ómnibus illa quidem súperis pia tura ferebat;  
Ante tamen cunctos Junonis templa colebat;  
Proque viro, qui nullus erat, veniebat ad aras;  
Utque foret sospes conjux suus, utque rediret,  
Optabat, nullamque sibi præferret: at illi  
Hoc de tot votis póterat contíngere solum.

At dea non ultra pro functo morte rogari  
Sústinet: utque manus funestas arceat aris,

«Iri, meæ, dixit, fidissima nuntia vocis,  
Vise soporiferam Somni velóçiter aulam;  
Exstinctique jube Céycis imáGINE mittat  
Somnia ad Halcyonen, veros imitantia casus.»  
Díxerat: indúltur velámina mille colorum  
Iris, et arquato cœlum curvámINE signans  
Tecta petit jussi sub rupe latentia regis.

Est prope Cimmerios longo spelunca recessu,  
Mons cavus, ignavi domus et penetralia Somni;  
Quo nunquam radiis oriens, mediusve, cadensve  
Phœbus adire potest: nébulæ calíGINE mixtæ  
Exhalantur humo, dubiæque crepúscula lucis.  
Non vigil ales ibi cristati cántibus oris  
Évocat Auroram; nec voce silentia rumpunt  
Sollicitive canes, canibusve sagacior anser.  
Non fera, non pécudes, non móti fláMINE rami,  
Humanæve sonum reddunt convicia linguæ.  
Muta quies hábitat: saxo tamen exit ab imo  
Rivus aquæ Lethes; per quem cum múrmure labens  
Invitat somnos crepitántibus unda lapillis.  
Ante fores antri fecunda papávera florent,  
Innumeræque herbæ, quarum de lacte soporem  
Nox legit, et spargit per opacas húmida terras.  
Janua, quæ verso stridorem cárdine reddat,  
Nulla domo tota; custos in límINE nullus.  
At medio torus est ébeno sublimis in antro,  
Plumeus, unícolor, pullo veláMINE tectus,  
Quo cubat ipse deus, membris languore solutis.  
Hunc circa passim, varias imitantia formas,  
Somnia vana jacent tótíDEM, quot messis aristas,



Silva gerit frondes, ejectas litus arenas.  
Quo simul intravit, manibusque obstantia virgo  
Somnia dimovit, vestis fulgore reluxit  
Sacra domus; tardaque deus gravitate jacentes  
Vix óculos tollens, iterumque iterumque relabens  
Súmmaque percutiens nutanti péctora mento,  
Excussit tandem sibi se; cubitoque levatus,  
Quid veniat, cognorat enim, scitatur; at illa:  
«Somne, quies rerum; placidíssime, Somne, deorum,  
Pax ánimi, quem cura fugit; qui corda diurnis  
Fessa ministeriis mulces, reparasque labori;  
Somnia, quæ veras æquent imitámine formas,  
Herculea Trachine jube, sub imáagine regis,  
Halcyonen adeant, simulácrasque náufraga fingant.  
Ímperat hoc Júnio.» Postquam mandata peregit  
Iris, abit; neque enim ulterius tolerare vaporis  
Vim póterat; labique ut somnum sensit in artus,  
Éffugit, et rémeat per quos modo vénerat arcus.

At pater e pópulo natorum mille suorum  
Éxcitat artificem, simulatoremque figuræ,  
Morphea: non illo jussos solertius alter  
Éxprimit incessus, vultumque sonumque loquendi;  
Ádjicit et vestes, et consuetíssima cuique  
Verba; sed hic solos hómínes imitatur; at alter  
Fit fera, fit vólucris, fit longo córpore serpens.  
Hunc Ícelon súperi, mortale Phobétora vulgus  
Nóminat. Est etiam diversæ tertius artis [bemque,  
Phántasos; ille in humum saxumque undamque tra-  
Quæque vacant ánima, feliciter omnia transit.  
Régibus hi, ducibusque suos osténdere vultus

Nocte solent: pópulos alii plebemque pererrant.  
Práeterit hos senior; cunctisque e frátribus unum  
Morphea, cui pérangat Thaumántidos édita, Somnus  
Éligit: et rursus molli languore solutus,  
Deposuitque caput, stratoque recóndidit alto.  
Ille volat, nullos strépitus faciéntibus alis,  
Per ténebras. intraque moræ breve tempus in urbem  
Pérvenit Hæmoniam: positisque e córpore pennis  
In faciem Ceycis abit, formaque sub illa  
Lúridus, exsanguí símilis, sine véstibus ullis,  
Cónjugis ante torum miseræ stetit: uda videtur  
Barba viri, madidisque gravis fluere unda capillis.  
Tum lecto incumbens, fletu super ora refuso,  
Hæc ait: «Agnosceis Ceyca, misérrema conjux?  
An mea mutata est facies nece? réspicé; nosces,  
Inveniesque tuo pro cónjuge cónjugis umbram.  
Nil opis, Halcýone, nobis tua vota tulerunt:  
Occídimus: falso tibi me promíttere noli.  
Núbilus Ægæo deprendit in áequore navim  
Auster, et ingenti jactatam flámine solvit:  
Óraque nostra, tuum frustra clamantia nomen,  
Implerunt fluctus: non hæc tibi nuntiat auctor  
Ambiguus; non ista vagis rumóribus audis:  
Ipse ego fata tibi præsens mea náufragus edo.  
Surge, age, da lácrymas, lugubríaque indue, nec me  
Indeploratum sub inania tártara mitte.»  
Ádjicit his vocem Morpheus, quam cónjugis illa  
Créderet esse sui; fletus quoque fúndere veros  
Visus erat; gestumque manus Ceycis habebant.  
Íngemit Halcýonè lácrymans, movet atque lacertos

Per somnum: corpusque petens ampléctitur auras;  
Exclamatque: «Mane... quo te rapis? íbimus una.»  
Voce sua, specieque viri turbata soporem  
Executit, et primo si sit circúmspiciit illic,  
Qua modo visus erat; nam moti voce ministri  
Intúlerant lumen; postquam non ínvenit usquam,  
Pérkutit ora manu, laniatque a pectore vestes,  
Pectóraque ipsa ferit: nec crinem sólvere curat;  
Scindit; et altrici, quæ luctus causa, roganti,  
Nulla est Halcyone, nulla est, ait: óccidit una  
Cum Ceyce suo: solantia tóllite verba:  
Náufragus interiit: vidi, agnovique, manusque  
Ad descendentem cupiens retinere tetendi.  
Umbra fuit; sed et umbra tamen manifesta, virique  
Vera mei: non ille quidem, si quæris, habebat  
Adsuetos vultus; nec, quo prius, ore nitebat.  
Pallentem, nudumque, et adhuc humente capillo,  
Infelix, vidi: stetit hoc miserábilis ipso  
Ecce loco: (et quærit vestigia si qua supersint).  
Hoc erat, hoc ánimo quod divinante timebam,  
Et ne, me fugiens, ventos sequerere rogabam.  
At certe vellem, quoniam periturus abibas,  
Me quoque duxisses, tecum fuit útile, tecum  
Ire mihi; neque enim de vitæ témpore quidquam  
Non simul egissem; nec mors discreta fuisset.  
Nunc absens pereo: jactor nunc flúctibus absens;  
Et sine me me pontus habet: crudelior ipso  
Sit mihi mens pélago, si vitam dúcere nitar  
Longius, et tanto pugnem superesse dolori.  
Sed neque pugnabo; nec te, miserande, relinquam;

Et tibi nunc saltem veniam comes; inque sepulcro  
Si non urna, tamen junget nos lítera; si non  
Óssibus ossa meis, at nomen nómine tangam». *Plura dolor próhibet; verboque intérvenit omni  
Plangor, et attónito gémitus e corde trahuntur.*

Mane erat: egréditur tectis ad litus, et illum  
Mœsta locum répetit, de quo spectarat euntem,  
Dumque: «Moratus ibi», dumque: «Hic retinácula  
Hoc mihi discedens dedit óscula lítore», dicit; [solvít,  
Dumque notata óculis reminíscitur acta, fretumque  
Próspicit; in líquida, spatio distante, tuetur  
Nescio quid, quasi corpus, aqua; primoque, quid illud  
Esset, erat dubium: postquam paulo ádpulit unda,  
Èt, quamvis áberat, corpus tamen esse liquebat;  
Qui foret, ignorans, quia náufragus, ómine mota est:  
Et, tamquam ignoto lácrymas daret, «Heu! miser, inquit  
Quisquis, es, et si qua est conjux tibi!» Flúctibus actum  
Fit propius corpus. quod quo magis illa tuetur,  
Hoc minus et minus est mentis, jam jamque propínquæ  
Admótum terræ, jam quod cognóscere posset,  
Cernit: erat conjux: «Ille est!» exclamat, et una  
Ora, comas, vestem lácerat; tendensque trementes  
Ad Ceyca manus. «Sic, o caríssime conjux,  
«Sic ad me, miserande, redis!» ait. Ádjacet undis  
Facta manu moles, quæ primas áequoris iras  
Frangit, et incursus quæ prædelassat aquarum.  
Insilit hue, mirumque fuit potuisse: volabát;  
Percutiensque levem modo natis áera pennis,  
Stringebat summas ales miserábilis undas.  
Dumque volat, mœsto símilem, plenumque querelæ



Ora dedere sonum, tenui crepitantia rostro.  
Ut vero tétigit mutum et sine sángine corpus,  
Dilectos artus amplexa recéntibus alis,  
Frígida nequiequam duro dedit óscula rostro.  
Sénserit: hoc Ceyx, an vultum mótibus undæ  
Tóllere sit visus, pópulus dubitabat; at ille  
Sénserat: et tandem, súperis miserántibus, ambo  
Álite mutantur: fatis obnoxius isdem  
Tunc quoque mansit amor; nec conjugiale solutum  
Fœdus in alitibus: coeunt, fiuntque parentes;  
Perque dies plácidos, hiberno témpore, septem  
Incubat Halcyone pendéntibus áequore nidis.  
Tum via tuta maris: ventos custodit, et arcet  
Áeolus egressu, præstatque nepótibus æquor.

---

### PITÁGORAS

(15, 60 — 141)

Vir fuit hic ortu Samius: sed fúgerat una  
Et Samon, et dóminos; odioque tyránnidis exsul  
Sponte erat: isque, licet cœli regione remotos,  
Mente deos adiit; et, quæ natura negabat  
Vísibus humanis, óculis ea pectoris hausit.  
Quumque ánimo, et vigili perspéxerat omnia cura,  
In medium discenda dabat; cœtusque silentum  
Díctaque mirantum, magni primordia mundi,  
Et rerum causas, et quid natura, docebat;  
Quid Deus; unde nives; quæ fúlminis esset origo;  
Júpiter, an venti, discussa nube, tonarent;  
Quid quáteret terras; qua sídera lege mearent;

Et quodcumque latet; primusque animalia mensis  
Arguit imponi: primus quoque tálibus ora  
Docta quidem solvit, sed non et crédita, verbis:  
«Párcite, mortales, dápius temerare nefandis  
Córpora: sunt fruges, sunt deducéntia ramos  
Póndere poma suo, tumidæque in vítibus uvæ.  
Sunt herbæ dulces, sunt, quæ mítescere flamma,  
Mollirique queant: nec vobis lacteus humor  
Erípitur, nec mella thymi redoléntia florem. 80  
Pródiga divítias, aliméntaque mitia tellus  
Súggerit, atque épulas sine cæde et ságuine præbet.  
Carne feræ sedant jejunia; nec tamen omnes:  
Quippe equus, et pécudes, arméntaque grámine vivunt.  
At quibus ingenium est immansuetumque, ferumque,  
Armeniæque tigres, iracundique leones,  
Cumque lupis ursi, dápius cum ságuine gaudent.  
Heu quantum scelus est, in víscera víscera condi,  
Congestoque ávidum pinguéscere córpore corpus,  
Alteriusque animantem animantis vívere leto!  
Scílicet in tantis ópibus, quas óptima matrum  
Terra parit, nil te nisi tristia mándere sævo  
Vúlnera dente juvat, ritusque referre cyclopnm?  
Nec, nisi perdíderis alium, placare voracis,  
Et male morati póteris jejunia ventris?  
A vetus illa ætas, cui fécimur aurea nomen,  
Foétibus arboreis, et, quas humus éducat, herbis  
Fortunata fuit, nec polluit ora cruore.  
Tunc et aves tutas movere per áera pennas,  
Et lepus impávidus mediis erravit in agris:  
Nec sua credúlitas piscem suspéndérat hamo.

Cuncta sine insidiis, nullamque timentia fraudem,  
Plénaque pacis erant. Postquam non útilis auctor  
Victibus invidit (quisquis fuit ille) virorum,  
Corporeasque dapes ávidam demersit in alvum,  
Fecit iter scéleri; primaque e cæde ferarum  
Incaluisse putem maculatum sángine ferrum:  
Idque satis fúerat; nostrumque petentia letum  
Córpora missa neci salva pietate fatemur;  
Sed quam danda neci, tam non epulanda fuerunt.  
Longius inde nefas abiit; et prima putatur  
Hostia sus meruisse mori, quia sémina pando  
Erúerit rostro, spemque intercéperit anni.  
Vite caper morsa Bacchi mactandus ad aras  
Dicitur ultoris; nocuit sua culpa duobus.  
Quid meruistis, oves, plácidum pecus, inque tuendos  
Natum hómines, pleno quæ fertis in úbere nectar?  
Mollia quæ nobis vestras velámina lanas  
Præbetis, vitaque magis, quam morte juvatis.  
Quid meruere boves, ánimál sine fraude dolisque,  
Innocuum, simplex, natum tolerare labores?  
Ímmemor est demum, nec frugum múnere dignus,  
Qui potuit curví demto modo póndere aratri  
Rurícolam mactare suum; qui trita labore  
Illa, quibus toties durum renováverat arvum,  
Tot déderat messes, percussit colla securi.  
Nec satis est, quod tale nefas commíttitur; ipsos  
Inscripsere deos scéleri, numenque supernum  
Cæde laboríferi credunt gaudere juvenci.  
Vítima labe carens, et præstantíssima forma, 130  
(Nam placuisse nocet), præsignis et auro,

Sistitur ante aras, auditque ignara precantem,  
Imponique suæ videt inter cornua fronti,  
Quas coluit, fruges; percússaque sángine cultros  
Ínficit in líquida prævisos fórscitan unda.  
Prótinus ereptas viventi pèctore fibras  
Inspiciunt, mentesque deum scrutantur in illis.  
Unde fames hómini vetitorum tanta ciborum?  
Audetis vesci, genus o mortale? quod, oro,  
Ne fácite; et mónitis ánimos advértite nostris;

---

FASTI

---

JANO

(1, 254)

Témpora cum causis Latium digesta per annum,  
Lápsaque sub terras, órtaque signa, canam.  
Éxcipe pacato, Cæsar Germánice, vultu  
Hoc opus; et tímidae dirige navis iter:  
Officiique levem non aversatus honorem,  
In tibi devoto múnere dexter ades.  
Sacra recognoscēs annálibus éruta priscis;  
Et quo sit mérito quæque notata dies.  
Invenies illic et festa doméstica vobis:  
Sæpe tibi pater est, sæpe legendus avus:  
Quæque ferunt illi pictos signantia fastos,  
Tu quoque cum Druso præmia fratre feres.  
Cáesaris arma canant alii; nos Cáesaris aras;  
Et quoscumque sacris áddidit ille dies.  
Annue conanti per laudes ire tuorum;



Deque meo pávidos éxcute corde metus.  
Da mihi te plácidum; déderis in cármina vires:  
Ingenium vultu statque caditque tuo.  
Página iudicium docti subitura móvetur  
Príncipis, ut Clario missa legenda deo.  
Quæ sit enim culti facundia sénsimus oris,  
Cívica pro trépidis quum tulit arma reis.  
Scimus et, ad nostras quum se tulit ímpetus artes,  
Ingenii currant flúmina quanta tui.  
Si licet, et fas est, vates rege vatis habenas:  
Áuspice te felix totus ut annus eat. 26  
—Témpora digéret quum cónditor urbis, in anno  
Constituit menses quinque bis esse suo.  
Scílicet arma magis, quam sídera, Rómule, noras:  
Cúraque finítimos víncere major erat.  
Est tamen et ratio, Cæsar, quæ móverit illum:  
Erroremque suum quo tueatur, habet.  
Quod satis est, útero matris dum prodeat infans;  
Hoc anno statuit témporis esse satis.  
Per tótidem menses a fúnere cójugis uxor  
Sústinet in vidua tristia signa domo.  
Hoc ígitur vidit trabeati cura Quirini,  
Quum rúdis pópulis ánnua jura daret.  
Martis erat primus mensis, Venerisque secundus  
Hæc géneris princeps, ipsius ille pater:  
Tertius a sénibus; júvenum de nómine quartus:  
Quæ séquitur número turba notata fuit.  
At Numa nec Janum, nec avitas práeterit umbras,  
Ménsibus antiquis apposuitque duos.  
Ne tamen ignores variorum jura dierum:

Non habet officii lúcifer omnis idem.  
Ille nefastus erit per quem tria verba (1) silentur:  
Fastus erit, per quem lege licebit agi.  
Neu toto perstare die sua jura putaris;  
Qui jam fastus erit, mane nefastus erat.  
Nam simul exta deo data sunt, licet omnia fari,  
Vérbaque honoratus líbera prætor habet;  
Est quoque, quo pópulum jus est inclúdere septis;  
Est quoque, qui nono semper ab orbe redit.  
Vindicat Ausonias Junonis cura kalendas:  
Ídibus alba Jovi grandior agna cadit:  
Nonarum tutela deo caret; ómnibus istis,  
Ne fallare cave, próximus ater erit.  
Omen ab eventu est: illis nam Roma diebus  
Damna sub adverso tristia Marte tulit.  
Hæc mihi dicta semel, totis hærentia fastis,  
Ne seriem rerum scíndere cogar, erunt.  
—ECCE tibi faustum, Germánice, nuntiat annum;  
Inque meo primus cármine Janus adest.  
Jane biceps, anñi tácite labentis origo;  
Solus de súperis qui tua terga vides;  
Dexter ades dúcibus, quorum secura labore  
Otia terra ferax, otia pontus agit.  
Dexter ades patribusque tuis, populoque Quirini:  
Et résera nutu cándida templa tuo.  
Próspera lux óritur: linguisque ánimisque favete;  
Nunc dicenda bono sunt bona verba die.

---

(1) *Do, dico, addico*, las tres fórmulas judiciales = negocios forenses.

Lite vacent aures, insánaque prótinus absint  
Jurgia: differ opus, lívida turba. tuum.  
Cernis, odoratis ut luceat ignibus æther;  
Et sonet accensis spica Cilissa focis?  
Flamma nitore suo templorum vérberat aurum,  
Et trémulum summa spargit in æde jubar.  
Véstibus intactis Tarpeias itur in arces;  
Et pópulus festo cóncolor ipse suo est.  
Jamque novi præeunt faces; nova púrpura fulget;  
Et nova conspicuum póndera sentit ebur.  
Colla rudes óperum præbent ferienda juvenci,  
Quos aluit campis herba Falisca suis.  
Júpiter, arce sua totum quum spectet in orbem,  
Nil nisi Romanum, quod tueatur, habet.  
Salve, læta dies, meliorque revértere semper,  
A pópulo rerum digna potente coli.  
Quem tamen esse deum te dicam, Jane biformis?  
Nam tibi par nullum Græcia numen habet.  
Ede simul causam, cur de cœléstibus unus,  
Sitque quod a tergo, sitque quod ante. vides.  
Hæc ego, quum sumtis agitare mente tabellis,  
Lucidior visa est, quam fuit ante, domus.  
Tum sacer, ancípiți mirandus imágine, Janus  
Bina repens óculis óbtulit ora meis.  
Obstupui; sensique metu riguisse capillos;  
Et gélidum súbito frígore pectus erat.  
Ille, tenens dextra báculum, clavemque sinistra,  
Édedit hos nobis ore priore sonos:  
Disce, metu pósito, vates operose dierum,

Quod petis, et voces pèrcipe mente meas  
Me Chaos antiqui, nam res sum prisca, vocabant.  
Àdspice, quam longi témporis acta canam  
Lúcidus hic aer, et, quæ tria córpora restant,  
Ignis, aquæ, tellus, unus acervus erant.  
Ut semel hæc rerum secessit lite suarum,  
Inque novas abiit massa soluta domos,  
Flamma petit altum; propior locus áera cepit:  
Sederunt medio terra fretumque solo.  
Tunc ego, qui fúeram globus, et sine imágine moles,  
In faciem redii, díгнаque membra deo.  
Nunc quoque (confusæ quondam nota parva figuræ)  
Ante quod est in me, postque videtur idem.  
Áccipe, quæsità quæ causa sit áltera formæ;  
Hanc simul ut noris, officiumque meum.  
Quidquid ubique vides: cœlum, mare, núbila, terras;  
Omnia sunt nostra clausa patentque manu.  
Me penes est unum vasti custodia mundi:  
Et jus vertendi cárdinis omne meum est.  
Quum libuit Pacem plácidis emíttre tectis,  
Líbera perpetuas ámbulat illa vias.  
Sánguine letífero totus miscébitur orbis,  
Ni teneant rígidaé cóndita bella seræ.  
Præsideo fóribus cœli cum mítibus Horis:  
It, redit officio Júpiter ipse meo:  
Inde vocor Janus.—Cui quum Cereale sacerdos  
Imponit libum, míxtaque farra sali;  
Nómina ridebis; modo namque Patulcius idem  
Et modo sacrífico Clusius ore vocor.  
Scílicet alternò voluit rudis illa vetustas



Nómine diversas significare vices.

Vis mea narrata est: causam nunc disce figuræ.

Jam tamen hanc áliqua tu quoque parte vides.

Omnis habet géminas, hinc atque hinc, janua frontes;

E quibus hæc pópulum spectat, at illa larem.

Utque, sedens vester primi prope límina tecti

Jánitor, egressus introitusque videt;

Sic ego prospicio, cœlestis jánitor aulæ,

Eóas partes, Hesperiasque simul.

Ora vides Hécates in tres vergentia partes,

Servet ut in ternas cómpita secta vias.

Et mihi, ne flexu cervicis témpora perdam,

Cérnere non moto córpore bina licet.»

—Díxerat: et vultu, si plura requirere vellem,

Se mihi diffícilem non fore fassus erat.

Sumsi ánimum, gratesque deo non térritus egi:

Vérbaque sum spectans pauca locutus humum:

«Dic, age, frigóribus quare novus íncipit annus,

Qui melius per ver incipiendus erat?

Omnia tunc florent: tunc est nova témporis ætas;

Et nova de grávido pálmite gemma tumet;

Et modo formatis amícitur fróndibus arbos;

Prodit et in summum séminis herba solum;

Et tépidum vólucres concéntibus áera mulcent;

Ludit et in pratis luxuriatque pecus.

Tum blandi soles; ignótaque prodit hirundo;

Et luteum celsa sub trabe fingit opus.

Tum pátitur cultus ager, et renovatur aratro:

Hæc anni nóvitas jure vocanda fuit».

Quæsieram multis; non multis ille moratus,

Cóntulit in versus sic sua verba duos:  
«Bruma novi prima est, veterisque novíssima solis:  
Principium capiunt Phœbus et annus idem»,  
Post ea mirabar, cur non sine litibus esset  
Prima dies: «Causam pércipe, Janus ait,  
Témpora commisi nascentia rebus agendis,  
Totus ab auspicio ne foret annus iners.  
Quisque suas artes ob idem delibat agendo:  
Nec plus quam sólitum testificatur opus».  
Mox ego: «Cur, quamvis aliorum númina placem,  
Jane, tibi primo tura merumque fero?  
—«Ut per me possis áditum, qui límina servo,  
Ad quoscumque velim prorsus habere deos».  
—«At cur læta tuis dicuntur verba kalendis;  
Et damus alternas, accipimusque preces?»  
Tum deus incumbens báculo, quem dextra gerebat:  
«Omina principiis, inquit, inesse solent.  
Ad primam vocem tímidas advértitis aures:  
Et visam primum cónsulit augur avem.  
Templa patent, auresque deum: nec lingua caducas.  
Cóncipit illa preces, díctaque pondus habent».  
Desíerat Janus: nec longa silentia feci:  
Sed tétigi verbis última verba meis:  
«Quid vult palma sibi rugósaque cárica, dixi,  
Et data sub niveo cándida mella cado?»  
«Omen, áit, causa est, ut res sapor ille sequatur,  
Et pérangat cœptum dulcis ut annus iter».  
—Dulcia cur dentur, video: stipis ádjice causam,  
Pars mihi de festo ne labet ulla tuo».  
Risit, et «O quam te fallunt tua sáecula, dixit,

Qui stipe mel sumta dulcius esse putas!  
Vix ego Saturno quemquam regnante videbam,  
Cujus non ánimo dulcia lucra forent.  
Témpore crevit amor, qui nunc est summus, habendi:  
Vix ultra, quo jam progrediatur, habet.  
Pluris opes nunc sunt, quam prisci témporis annis;  
Dum pópulus pauper, dum nova Roma fuit:  
Dum casa Martígenam capiebat parva Quirinum,  
Et dabat exiguum flúminis ulva torum.  
Jupíter angusta vix totus stabat in æde:  
Inque Jovis dextra fictile fulmen erat.  
Fróndibus ornabant, quæ nunc Capitolia gemmis,  
Pascebatque suas ipse senator oves.  
Nec pudor in stípula plácidam cepisse quietem,  
Nec fœnum cápiti supposuisse, fuit.  
Jura dabat pópulis pósito modo consul aratro,  
Et levis argenti lámina crimen erat.  
At postquam fortuna loci caput éxtulit hujus,  
Et tétigit summos vértice Roma deos,  
Creverunt et opes, et opum furiosa cupido;  
Et, quum possideant plúrima, plura volunt.  
Quáerere ut absumant, absumta requírere certant;  
Atque ipsæ vitiis sunt alimenta vices.  
Sic, quibus intumuit suffusa venter ab unda,  
Quo plus sunt potæ, plus sitiuntur aquæ.  
In pretio pretium nunc est: dat census honores;  
Census amicitias; pauper ubique jacet.  
Tu tamen, auspiciū si sit stipis útile, quæris,  
Curque juvent nostras æra vetusta manus:  
Æra dabant olim; melius nunc omen in auro est:

Víctaque concedit prisca moneta novæ.  
Nos quoque templa juvant, quamvis antiqua probemus,  
Aurea; majestas cónvenit ista deo.  
Laudamus véteres, sed nostris útimur annis:  
Mos tamen est æque dignus uterque coli».   
Finíerat mónitus: plácidis ita rursus, ut ante,  
Clavígerum verbis álloquor ipse deum:  
«Multa quidem dídici: sed cur navalis in ære  
Áltera signata est, áltera forma biceps?»  
Nóscere me dúplici posses in imágine, dixit;  
Ni vetus ipsa dies extenuaret opus.  
Causa ratis supérest: Tuscum rate venit in amnem  
Ante pererrato fálcifer orbe deus.  
Hac ego Saturnum mémini tellure receptum:  
Cœlitibus regnis ab Jove pulsus erat.  
Inde diu genti mansit Saturnia nomen.  
Dicta quoque est Latium terra, latente deo.  
At bona postéritas puppim servavit in ære,  
Hóspitis adventum testificata dei.  
Ipse solum colui; cujus placidíssima lævum  
Radit arenosi Tíbridis unda latus.  
Hic, ubi nunc Roma est, incædua sylva virebat;  
Tántaque res paucis pascua bubus erat.  
Arx mea collis erat, quem cultrix nómine nostro  
Núncupat hæc ætas, Janiculumque vocat.  
Tunc ego regnaban, patiens quum terra deorum  
Esset, et humanis númina mixta locis.  
Nondum Justitiam fácinus mortale fugarat;  
Última de súperis illa reliquit humum:  
Proque metu pópulum sine ví pudor ipse regebat.



Nullus erat justis réddere jura labor.  
Nil mihi cum bello: pacem postesque tuebar  
(Et clavem ostendens), Hæc, ait, arma gero.

---

REPOSO. — PAZ.

(1, 657 - 723)

Ter quater evolvi signantes témpora fastos;  
Nec Sementiva est ulla reperta dies:  
Quum mihi, sensit enim, lux hæc indicitur, inquit  
Musa: «Quid a fastis non stata sacra petis?  
Utque dies incerta sacro, sic témpora certa;  
Semínibus jactis est ubi fœtus ager.  
State coronati plenum ad præsepe juvenci,  
Quum tépido vestrum vere redibit opus.  
Rústicus eméritum palo suspendat aratrum:  
Omne reformidat frígida vulnus humus.  
Villice, da requiem terræ, semente peracta:  
Da requiem; terram qui coluere, viris.  
Pagus agas festum: pagum lustrate, coloni;  
Et date paganis annua liba focis.  
Placentur matres frugum, Tellusque Ceresque,  
Farre suo, grávidæ visceribusque suis.  
Officium commune Ceres et Terra tuentur;  
Hæc præbet causam frúgibus, illa locum.  
Consortes óperum, per quas correcta vetustas,  
Quérnaque glans victa est utiliore cibo;  
Frúgibus immensis ávidos satiate colonos,

Ut capiant cultus præmia digna sui.  
Vos date perpetuos téneris seméntibus auctus:  
Nec nova per gélidas herba sit usta nives.  
Quum sérimus, cœlum ventis aperite serenis:  
Quum latet, ætheria spárgite semen aqua.  
Neve graves cultis Cerealia dona cavete  
Ágmine læsuro depopulentur aves.  
Vos quoque subjectis, formicæ, párcite granis:  
Post messem prædæ copia major erit.  
Interea crescat scabræ robíginis expers,  
Nec vitio cœli palleat ægra seges:  
Et neque deficiat macie, neque pinguior æquo  
Divitiis pereat luxuriosa suis:  
Et careant loliis oculos vitiántibus agri;  
Nec stérilis culto surgat avena solo.  
Triticeos fœtus, passúraque farra bis ignem,  
Hordéaque ingenti fóenore reddat ager.  
Hoc ego pro vobis, hoc vos optate, coloni:  
Efficiantque ratas útraque diva preces.  
Bella diu tenuere viros: erat aptior ensis  
Vómere: cedebat taurus arator equo.  
Sárcula cessabant; versique in pila ligones,  
Fáctaque de rastro póndere cassis erat.  
Gratia dis, domuique tuæ: religata catenis  
Jam pridem nostro sub pede bella jacent.  
Sub juga bos veniat; sub terras semen aratas:  
Pax Cérerem nutrit: Pacis alumna Ceres.  
—At, quæ venturas præcedet sexta kalendas,  
Hac sunt Ledæis templa dicata diis.  
Frátribus illa deis fratres de gente deorum

Circa Juturnæ composuere lacus.—

Ipsum nos carmen deducit Pacis ad aram;

Hæc erit a mensis fine secunda dies.

Fróndibus Actíacis comptos redimita capillos,

Pax ades, et toto mitis in orbe mane.

Dum desunt hostes, desit quoque causa triumphī:

Tu dúcibus bello gloria major eris.

Sola gerat miles, quibus arma coerceat, arma;

Canteturque fera nil, nisi pompa, tuba.

Horreat Ænéadas et primus et últimus orbis;

Si qua parum Romam terra timebat, amet.

Tura, sacerdotes, pacálibus áddite flammis;

Álbaque percussa víctima fronte cadat.

Utque domus, quæ præstat eam, cum Pace perennet,

Ad pia propensos vota rogate deos.

---

## ARIÓN.

(2, 91-119)

Cynthia sæpe tuis fertur, vocalis Aríon,

Tamquam fraternis obstupuisse modis.

Nomen Arionium Sículas impléverat urbes,

Cáptaque erat lyricis Áusonis ora sonis;

Inde domum répetens puppim conscendit Aríon,

Atque ita quæsitæ arte ferebat opes.

Fórsitan, infelix, ventos undamque timebas;

At tibi nave tua tutius æquor erat:

Namque gubernator dstricto cónstitit ense,

Cætéraque armata conscia turba manu.  
Quid tibi cum gladio? dubiam rege, návita, pinum;  
Non sunt hæc dígitis arma tenenda tuis.  
Ille metu vacuus, «Mortem non déprecór, inquit;  
Sed liceat sumta pauca referre lyra»:  
Dant veniam, ridentque moram: capit ille coronam,  
Quæ possit crines, Phœbe, decere tuos:  
Indúerat Tyrio bis tinctam múrice pallam:  
Réddidit icta suos póllice chorda sonos;  
Flebílibus véluti númeris canentia dura  
Trajectus penna témpora cantat olor.  
Prótinus in medias ornatus désilit undas,  
Spárgitur impulsa cáerula puppis aqua.  
Inde, fide majus, tergo delphina recurvo  
Se mémorant óneri supposuisse novo.  
Ille sedens citharamque tenet, pretiumque vehendi,  
Cantat, et æquoreas cármine mulcet aquas.  
Dì pia facta vident: astris delphina recepit  
Júpiter, et stellas jussit habere novem.

---

### SILENO Y EL PANAL.

(3, 735 - 763)

Liba deo fiunt, succis quia dúlcibus ille  
Gaudet, et a Baccho mella reperta ferunt.  
Ibat arenoso sátyris comitatus ab Hebro:  
(Non habet ingratos fábula nostra jocos)  
Jamque erat ad Rhódopen, Pangáeaque flórída ventum,  
Æríferæ cómitum concrepuere manus.  
Ecce novæ coeunt vólucres tinnítibus actæ;



Quaque movent sónitus æra, sequuntur apes. 742  
Cólligit errantes, et in árbore claudit inani  
Liber; et inventi præmia mellis habet.  
Ut sátyri, levisque senex tetigere saporem,  
Quærebant flavos per nemus omne favos.  
Audit in exesa stridorem exáminis ulmo;  
Ádspicit et ceras; dissimulatque senex:  
Utque piger pandi tergo residebat aselli,  
Ápplicat hunc ulmo, corticibusque cavis.  
Cónstitit ipse super ramoso stípите nixus;  
Atque ávide trunco cóndita mella petit.  
Millia crabronum coeunt; et vértice nudo  
Spícula defigunt, óraque summa notant.  
Ille cadit præceps, et calce feritur aselli;  
Inclamatque suos, auxiliumque rogat.  
Concurrunt sátyri, turgentíaque ora parentis  
Rident: percusso cláudicat ille genu.  
Ridet et ipse deus; limumque indúcere monstrat:  
Hic paret mónitis, et linit ora luto.  
Melle pater frúitur; liboque infusa calenti  
Jure repertori cándida mella damus.

---

## LA ZORRA PELIGNA.

(4, 683 - 713)

Frígida Carséolis, nec olivis apta ferendis,  
Terra, sed ad ségetes ingeniosus ager.  
Hac ego Pelignos, natalia rura, petebam,

Parva, sed assiduis húmida semper aquis.  
Hóspitis antiqui sólitas intrávimus ædes:  
Démserat eméritis jam juga Phœbus equis.  
Is mihi multa quidem, sed et hæc narrare solebat,  
Unde meum præsens instrueretur opus:  
«Hoc, ait, in campo (campumque ostendit) habebat  
Rus breve cum duro parca colona viro.  
Ille suam peragebat humum: sive usus aratri,  
Sive cavæ falcis, sive bidentis erat.  
Hæc modo verrebat stantem tibícine villam;  
Nunc matris plumis ova fovenda dabat:  
Aut vírides malvas, aut fungos cólligit albos;  
Aut húmilem grato cálfacit igne focum.  
Et tamen assiduis exercet brachia telis;  
Adversumque minas frígoris arma parat.  
Filius hujus erat primo lascivus in ævo;  
Addideratque annos ad duo lustra duos.  
Is capit extremi vulpem sub valle salicti:  
Abstúlerat multas illa cohortis aves.  
Captivam stípula fœnoque involvit et ignes  
Admovet: urentes éffugit illa manus  
Qua fugit, incendit vestitos méssibus agros:  
Damnosis vires ígnibus aura dabat.  
Factum abiit; monumenta manent: nam vívere captam  
Nunc quoque lex vulpem Carseolana vetat.  
Utque luat pœnas gens hæc, Cereálibus ardet;  
Quoque modo ségetes pérdidit, ipsa perit.»

# APÉNDICE

---

## HIMNOLOGÍA ECLESIAÍSTICA.

Jesu dulcis, amor meus,  
ac si præsens sis, accedo;  
te complector cum affectu,  
tuorum memor vúlnerum.

O quam nudum hic te cerno,  
laceratum et distentum,  
inquinatum, involutum  
in hoc sacrato tégmine.

Salve, caput, cruentatum  
spinis, cujus dulcis vultus  
immutavit suum florem,  
quem cœli tremit curia.

Salve, latus Salvatoris,  
salve, mitis apertura,  
super rosam rubicunda,  
medela salutífera.

Manus sanctæ, vos avete,  
diris clavis perforatæ;  
ne repellas me, Salvator,  
de tuis sanctis pédibus.

---

I

1.

Cœlestis aulæ nuntius,  
arcana pandens Núminis,  
plenam salutat gratia  
Dei parentem víginem.

Virgo propinquam ságuine  
matrem Joannis vísitat;  
qui clausus alvo gestiens  
adesse Christum nuntiat.

Verbum, quod ante sáecula,  
e mente Patris prodiit,  
e matris alvo víginis  
mortalis infans náscitur.

Templo puellus sístitur,  
legique paret légifer;  
hic se Redemptor páupere  
pretio redemptus ímmolat.



Quem jam dolebat pérditum,  
mox læta mater invenit,  
ignota doctis méntibus  
edisserentem filium.

2.

In horto olivis cónsito  
Redemptor orans prócidit;  
mæret, pavescit, déficit,  
sudore manans ságuinis.

A proditore tráditus,  
raptatur in pœnas Deus,  
dirisque vinctus nélixibus  
flagris cruentis cáeditur.

Intexta acutis séntibus,  
corona contumeliæ,  
squallenti amictum púrpora,  
regem coronat gloriæ.

Molis crucem ter arduæ,  
sudans, anhelans, cóncidens,  
ad montis usque vérticem  
gestare vi compéllitur.

Confixus atro stípíte  
inter scelestos innocens,  
orando pro tortóribus,  
exsanguis efflat spíritum.

3.

Jam morte victor óbruta  
ab ínferis Christus redit,  
fractisque culpæ vínclis,  
cœli recludit límina.

Visus satis mortálibus,  
ascendit ad cœlestia,  
dextræque Patris ássidet,  
consors paternæ gloria.

Quem jam suis promíserat,  
sanctum daturus Spíritum,  
linguis amoris igneis  
mœstis alumniis impluit.

Soluta carnis póndere,  
ad astra Virgo tóllitur,  
excepta cœli júbilo  
et angelorum cánticis.

Bis sena cingunt sídera  
almæ parentis vérticem:  
throno propinqua filii,  
cunctis creatis ímperat.

II

Te gestientem gaudiis,  
te sauciam dolóribus,  
te jugi amictam gloria,  
o virgo mater, pángimus.

Ave, redundans gaudio  
dum cóncipis, dum vísitas,  
et edis, offers, ínvenis,  
mater beata, filium.

Ave, dolens et íntimo  
in corde agonem, vérbera,  
spinas crucemque filii  
perpressa, princeps mártyrum.

Ave, in triumphis filii,  
in ígnibus Parácliti,  
in regni honore et lúmine,  
regina fulgens gloria.

Venite, gentes, cárpíte  
ex his rosas mysteriis,  
et pulchri amoris ínclytæ  
matri coronas néctite.

---

I

O lux beata cóelitum  
et summa spes mortalium,  
Jesu, o cui doméstica  
arrisit orto caritas;

Maria, dives gratia,  
o sola quæ casto potes  
fovere Jesum pectore,  
cum lacte donans óscula.

Tuque ex vetustis pátribus  
delecte custos vírginis,  
dulci patris quem nómine  
divina proles ínvocat.

De stirpe Jesse nóbili  
nati in salutem gentium,  
audite nos, qui súpplīces  
vestras ad aras sístimus.

Dum sol redux ad vésperum  
rebus nitorem détrahit,  
nos hic manentes íntimo  
ex corde vota fúndimus:

Qua vestra sedes floruit  
virtutis omnis gratia,  
hanc detur in domésticis  
referre posse móribus

## II

Sacra jam splendent decorata lychnis  
templa; jam sertis redimitur ara  
et pio fumant redolentque acerræ  
thuris honore.

Num juvet summo géniti Parente  
regios ortus celebrare cantu?  
num domus David decora et vetustæ  
nómina gentis?



Gratius nobis memorare parvum  
Názaræ tectum, tenuemque cultum;  
gratius Jesu tácitam referre  
cármine vitam.

Nili ab extremis peregrinus oris,  
ángeli ductu própere remigrat  
multa perpressus puer, et paterno  
límine sospes.

Arte, qua Joseph, húmili excolendus  
ábdito Jesus juvenescit ævo,  
seque fabrilis socium laboris  
ádjicit ultro.

«Írriget sudor mea membra (dixit),  
ántequam sparso mádidus cruore:  
hæc quoque humano géneri expiando  
pœna luatur.»

Ássidet nato pia mater almo;  
Ássidet sponso bona nupta, felix  
si potest curas relevare fessis  
múnere amico.

O, neque expertes óperæ et laboris,  
nec mali ignari, míseros juvate,  
quos reluctantes per acuta rerum  
urget egestas:

démite his fastus quibus ampla splendet  
fáustitas; mentem date rebus æquam;  
quotquot implorant cólumen, benigno  
cérnite vultu.

III

O gente felix hóspita  
augusta sedes Názaræ  
Quæ fovit alma ecclesiæ  
et prôtulit primordia.

Sol qui pererrat aureo  
terras jacentes lúmine,  
nil gratius per sáecula  
hæc vidit æde, aut sanctius.

Ad hanc frequentes cónvolant  
cœlestis aulæ nuntii;  
virtutis hoc sacrarium  
visunt, revisunt, éxcolunt.

Qua mente Jesus, qua manu  
optata patris pérficit!  
Quo virgo gestit gaudio  
materna obire múnera!

Adest amoris párticeps  
curæque Joseph cónjugi,  
quos mille jungit nexibus,  
virtutis auctor, gratia.

Hi diligentes invicem  
in Jesu amorem confluunt;  
utrique Jesus mutuæ  
dat caritatis præmia.

Sic fiat, ut nos c  ritas  
jungat perenni f  edere,  
pacemque alens domesticam,  
amara vit  e t  mperet.

BRITISH

---

# ERRATA :

		Pág.	Lln.
genus.....	léase :	genus..... 105	13
desiderium....	»	desiderium.... 105	18
trecenis.....	»	trecenis..... 107	5
Geryonen.....	»	Geryonen..... 107	8
Baucís.....	»	Baucis..... 164	

---



# ÍNDICE

---

## 1ª PARTE. — PROSA

### CÉSAR: — Guerra gálica Pág.

Aprestos bélicos de los helvecios .....	5
Derrota de Ariovisto .....	12
Costumbres de los galos y germanos .....	15

### Guerra civil.

Batalla de Farsalia .....	25
---------------------------	----

### SALUSTIO. — Guerra Catilinaria.

Introducción .....	45
--------------------	----


### CICERÓN.

De los deberes .....	54
De la vejez .....	62

## 2ª PARTE. — POESÍA.

### HORACIO. — Odas.

Ad rempúblicam .....	105
Ad púerum .....	106
Ad Licinim .....	106
Ad Póstumum .....	107



	<u>PÁG.</u>
Ad Grosphum.....	108
Ad Julium Antonium.....	110
Alfius.....	112

### **VIRGILIO.**

Eneida.....	115
Destinos de Roma.....	122

### **OVIDIO:**

Elegía I.....	130
Elegía III.....	134

### **Metamorfosis.**

Creación y diluvio.....	138
Faetón.....	153
Filemón y Baucis.....	164
Ceix y Halcione.....	168
Pitágoras.....	179

### **Fastos.**

Jano.....	182
Reposo. — Paz.....	191
Arión.....	193
Sileno y el panal.....	194
La zorra peligna.....	195

### **Apéndice.**

Himnología eclesiástica.....	197
------------------------------	-----

---

Bol. Anales Univ. 1907

p. 187 i. 239

